

邵亭遺詩

函一
三冊
函

徵君莫子偲墓誌銘

武昌張裕釗撰

子偲姓莫氏諱友芝自號邵亭晚號明交世居江南之上元明宏治中其遠祖曰先者從征貴州都勻苗遂畱居都勻至高祖雲衢又遷獨山州自是爲獨山州人曾祖嘉能祖強州學生皆以君考貴 贈如其官考與儔嘉慶己未進士翰林院庶吉士改官爲四川鹽源縣知縣再改官爲貴州遵義府學教授曾文正公表其墓曰教授莫君者也教授君故名進士日以樸學倡其徒教其子弟子偲獨一意自刻厲追其志而從之當是時遵義鄭子尹珍亦從教授君游與子偲相廟以許鄭之學

積五六年所詣益邃黔中官師徒友交口推轂莫子偲
鄭子尹而兩人名遂冠西南子偲之學於蒼雅故訓六
經名物制度靡所不探討芻及金石目錄家之說尤究
極其奧蹟疏導源流辨析正僞無銖寸差失所爲詩及
棟文皆出於人人而於詩治之益深且久又工眞行篆
隸書求者肩相摩於門子偲體度溫醇居常好游覽善
談論遇人無貴賤愚智一接以和暇日相與商較古今
評騭術業高下正論詼嘲閒作窮朝昏不勅自通州大
邑至於山陬嶺海公卿鉅人學士大夫咸推子偲以爲
不可及下逮武夫小吏閭巷學徒語君名字無不知及

其他嘗與君晤無不得其意以去者然君雖樂易而中故介然有以自守自道光辛卯舉於鄉其後連歲走京師朝士貴人爭欲與之交然君必慎擇其可有權貴介君友求書辭不應某相國欲招致授子弟讀婉謝之既屢試禮部不得志以咸豐八年截取知縣且選官顧君意所不樂弃去不復顧以其年七月出都門從胡文忠公於太湖明年復從曾文正公於皖越四年又從至金陵胡文忠曾文正公皆君嘗所與游舊知君者也今合肥相國李公巡撫江蘇請州縣吏於朝而是時中外大臣嘗密薦學問之士十有四人詔徵十四人往君

其一也於是文正公暨李相國及諸朋好爭要君出仕
啟勸甚至君一辭謝不就攜妻子居金陵時獨出往來
於江淮吳越之交子偲既好游而東南故多佳山水又
儒彥勝流往往而聚迺日從諸人士飲酒談詠所至忘
歸同治七年冬余與子偲自金陵偕送文正公於邗上
返過維揚登焦山道丹徒至吳門並舟行者累月日日
接齏談語十事而合者七八余尋別子偲赴杭州明年
復來吳與子偲益買舟徧覽靈巖石樓石壁之勝觀梅
於鄧尉越日至天平山謀且上其顛子偲苦足力乏坐
寺中待余余乃獨從一小童攀籐葛凌怪石陟絕頂以

望太湖既下子偲迎余而笑相詫以爲極一時之樂距
今忽忽四五年日月夢想屢欲尋舊游不可復得而子
偲則且卒矣子偲之卒以同治十年九月辛丑春秋六
十有一生平所爲書曰黔詩紀略三十三卷遵義府志
四十八卷聲韻考略四卷過庭碎錄十二卷邵亭詩鈔
六卷樗繭譜注一卷唐本說文木部箋異一卷其編訂
未竟者尚有詩八卷邵亭文影山詞邵亭經說古刻鈔
書畫經眼錄宋元舊本書經眼錄舊本未見書經眼錄
資治通鑑索隱梁石記各若干卷藏於家配夏孺人子
彝孫附貢生先一歲卒繩孫兩淮候補鹽大使女二人

孫小農尚幼子偲兄弟九人多有名於時子偲既卒其
季弟祥芝官江甯知縣者請假於大府以十一年二月
與繩孫走萬里載其柩歸於貴州卜六月壬申葬於遵
義縣東八十里青田山先塋之次且行徵銘於余余與
子偲故相得也既踰月爲之銘而歸之其辭曰
烏乎子偲迹半天下名從之馳卒歸藏於故邱無所不
慊矣其又何悲

邵亭遺詩總目

獨山莫友芝子偲

卷第一

古今詩四十三首

咸豐壬子至甲寅秋

卷第二

古今詩六十九首

甲寅秋至乙卯

卷第三

古今詩五十八首

丙辰

卷第四

古今詩八十六首

丁巳戊午

卷第五

古今詩四十四首 己未

卷第六

古今詩九十七首 庚申

卷第七

古今詩七十二首 辛酉至同治壬戌

卷第八

古今詩七十六首 癸亥至辛未

右先君子遺詩八卷凡五百四十六首其第一卷
咸豐壬子迄甲寅秋三年中所作謹拾散片手稿

鈔集者以桐梓土賊之亂遺失殊多第二暨第八
卷亦因散稿集錄閒有缺佚第三卷至七卷咸豐
丙辰迄同治壬戌七年之作則據成帙手稿繕刻
較爲完備先君存稿不欲繁壬子而上八年之詩
既經鄭子尹先生珍刪次爲六卷刊行猶有意更
爲裁汰繩孫今請江甯汪梅岑士鐸遵義黎尊齋
庶昌兩先生點定遺詩咸謂集非自定宜一切仍
之僅各以意去一二也光緒初元冬十月甲子第
二男繩孫謹志于江甯旅舍

邵亭遺詩卷一

獨山莫友芝子偲

猶子遠猷來湘川講舍同度歲送之歸四首

歲晚百無緒汝來開我愁提攜玉如意起舞對棠洲回
首新阡別那禁老淚流十年成底事相望各悠悠
頻年為客慣度歲只尋常噉爾無佳味悽然念故鄉盈
庖急春磨堆案雜丹黃鼎沸群雛裏當時樂遽央

爾生才半月父也卽長辭盼舍州庠菜方開汝母頤壯
年真可愛經訓好勤菑唾手將科第娛親正不貲

伯叔今俱老差欣健自如好看諸弟姪休怨薄田廬赤

手元依舊青箱莫任疏身材能中考生計豈應舒

陪黎雪樓恂

文過鄭子尹望山堂作上元和主人

兼呈雪老

經巢歲歲上元杯咫尺青田幾度來十里花光扶月轉
萬山燈影踏星回齋鹽似爾真如蜜梨棗牽人定作災

子尹方開雕經巢詩
亟索訂予近詩同刻久對王忱思范甯喜隨佳節問刪

裁

熄烽曉發

東雲露脊西雲爪群龍出沒滄溟曉笑扳龍角踏天行
翩然欲度搏桑杪搏桑上日明初浴火雲燒徹滄波綠

手招仙侶送黃人銀鳥金壺看不足黃人迢迢履遙空
吹衣澹澹來天風眼前雲海落何處無數山花相白紅
修文道中彝兒生日

客裏將雛十載彊青春作伴暫還鄉斜風細雨烏江路
複嶺重山鳥道長雅肄暫教停鼓篋行纏聊取試弧桑
棠洲群季還湯餅憶爾馳驅指貴陽

圖雲關

石磴盤旋東向迴曉雲扶日度關來濛濛繡堞千花遠
歷歷青山萬徑開幹勇威名餘馬革通侯勛業尚龍堆
書生不解匡時略獨立蒼茫感將才

朱勇烈公射斗勇
號幹勇巴圖魯墓

在關西其鎮蜀征達州威名甚盛賊呼為朱判官戰沒
後賊眾常白日見公馳馬突擊諫呼朱判官來輒自相
殘殺關下有奉勅為果勇侯楊公芳建萬里封侯坊

錫丸

錫丸杉炭帶星齋高隴低田且漫犁聞道黠獯依遯水
莫教偷過夜郎西

經南臯書院有懷鄒忠介公卽柬山長

南臯遠戍旁溝旁講學大暘知能良信哉斯人共心理
不以遐陋偏枯僵此邦況半舊毋斂荊州北學除天荒
甯州更嗣道真武忠義之氣何軒昂後來千載斷師法
但與王會圖蠻裝懷昌元深信惡子忍使祖澤埽地亡

中間詎少絕特士更莫推挽徒嗟傷天心人意兩鬱極
要眇徒耳睛返睚爾瞻一謫不無為頓與椎結加端章
祇今庠序載餘澤科第接踵群相望論階或出陳象上
守道誰參吳鉞行經生章句侈博見詞人壇坫誇鷹揚
罷精敝智費時月尚謂雀鼠耗太倉四語撮南臯重修
張公讀書堂記意
當時斥弃今且渺可憐心瘁官中囊裙襦未解口珠得
憤激每用嗤蒙莊咄哉詩禮竟有此何似弁鄙仍夷羌
吾儕那足世輕重呼不及遠招難長誰為南臯引前緒
攘剔茅塞還衢康君胡沈默絕可否獨挈老法偷和光
知余發喟已多事一笑且從人罵狂

出都勻城西門將登龍山尋鶴樓道院雨阻不果
傳聞張公斬妖蟒御氣凌空甚竒怪我讀先生道院篇
一字胡為不曾載盤谷智仁豈不樂破篋詩書聊可誨
從來儒者語至常肯以術家輕自穢龜來卜地眾所誇
龍見易名公亦猶我來適逢三月節故事朝山此其會
羈懷正要登覽舒疑事好緣搜訪快雜花連天香不斷
野鳥翩翻作前隊孤峰隔水見頭角細路緣崖隱松檜
不知雷雨何處藏頃刻晴空瀉滂沛先生開山本遊戲
安用靈蹤避吾輩終須負甌趁明朝往弄白雲霄漢外

水府廟

綫路挂屋脊絕壁插水府捫蘿下無地震掉難自主迴
門壁幽幽皺石光楚楚飛樓生意表倚檻忽軒舉水官
儼中坐正笏肅元組群山來如趨雙溪恣掀舞雨餘生
態足空翠上眉宇張生好遊覽石室此容與惜哉五百
年堪煙汙髡豎誰為重埽除丹經問龍虎廟中石室明初張邕過于
此習元今惡僧炊爨其中

茅屋

茅屋雙溪繞疎煙一徑斜竹根懸古石松頂出高花田
父權新雨行人愛晚霞相逢歌主客回首惜天涯

金鼎山雲霧茶歌

牂柯茶品陽寶絕貢篋不盈常外掇香爐後出乃匹之

雲中著根霧中茁

貴定縣貢陽寶山茶清平縣香爐山茶亦罕其匹遵義縣金鼎山茶則近

歲始聞之為圖經所失載

邇來更得金鼎產同倚高寒占危岳爐槍

寶觜共希異芥紫蘄黃俱不肩瓊筍抽禁

闕

海風冰芽

揀對峨山雪山僧自焙慎火候要保生香令不洩拌買

湄毛待渴羌

湄潭縣毛尖茶時俗所爭尚

秘試珍烹門自閉城居三

伏坐深甌午氣炎炎助焚爇徑思缸面誑辨才劫取

闕

供漱齧故人忽枉鼎山下新製封題驚款闔開函已

有清風來易并親

酌授煎訣

易氏井在遵義城南一甌清冽宜茶為諸井冠

一甌

豈直熱惱淨再盞真成仙骨拔稜稜高秋入胸次落落

遙情起蒼鷲乾坤清氣爾得多此味真難俗人說慳僧
可誅亦可恕稍免山靈怪輕藝作詩為證陸羽經但月
時時供一撮鴻漸茶經茶之出黔中生思州播州費州
夷州續文獻通攷洪武三十年置成都重
慶保寧播州茶倉四所令商人納米中茶令自三月至
九月每月差行人一員於陝西四川諭把隘頭目不許
私茶出境成化七年罷播州茶倉今土
城里有茶引四十道歸仁懷縣徵解

懷化曉發

松林不受雪白徧松下山我行松山路拂面花斑斑吹
花作明珠縈繞襟帶間伸手欲拾取十指凍不灣山塘
邈何許長驛愁心顏

長溪道中

出門一步卽難休朔雪千峰豈自由計日已經三九後
思家常是五更頭心情野馬難施勒身事游魚故上鉤
又送沅江會辰西青山明月憶儂不

辰陽舟中

又發滇黔卒干戈幾日休石濤喧戰氣村杵亂邊愁家
喜歸猶得生嗟老更浮春燈無賴甚夜夜傍行舟
欲問荊州信維舟水驛間但聞開歲後不見摺官還去
鳥意何急歸雲情自閒辰沅尚安堵面面沂春山
白壓半江雪青飛孤嶂雲石門臨檣棹松徑入斜曛乍
暖嫌衣重長懷關酒醺亂山看不極客思各紛紛

霽淞至界亭

積雪旬猶在寒淞午尚糝
轎穿雲腳上路繞瀑根回臘
月計已半辰山行未開懷人
欲有寄不見一枝梅

辰龍關

山入辰陽欲放平殘枝積葉轉崢嶸
絮雲撲撲扶輿度鐵壁鑿鑿夾路生
險處置關元可恃盜來憎主亦堪驚
多同企足非臣舊尚有唐蒙馬長卿

澧州

粵氛竟下岳陽來南紀軍書日夜催
轉饒百帆趨虎渡枕戈千帳壓龍堆

洞庭中有金沙洲一名龍堆

羽翰群玉竒何用雲

壑蘇岸賣豈回誰遣巴陵走王貢到今長憶士行才

花橋夜泊

日落歇雙槳遠燈如見招人聲喧夜渡茶鼓鬪花橋兒
女青紅態江村酒炬宵故鄉群盜遠樂意滿漁樵

闕題

羣山初破睡照水已蒼然何事公車客還尋上瀨船黑
風吹殺氣愁夢入狼煙不信江湖上鯨波尚塞天

闕題

上灘如陷陣生死一篙分屢奪蛟鼉窟眞稱罷虎軍羽
書馳不歇聲鼓遠疑聞欲括長年輩橫戈靖楚氛

闕題

漸覺兵戈遠翻令歸思濃
開頭霜落掌繫纜月當峰
水宿經三五山環更幾重
鐵衾愁不寐臥聽隔溪鐘

新店雨至鄭家

榭葉一徑紅櫻花幾枝
白風信較來遲似待南行客

四五兩月中經高規者數四
此來三日夏蒂村

如

春樹聽乘春諸姪始以菽乳相餉飽食酣臥起而

有作

廿載飄零遠故鄉此行鄉味飽
初嘗堆盤苦恨雞豚賤
落口自憐蔬筍香客命早知非
肉食主情何事劇膏粱

朝來乞得淮南乳袒腹鼯鼯過夕陽

癸丑初度行次高規堡艾克家

振宗

源長

朝宗

自

麻哈城來訪

曳兵春返計偕車
巾月蒼黃更去家
期與妻帑共今日
那知奔走尚天涯
山途半溼分龍雨
村樹時明照眼花
正是客心紛亂甚
遠煩良友為梳爬

訪陶子俊廷杰方伯於澹園留飲賦呈二首

天下方多故蕭然獨不聞
抽身真及早放意一微曛
野客容狂氣芳園益澹芬
漫通呵殿者來擾白鷗群
文獻荆甯後山川楚粵頭
欲知千載外未有一書留
舊

史才難敵高招力易優桑榆好料理珍重莫悠悠

聞明未大

學士扶公綱曾為都勻志 國朝康熙初都勻知府黎公際崐後續扶志重編今竝未見

示從孫大章

品三公與健行公一樣輸人記誦工至竟兩家開秀孝
都緣百倍力沈雄耕如鹵莽休言獲地果膏腴亦易豐
記取祖宗堂構意莫貪天質看人功

華嚴洞

苔堦圈綠幾痕紗小徑疎籬半未遮洞犬不驚長道客
山僧能護滿園花頻添楫杓煨松火自洗官哥點雪茶
寄語輿人莫催喚老夫清興正無涯

相見坡

出門一日卽天涯遊子貪程不念家路轉無端回一盼

重令珠淚落山花

先子生日宿貴定

五至三無彩戲場

先君七十生日詩有句云皓首頻年七旬邀五至青氈一老愧三無

故事已荒涼薦冬計物應貓筍落日無情下馬桑家裏

更增山萬疊客中空有淚千行老來飢走成何用浪說

他年墓頂黃

記得

記得此身猶少壯何曾世上有煙塵芳時負二三月

勝友相攜五六人美酒名花行坐是青山明月往來親
眼中行樂尋常事多難悠悠成古春

和陶擬古

燭火思燎原微陰逼西柳嗟哉眼前事根我意中久殺
氣彌萬山悲歌念良友風波斷消息愁望猶中酒紛紛
眼中人平時侈擔負事變已倉卒茶然為顏厚
事機在倚伏易始亦易終紛紛操其末那不生寇戎頑
鯨處汚泥戢首敢自雄一朝脫羈網流毒隨飄風狼煙
滿江湖積歲埽未窮可令井谷鮒復縱白波中

登都勻城東山

東樓亭壓碧崔嵬爭向城尖載酒來納納九江源處遠
蒼蒼五嶺望中開孝陵點筆成雄郡忠介投荒起達材
甲第蟬連冠蓋接陳吳不見使人哀

甲寅元日時叔莖兄在度歲

弟兄計止五人在節序常難一笑同屈指離家三十載
稱心今日一杯中條條菽果宜衰齒稜稜粳肪學土風
倚醉試拈花勝看徧尋兒女鬪青紅

朱亮甫太守

右曾

招集聽鶯軒觀其意園圖為之

作歌適聞獨山警報

鶯軒坐對東風長山花連天催酒舫醉眼矇矓客欲行

異境蒼然墮簾幌但見林巖屈曲溪百迴山亭水榭相
當開稱心風月隨時有礙眼塵氛無路來山城之中那
有此竒逸果是咀霞道人意中筆道人起吳名玉堂新
安五馬換黔牂民歌士舞隨所至祇有溪山願未償願
未能償先乞畫畫成攜入山叢挂政閒恣意得佳遊萬
字千鍾對揮灑邵亭寓公一畝無十年作客隄山隅借
人花鳥寄茅屋自詡達觀人無如今朝對畫還念吾隘
陋豈值一軒渠江淮逆祆稽未誅廣陵石城血草鋪西
南一僻幸無恙我屋公園屹相向忽聞母斂羽書馳邵
亭一夕鬢成絲回看此畫極盤互大似桃源仙人避秦

處故園松菊那可知徑欲移家此中住

除草

惡草何葦葦嘉禾苦難豐悠悠一世上舉眼將無同惡
草有時衰嘉禾有時殖衰殖雖偶然豈不在人力天如
化惡草徧地作嘉禾轉慮惰窳者春白怨奔波惡草塞
天地嘉禾終不絕萬古一粒仁蒼蒼自能別

雨過

度嶺雲復還灑階雨不溼階前婀娜花含薰對風立

邵亭遺詩卷一終

石埭徐士怡棟友校字
受業姨子黃平賀緒蕃

邵亭遺詩卷二

獨山莫友芝子偲

圍城九日

城上風光無限愁，但看干堞坐貔貅。
軍單仍怕凶門出，賊益幾如落葉稠。
十日元戎期不至，萬家懸釜漸無謀。
名園竹樹樵薪盡，白酒黃花何暇求。

遵亂紀事

婁山關南講善果，婁山關北藏賊夥。
祆經咒水暗相通，官裏成年鼓中坐。
北者九埧南板橋，揭竿一起關。
雄關天險棄不守，頓使賊氣秋峰高。
桐梓縣九埧賊楊鳳注關

九頃之賊來未來桐梓城門不敢開兒唬女哭縋城走

縣官千總空裴裒賊來搜城且三市無民有官亦不殺

募人作賊還募糧兩官鼠竄無人納賊揚言九月二日當破桐梓城中

居人先半月即紛紛移徙官閉門禁之縋城走者晝夜不絕至九月六日賊黨陳八十以梯入空城奪知縣干

總衣冠而縱之出徧招城民移者還以籍募人募糧助之反邨里皆徧惟漆溪一里不應賊

羽書夜走百廿里副戎聞之哭欲死欲逃不得進不能

大補額兵招滿市額兵未足且出城六日未逾初次程

幸哉此賊僅自守不爾已渡延南行遵義副將某聞賊起偽病不敢出復

聞桐陷乃徧招市人補缺額兵遵兵二百餘人額缺久懸招三日得數十人勉將以出軍械多敝不堪用出久

屢次近郊不據進

官民皇皇議城守郭外巨家皆否否按戶出丁聊壯觀

見敵能無弃兵走迂生浪發清野謀聞者翻爲笑不休

遵之藏富在城外若以資賊將誰尤自聞桐陷來卽爲城守之議擬移附

郭積聚入城城外諸人頗不然之唯議姑家出一人持兵相衛且言城必不守賊果至委去而已

稀稀朗朗天上星密密拶拶城頭燈街街巷巷鈴鐸緊

門門戶戶刀槍明北來賊勢已不小檻囚更報西邊擾

可憐有月無中秋一夜蒼黃到天曉中秋之夕城上爲守具二更後仁懷

縣急卒解六人至云賊陳啟秀楊占鰲向縣官派糧餉者

新兵新勇弱且囂板橋已逼心膽搖賊來弃甲委軍械

太守副戎齊遁逃遁乘月走中夜喘息屏營駐城下

啟明鏡導還入城揚揚不顧旁人罵

副戎十日進次四渡踏太守自六日

先募勇出是日同進十六日副戎太守前軍至板橋皆敗於陳受遂星夜奔還

來夜甲委

貧民分堞不敢怨富民挾資走如箭賊鋒已逼遵義城

我兵不救仁懷縣仁懷縣官非吏循能鬪而死亦足珍

遵城地寬守具略日夕

關

空愁人

仁懷陳四之子糾其族率諸亡賴仇

官知縣容保泰把總王明安武生曾占魁以兵勇禦之於唐村皆戰沒

近城之山何復重去城三里有賊蹤揚兵奮武試一出

北路已踏蠻營空參戎武略大尹才輕敵乃被狂蠻哈

州守全師亦已幸不見二子使心哀

甘三日署鎮甯知州徐河清以兵出

北門燒賊營於大營堡耀兵而還候補知縣陶履誠撫標參將保山獨取小徑出乾田塢遇伏戰沒于岳家崖

二君皆美材
聞者惜之

碧雲

峰名卽插旗山紅花岡名在城西

俯城隅賊必自此攻吾虛守

城文武各材俊屢聒莫爲先事圖飛梯果自西南出趨

堞官兵汗流溢我饒火器賊尚無不爾孤城能不失

日賊攻西南城兵以火器禦却之殺賊目一殺賊數十奪其梯十七自事起屢以西南城當宿重兵聒當事莫有置意自是始有嚴備

賊氛南溢漸以盛材官來者次而聽清江通守南谿韓

馳突先驅爲開徑南谿文吏何桓桓不道提軍行路難

提軍入境已三日胡爲返次烏江關

賊南出據豐樂橋望州一帶下游

各營兵來者次不敢進廿九日署清江通判韓超至乃先驅挾諸營兵戰而入城而提督總兵官趙萬春以兵

至螺師堰駐三日
遠還烏江南關

前有噬熊後齧虎左觸鐵矛右彊弩千林萬壑相迴環

南北東西阻復阻城兵漸增仍守城夜不合睫常到明

風瀟雨晦忽九月膏殫米盡愁何勝自入九月賊盡據環城諸山連日攻

城城中兵皆奮欲出提軍屢以書來戒勿輕動必待其至於是薪米膏蔬皆漸不支

提軍退次未卽返幾日城人望穿眼幸有文士遠相迎

關不倚烏江限聞道聚師五營聯細埽南道清伏奸

日行十里或五里能到定過今月圓提軍還次烏江遵義候補教職蹇諤

晉自昭何瑞堂等渡江迎之乃復北進然日行十許里而已

附郭鱗鱗萬家屋居人弃置成賊窟仁慈守令議存之

軍行乃恐焚不速昔討溫水屋數間尚費糧甲如邱山

可令一屋一溫水坐見瓦礫悽心顏八月廿九日清江

鏡傷帶兵者議盡焚之大定守及遵守竝謂可不必焚

但須整兵擊退九月十日復有伏鏡傷清江兵自是遂

日焚十餘家道光十八年

溫水之役止攻四合屋耳

城兵裹糧奮欲出軍門令來轉愁疾署通判韓超署知

月初以上下游先至兵驅近賊漸營

出城提軍令來戒勿輕出必待其至

且向花岡試師律岡東賊出牽我兵岡西伏賊起建瓴

清江營頭好猛士揚旗獨上千人傾九月十日韓通守

迴龍山賊提標定廣兵見賊遽退岡西伏賊起

逐之清江營兵揚旗上獨當其鋒賊竟披靡

軍門未至聽賊狂軍門既至益狃四門攻徧應不暇

還營無路仍城藏威甯新添有勁卒抄過桃源探賊窟

鎗疲矢竭無奈何退奪南橋罵秋月九月十三日提軍結大營於忠莊鋪

十四日以小隊入城賊四門疊攻且還斷豐樂橋道提軍遂不敢出城其所遣威甯新添兩營兵取點燈山小

徑出桃源後山搜殺伏賊已逼賊雷臺山大營以無援不敢攻奪路而還

十五十六行未成十七出城還入城長兵短兵奔盈谷

了無一賊惟虛驚嗚呼提軍者如此城中小兒笑不止

城中文武數十人閉口無人敢非是軍門十七天未明整隊出城行一里

許聞寤者呼曰賊至矣從人遽弃所持械而走軍門亦從之還城天曉繼人探聽軍械猶在山谷中乃知無一

賊也

邨團併力誓殺賊斗米束芻不令得枕戈結聚待官軍

捷音不至生惶惑官軍力已非昔單師老儲空忘據鞍

長機大礮我所恃使賊能備攻逾難賊常以百人爲群四出派糧老蒲場

茅石坎等村團皆誘而殲之軍門既至我兵已五六千人十日不一攻賊邨團結聚者漸爲賊脅力不支矣聞

賊已于高坪鑄大礮於海龍
塹造鎗刀其火器已不少

賊兵未及五千人攻城劫營一何勤屢斫機輪斷我汲

更絕粟道飢吾民賊營去城不五里儲糧峙甲連雲起

安得天公遣火焚不用官軍一條矢賊營城東雷臺山自東而北魚牙塹

新橋大營堡皆其糧屯一月以來我師未有往發一矢者

郡橫縣橫隔谿峙劫火烜烜同日燬孔子文昌無奈何

撤盡門牆賸階阨湘川講舍南山南閉城一月空煙嵐

長髮獨處守書卷死生存毀無由探

九月廿五日焚府縣學署經籍皆燼

文昌宮魁星樓亦燬府文廟牆門皆撤去時閉城月餘講舍存否尚不得消息

朱鴉日日東南飛連宵照耀生曙輝講堂文獻拌已矣

豈意尚與靈光巍貴州開省五百載耆舊聲華幾猶在

天荒掇拾良獨難定有呵護勞真宰

連日豐樂橋北民居焚毀殆盡間相

川講舍縱火未然及縣文廟尚在此道以漸通亟募歸講舍中文籍雖頗亡失幸黔詩紀略詩稿本十九猶存

尚易補綴

何山不容嘉卉敷何事托跡當城隅千樹紅梨萬頭薜

但見赤土無根株雙松百圍氣屈彊寓公爲屋欣相傍

主人含涕取斧斤客子相看各惆悵

北隣黎園爲城兵薪又空其茶園二

松天矯參天爲城中喬木之冠主人度不可保遂自伐也

我軍飛猿渡湘水火攻百道連山起衝鋒競說通守公

匹馬橫戈下高壘賊來逾月今膽寒闖竇窺墻走欲還

無端拔旆訝元帥功虧一簣唯長歎九月廿八日我兵分四道進攻賊營

韓通守以下游兵出沙鹽坡焚雙薦鳳凰諸賊營直搗雷臺山焚賊前營賊楊鳳毀寺墻欲遁提軍遽撤大隊

還通守亦不能盡攻而返

斗壁重岡茅石坎阨賊捷途當頸領連村列格事垂成

七道妖烽夜爭閃村中志士蕭冉徐殺賊如麻膽氣麤

援軍不發半義鬼失此巖險可嗟吁茅石坎一帶爲自遵義走磨盤山九

頃捷道蕭吉堂光遠爲團長聯絡數十里扼其亢已殺賊百餘人十月十一日賊以七道進攻團衆不能禦吉

呂氏言卷二
堂子永京走軍門乞援又不應吉堂弟儀遠死之吉堂
走免其被擒者皆令拜賊旗免死唯蕭冉徐三姓不拜
皆被殺蕭氏男婦
死至五十餘人

官軍南奔賊北走中宵一戰誰勝負明朝空壁更無人
壁上小兒齊拍手賊不賊兮官不官雷臺自有險老君
亦有關不聞塞函谷止用一泥丸催軍疊石作門戶蠢
爾麼賊誰能攀

賊壘一層還一層鐵蒺藜刺溝棱棱何物狗子乃辦此
使我欲進無全能忠莊老營聊可恃且浚深溝護高壘
胡然拔燾倚碧雲始知制軍親將兵

負山帶谿此崇墉扞賊已自秋徂冬當時發議不守者

遁而復還各言功嗚呼此曹懷異衷牽率萬戶奔波空
市恩弛禁復相引孤城岌岌愁人胸

賊退口號

火光百道射崔巍賊壘連山次第摧不是烏衣飛虎隊
爭教一夕掃雷臺

紛紛賊旆盡空杠逸出樊籠氣未降寄語多同休自大
少遷今已渡延江

旄頭昨夜落前營三窟休誇狡兔成阻隘自憑千健將
殲渠終藉一書生

旂旗滿路菜花明萬隴千村接笑聲洗盡甲兵乘好雨

盡銷鋒鏑事春耕

追奔轉戰疾於飛
七郡熊羆大合圍
南夷一鼓平劉胄
早晚封侯屬奮威

歌崖負水插曾雲
鳥聚猿攀尚作群
帶箭跳鋒忽分散
始知天上下將軍

和朱亮甫太守圍城述憤六首

徒隸竊威柄盛氣罔不陵
民思墜諸淵胡乃挽之升
此輩本梟獍呼朋卽戎興
伸手蔽日月舉眼無寸明
士林所群望亦倚延聲
稱仰睫附子弟何者敢不承
其來匪朝夕積戾薰以蒸
乖風召惡劫無術止亂萌
驚心昨春

暮殺氣騰樊蠅危城在呼吸一顛天竟鷹群兇走雷震

不費一矢征事首僅長繫讎民尚枝撐那知伍伯曹別

有難當憑飄風犯城邑殘我林與苒癸丑三月遵義令

無賴據城闕將縱火殺掠遂誣南鄉諸里欠糧人以反

因而誅之天忽大雷電擊散諸無賴事乃解桐梓楊賊

亦曾爲總快其黨陳賊則去落落副戎兵晨燈賸殘膏豈有數尺隄欲遏萬頃濤弃

甲任賊驅百里餘腥臊桐事起半月遵義副將始率新

驅逼郡主客萃文武登陴藉崇高富氓奪門走懼作逆

城矣命苗賊偽示言能先貧氓差守義分堞助干旄攻術變

不休鬼車和悲號城存實天幸守者豈不勞竟有賊窟

歸詭蹤兩端操平常習寬大非種不忍孳豺狼方塞途

虎豹日夜嗥保無講張者磨核布妖桃賊磨桃核貫之若數珠以飾頭

從之者卽予以桃珠

承平二百年事變誠已卒極盛丁字街瓦礫遂狼藉嗟

嗟市井中競利守膠瑟賊來拌捨棄敵愾有助役一炬

誠可哀創深或知惕我軍之氣挫已自岳崖北候補知縣陶履

誠署副將保山被鄉導給戰死岳家崖下猛將誤岐途懦旅愈難率因循今

賊蔓肆出污清白村墟焚掠徧卅里無完室山城積聚

少近野悔浪擲可憐中下戶日有不黔突逃城逾萬人

去苦盜充斥扶攜還郭下老稚餘慄慄踉蹌求生門欲

飽那易得

軍門轄諸鎮重寄在安邊兵家無巧久夫子豈不宣聚
師已逾萬坐聽孤城懸帟月未百里漸賈九府園進攻
必良辰失利乃屢傳誰令燎原火欲熄還更然我觀弧
矢星光燭西南天豈容草間竊久飲郭下川潭潭制軍
公好謀能萬全在昔襄漢上埽除無寸羶已聞發滇海
前旌指溫延士氣待之奮會見十當千談笑靖妖氛快
聽伐鼓淵

恩恩講屯拒露白楓未丹昏昏幾何朝千林霜雪殘四
民久失業別有心力單肉食尚臞黑何者猶好顏李舅

不合來蜀山越千盤解鞍逢寇至恟恍難具言日夕想

歸路短景逾小年語舅且少住勿計望與弦白波弄餘

腥楊賊自謂與江南賊洪秀全同黨聞江南城已克復潢池本無源縱彼開戶玩

持我得筭觀古來禍亂定早貴能者肩茁枿愁斧柯涓

流詎濤瀾昔遊江湖事回首百憂攢

俯擊防水根潛攻畏雲末當頭雨泉注拂面風刀割四

山成戰場一步不可越平時遊覽處血污驚歷歷飢瘠

多病馬寒瘡半痛卒根枿薪樹空泥沙井泉渴軍家貴

持重會有賊亡月健旅蹇不親懦士容爲悅誰施調劑

手運以剛柔克我懷于田師號令何嚴壹八道趨海龍

尺寸非荒惚

明萬曆庚子平播李化龍帥八道師壁海龍壘計尺寸分攻鑿崖懸梯柵空猶在

寒一士

諤

大令帥募卒剿桐梓楊逆餘黨以十一

金口月十日戰沒於其縣西三十里之四岡踰月歸其

柩於遵義爲賦挽詩四章

桐渠唾手入樊籠推爾龍平第一功

甲寅秋桐逆楊龍喜李七亡等陷桐

梓仁懷兩縣趨據雷臺山圍遵義府城至百日大兵四集雷臺驟不能下君聞七亡以眾南出據龍平場之水

口寺帥募卒團民合圍火寺七亡及千餘賊竝殲焉龍喜始懼又二十餘日焚雷臺遁今春遂授首月

已看辭李薦君初次大挑二等歸至是積鄉拚飛何意

更桃蟲身經百刃旗猶掣援斷重圍鼓不雄鬪死遂令

群盜盡九原英爽定無恫

新秋才手一編詩付我嚴刑更勿辭有約馳驅能竝轡

此中磨淬正多時

七月中君手其晉遊秦遊兩草付余南取謁選文書途次爲之點勘且有

同行之約余歲晚尚不關山故滯鴻泥蹟鋒鏑翻增碧成行而君凶問已至矣

血悲從此匣中秦晉草題篇須擬客豪詞

黔國攻圍轉益多長材歎息半消磨人心蹙蹙空思治
天道冥冥竟奈何上計車書迷楚驛頻年天地積荆駝
此生出處俱難問羨爾勞生馬革過

金口孤忠媿古人

甲寅正月遵義唐子方方伯殉節金口鎮

四岡又見子成

仁英名竝壯捷山色殺氣應回臘雪春馬卒捐生還傍

主牛皤收骨竟歸輶

君臨難時從卒曾明標王仕洪不肯舍去同力戰死君骨遂爲近邨

王叟所匿維桑文獻平生事再得摛詞刻翠珉
不爲賊毀

銅仁陷

銅民何饒饒一憤殺長官揭竿乃秀孝亂起倉猝間催
科縱不仁賦稅義所關胡爲不思索陷此羣元元爲勢
已騎虎若火將燎原蕩蕩石壁城兩江三面環唯餘背
一綫稍接城尖山縱有十萬師欲拔知其艱居然自內
潰設險復何言

松桃廳印江縣思南府相繼失守

思唐倚萬聖地險城無堅印江尤叢爾有城不踰肩銅
逆張假仁誅吏民舍旃又造無理語先免糧三年所以

至輒應開門納關

哀哉印令新未作十日官桃僵分

應爾李代能無冤

晚至沙子碛逆旅已滿遂尋山寺宿張翊門方雨

三沛霖亦至

寒月隱層嵒疎星繞劍鐔棲遲無宿處寂寞借僧龕垂
老方多難爲儒只自慙南征諸壯士野宿更何堪
張籍師儒席奔波不救貧方干靈素術賊裏費抽身天
地悲寥落知交感舊新聯牀談未了惜別對霜晨

老君關

雄關俯烏江實維播南戶所以八道師南道不易度未

聞丸泥封可以防北路去年螺螄戰一敗敢反顧林林
軍門軍宵遁幾折騰何心更向敵且欲劃江駐關門一
以就樓堞足偵戍啟閉得自操豈不進一步布卯當城
門爲守亦良固誰爲運斯籌嗤笑尙童孺

過扶風山拜陽明畫像

靈山期日未幾辦香

手扶明社正心與孔庭通勝國推人傑誰能夫子同勲

名蜚語至宗旨末流空一笑何加損英英百世風

即在投荒日狂酋竟革心生徒來稍稍文武立馬

親炙弟子貴陽陳宗魯湯伯元竝傳其學陳得其和湯

得其正而偏橋錢鳳翔屢平叛苗復有潯梧征府江東
崖古摺糯洞等戰功道廢儲材乏時危望古深空山拜
又傳先生軍略者也

遺像回首一沾衿

茁升弟生日同人約爲黔靈之游雨阻遂會飲貴

山陽明祠下

頻歲飢馳到生日弟兄欲見愁無術今年兩會誰使之
五月君歸今我出君歸我出同可憐獲此意外蒼茫間
對牀風雨亦足樂何用擾擾尋靈山陽明老翁辦香久
陽明祠下生稂莠早欲相攜爲掃除況有諸君一樽酒
酒酣日落風騷騷眼中群盜正如毛明年今日復何似
咫尺旁溝萬里遙諸君且輟經生業細乞陽明六韜法
指搗一旅試桑弧往取勛名嗣藤峽

去留甲浪書事

甲浪市頭譌賊鋒居人十戶九戶空扶攜負戴滿山谷
問之不答馳忽忽市人已無百金產賊胡爲來我能斷
僕夫健絕行且疑冷月橫空尙餘喘

重寄閩賓女殤

中秋我夢汝壽母逐諸兄才似聞嘯笑那知隔死生有
行存亦遠亂世命原輕寄語芙衣子休憑老淚傾

中秋宿大塘官舍呈王勗齋別駕

層城高壓萬峰環黔竹南陬此峻關落日旌旗森百雉
清宵鼓角震羣蠻輕綿頗訝寒偏早晚稻猶憐穫尙艱

客裏中秋渾不記尋常尊酒一開顏

十六日東北行三十里至紅崖河聞平州司已爲
苗陷司西河東牙州一帶徙避一空遂還宿大塘
署再呈主人

路出紅崖已阻修夷氛那更逼牙州還爲此夜高齋宿
重益鄉園浩劫愁看爾彈丸當要塞對人草檄壯邊籌
應能指臂驅連軌勒作雄兵扼上游

黨古谿上

十里瀑聲中微茫一徑通水花縈石粲山果墮輿紅雲
去留殘雨橋迴度急風晚來村店遠客思益忡忡

兩宿青崖

秋半青崖道殘炎未埽蹤狂雲翻一角急雨下千峰羣
盜連鄉邑迂行避燧烽不愁衣袴溼但使願能從

再宿青崖

松風迴赤土落日下青崖徙戶忙遺犢荒城每逸豺烽
傳鄰縣急謀語隔宵乖行路真難甚悲歌拂劍戟

闕題

亂之初生本微懦羣公衎衎養以大自然不救合江州
血流千里無人荷思君欲渡勞村南豺虎塞途不得過
微官易弃愁女歸何術跳身竟無挫椽村東滯西漁棠

多難音書無一箇亦拌生別等二子豈計寒冬涕同破
相攜且盡十日歡何處青山許高臥

次韻答王夢湘觀察

故鄉何地可盤徊千里犍牂半劫灰講舍已無三徑問
銜杯空憶十年來流離始識承平福天地終須定亂才
若使庾降張馬在肩容連郡長蒿萊
南征無路苦低徊秋律黃鐘易琯灰且喜詩書傳老輩
那堪身世說將來先生扶病仍憂國當事何人解用才
天道盈虛雖有數愁聞新鬼徧荒萊

黃子壽編修示所校爾雅集韻書其後

涪翁磊落耽蒼雅細碎曾聞訝子瞻夫子研經有家法
駁文隨手見攻砭戈船蹙浪猶懸楚戰格連雲已塞黔
何日兩階干羽格却歸東觀理瑤籤

闕題

使君文武似青螺不以軍行廢雅歌愛士渾忘開府貴
論詩能恕廣文苛烏江八道逢持節梅嶺三關憶枕戈
早晚說歸歸得未飄零君采奈愁何

明月篇

明月不知愁徘徊江上樓樓頭人似月渺渺送江流楊
柳經年別梧桐一葉秋盈盈飛鏡下空說大刀頭

呂亭遺言卷二
五
小十
自定番渡濛宿隔浪

千峰當去路步步入高寒
絲雨如相妬輕篋坐已難
溼雲收隔浪生月憶濛濛
灘定爾崑崙叟低徊坐夜闌

贈唐鄂生

山店淹旬空寂寥草堂來趁故人邀
蒼藤尚覆攤書榻古石仍通倚杖橋
世路崎嶇逾昨日鄉愁歷亂劇今朝
那堪更近重陽節風雨悽悽誦楚招

巴陵吳南屏武陵楊性農所撰尊公

哀辭適寄至

記送尊公春盡時疾風愁雨亂方池
謂余自有平生志曲筆無煩後世嗤
盡瘁完忠言竟踐犯鋒歸骨子何音

碑銘苦乏淋漓手差信中間無愧辭

癸丑三月尊公奉命起楚送于此

堂尊公頗以時事艱難爲之憂友芝曰公建利固原時豈易爲者意氣固如是邪尊公慨然曰唐子方自有平生他日斷不煩諸君曲筆也

和答楊性農

彝珍

駕部見寄窈字韻

山中人兮善窈窕思我然疑費鉤討險難路遠歲華徂

欲寄芳馨迷血草頭蘭破夏趣休甲戰鼓蹉冬喧未了

連營疲卒委空杠幾郡崇墉悲震槁

自五月至臘月貴州陷城以十數而

銅仁思南石阡皆郡城也

秉麾豈乏籌策良曲突能無味幾早腥風

動地祇增益妖燧連天難撲掃出門一步卽荒榛閉戶

經時茫白曉眼中朋舊斷消息手犯艱虞逐旌葆閒關

能脫見猶疑存沒浪傳悲不少

鄭子尹在荔波奔校官迂道南丹脫歸黎伯庸

在開泰有傳其戰沒者

瑞芝主人木天客弃官穩臥金霞杪巡社

能除害羣獸比鄰盡作安巢鳥閑暇頻哦感事詩諷譏

不顧當途惱似君前著足靖亂何事畫疆圖自保

甲寅五月

賊陷常德性農曾率里壯兩擒殺賊謀賊遂不犯其里近三十里皆免屠掠見其賊邊示隣里詩序倘持

虎旅向荆鄂肯任鯨波肆顛倒脫身寇盜固匪命袖手

煙塵吁已巧拙生不合吏部籍頻年且免春官考詩書

時世早無用亂離溝壑拌終老陶令弦歌吾欲謝高生

鞍馬君何寶頗怪津談重允羅胡爲不就行人稿君寄

詩云休勞司業餽酒錢會見行人具芻橐褰裳倘共莫髯往從事無如曾侯好見寄詩又云烏公久欲羅石温

韓子曾思
薦郊島

固知白雲共懶惰
未必青油真美好
天心豈有陂不平
世事那庸愁
自繞洗兵一雨注
芳溝舉眼千山卽蓬島
釣竿相訪入煙霧
沅尾沅頭任風掉

儀軒僦居鄰宅賦贈

詩酒無朝暮
相歡動洽旬
論交三十載
今日倍相親
有子能酬國
鄉閭復幾人
漫因阿會故
輕損庾規身

予謂... 與入... 因何... 會... 姑... 神... 則... 良... 矣...
 吾... 年... 時... 身... 難... 也... 合... 同... 論... 交... 三... 十... 篇... 合... 日... 游... 於... 野...
 美... 稱... 謂... 苦... 淋... 字... 煩... 辭...

山... 鳴... 蓬... 息... 內... 年... 時... 何... 人... 聖... 賢... 示... 示... 示... 示... 示... 示...
 自... 對... 不... 平... 世... 事... 非... 庸... 道... 自... 然... 夫... 天... 一... 雨... 封... 表... 蓋... 舉... 鼎... 干...

邵亭遺詩卷二終

石埭徐士怡棣友校字
 受業姨子黃平賀緒蕃

邵亭遺詩卷三

獨山莫友芝子偲

擬左太冲詠史用其韻

少壯志奇偉叩關西上書願廣都試課稍補亭屯虛結
客走游俠跨馬歷名都縱橫無所合意氣置土苴朝烽
起區駱夕燧延荆吳米教本草竊井蛙非霸圖釣弋在
綸矢赤手鼓嚨胡誰能靖江表相翔空野廬
佳種得雨露被野皆良苗惡木不翦剔扶疏揚遠條天
地無全能財成在工僚寬嚴失其理事變起崇朝濟南
奮猛腦勁氣奪金貂潢池謝文法赤子已就招

馳義發罪旅遂反且邛君五道既破越八校亦還軍便
宜誅隔道送款何紛紛邊夷犬羊性喜怒無常羣未喻
漢小大矧乃順逆分一朝倚恃絕迅埽如殘雲

我夢插兩翼上與雲霞居俛仰萬餘里燦燦黃金衢無
端不得住歸去守敝廬耳中洞庭樂風水猶笙竽閉門
理三徑荆棘不通輿阡陌何蕭條時時見廢虛陶賈生
陳事執蹙蹙甯此如杞憂詎能已痛哭徒區區

中興尚苛察刺舉厲監州耳目長憎愛諷議來朱浮承
平弛繩墨亦或倚王侯鷹鷂習寬大梟狼恣嬉遊黃巾
三十六肆出豈無由拔本事已遠養癰嗟末流

爲郎非所好詞賦特旨震卒史斬右職首循竟斯人盛
時多軼才雜進皆殊倫丞卿怒懸鼓忠篤遂難陳鴻都
列市肆勲譽若埃塵臥規已足異乃有誚子鈞

武皇急邊釁暇計金隄薄漢家竝河州幾歲有安宅那
堪決瓠子漂蕩連城郭宣防遲未就鉅野溢已廓讓策
豈不良譚議空按籍軍儲乏支度矧乃無底壑何當循

禹功北播究古昔旦晚殺橫流哀鴻息中澤

緬彼大同世渾渾化廉隅自從小康來斷斷區室廬同
異起黨伐是非無定塗笈羈儀庭鳥網漏吞舟魚名聲
侈題拂意快禍亦儲龍門豈不偉無乃明哲疏眼中遠

君俊幸免王府書萬事只閉口爛醉信榮枯智矣水鏡
空一佳無復餘憂哉鹿門翁龍鸞以爲模

過張白高山居二首

同輩今寥落憐君復眇歡病添相見少老益治生難逐
鹿馳春晚義魚鬪夜闌向來飛動意欲索更無端
歎息三年事安居有幾人懷驚各奔走定痛益酸辛田
里非恆業詩書不救貧未聞羣盜盡莫漫整儒巾

唐福田

現龍

把總挽詩

我傳余谿袁現龍爾來相訪訝名同當時已露沙場志
今日真承烈士風赤水驚猿無北逸青崖躍馬漸南通

汗城克復身偏隕歎息唐生命數窮袁見龍遵義人萬曆三十七年武舉

從總兵官劉綎討建昌猱得守備四十六年起綎援遼

土揭兵部請調見龍等二十餘人踰年乃至綎已先戰

死見龍以都司從副總兵童仲揆進至渾河同戰死事

具明史仲揆傳乾隆中賜諡烈愍鄉撰府志已據綎

揭爲之立傳而遺其死事甲寅春編錄黔詩

乃摭附袁氏傳中余谿卽沙谿見綎揭子

丙辰初夏五日陳雨亭作霖教諭李儀軒蹇臣蕭

吉堂光遠兩山長及諸同好雨集影山草堂約自

今日始越十日一鬪題分韻

馳羽劇三歲轉戰鷲萬峰黔邦十二郡厭旌旗紅子

弟業久荒孫吳伴橫弓典試返中道督學虛冠童今朝

復何日文酒還雌雄青青雨中山遶郭餘腥風始亂幸

早已四鄰未全通茲歡豈易得停杯漫怱怱安能張詩
禮鋒鏑掃一空青蒿恕我黠慚愧倚長松

廿五日遵守令送肄業諸生於山長以湘川培英
兩書院燹毀未復啟秀書院雖僅存又傾隘乃請
三山長集學使者試棚成禮賦呈儀軒吉堂兩同
事及雨亭監院

油幕憑教借試棚

甲寅秋冬辦桐梓賊制軍總戎諸公皆以試院爲幕府

何妨絳

帳領諸生可憐精舍三區舊空有靈光一柱撐走檄昔
驚催鳥陣分題今喜復蠶聲延南未靖需才亟欲課穰
苴佐子行

遵令招山長監院過縣署飲適同集雨亭寓齋皆
謝不往令遂遣庖人將具來餉呈主人

廣文山長各求蒙嬾散城隅一巷中賢尹能寬虛禮縛
芳尊移與素心同分秧西郭鱗鱗水嘗杏東樓面面風
最是高齋宜夏日頻來休厭汝南翁

端五聞韓南谿

超

太守復起統下游兵寄之

悽風苦雨過端陽南望昏昏淚幾行一自威名閑臥虎
竟無弧矢直天狼旁溝援絕城圍急剛水人空嶺路荒
傳道子通還擁節出門巾佩忽飛揚

詠鄉里端午故事四首

雄黃酒

雄晶煜煜照荷囊
肩入蒲尊亂鬱香
一掬青紅兒女節
額黃添得晚來妝

粉蒸肉

聞道三閭祭脯空
故教蒸糝誤魚龍
不知稻粉荷衣製
可抵花絲楝葉封

佩胡孫

五色斑斕小沐猴
翠髻花褙配嬉遊
無端走上鄰翁背
到處逢人笑不休

遊百病

綵絲花扇葛衣輕百病消除鬪此行摘得滿懷新樣草
晚風吹落賭籌聲

甘藷歌

山田易蕪今不蕪山農歲歲種甘藷紅衣玉肌相倚扶
撲地一蔓千瓊琚芡形預質拔連茹甌窶滿篝汚邪車
磊落塞破田閒廬西成少休復東畚稱心爲穀爲果蔬
仰事俛畜仍賓廚殘膏賸馥所勻濡飽死直到牛羊豬
珠崖興古牂江隅藷糧自昔倉圖儲常過百歲無天孤
計然三輔善儲餘御覽引范子計然云儲餘本出三輔
卽山海經所謂景山其草多藷蕪
汶嶺蹲鴟誇上腴陳功比德那能渠惜哉古簡昧厥初

數典僅存稽賈書稍知珍產本鄉閭葛米句沙相吐茹

後來圖經從逸逋汲綆渡海還生誣稽言甘諸珠崖產賈

思饒齊民要術引之又謂出交趾武平九真興古今貴

州興義府即蜀晉所分牂柯置之興古地然則甘諸本

黔南舊產徐光啟農政書乃謂番薯自海外竊取承平

諸藤絞入汲水繩中渡海分植閩廣境者蓋誣也

人滿天亦吁地力已竭難盡哺養蕪木禾拔菰蘆謂玉

稍有拯救嫌錙銖老諳此時夾嶺居抱才未試若靡殊

一為蒼生起饗舖霸氣遂凌杭與稌尚匪小補才驩虞

玉缸春鶯澂碧醺石釜夜瀑團金酥瓊絲冉冉光氣敷

瓊英霏霏雪難如多能不器應時須摩頂放踵宵言劬

慨古大兵凶歲俱播溱亂定愁飢呼居然穀賤靡告痛

呂氏通言卷二 五 小石五

微諸之力能爾歟飄然時危一老夫無田有屋長嗟歎
四方盜梗茫所徂遶屋且栽三兩區左持諸孫右諸壺
講元扈法彌厥疏早晚沉頭感軍袍付與善後勤徠臚
桐梓餘賊鄒神保等已窮蹙入水落洞復爲守者
所縱

聚師環壓石門牢後舞前歌太自豪寶鼈竟能生羽翼
釜魚誰使縱波濤龐勛虛幟還供米彭樂收金漫舉刀
大鎮幾多逋敵者知難小邑問牛毛

蘆酒三首

隔年蘆粟釀猶紅酒味長含粟粒中客至井泉方挹注

春生鑪火頓沖融不煩激澗升虛竹儼有清薌度碧簫
正是小年禁酷暑一竿相屬引薰風

燒甕滴淋徵嶺表謂居長水釣藤先豈知瓶笛關西法
遠紹鑪筩粟米傳多始醉人宜小戶歇難全美戒輕醕
豪吞細吸從吾意何事旗槍鬪茗煙

鄉里平時燕喜場修船大甕列成行東西隔坐頻相揖
三五分曹引遍嘗醉後冠纓從仰俛扶歸禮數尚周詳
居然古道堪求野歎息軍興此意荒

杜子美送從弟亞赴河西判官句云蘆酒多還醉宋
莊綽雞肋編關右塞上人造嗜酒以笛管吸於瓶中

杜詩蘆酒蓋謂此蔡夢弼草堂詩箋大觀三年郭隨
出使虜舉蘆酒問外使時立愛立愛曰蘆酒糜穀醞
成可醖醅取不醲也但力微飲多則醉子美之言信
驗自是言杜詩者竝謂蘆酒卽今哂酒良然唯哂當
依季裕作嗜竝子答切卽哂正字哂又哂之俗也此
酒凡十名又曰鑪酒曰筍酒曰雜麻曰釣藤曰釣竿
曰竿兒曰哂麻曰瑣力麻而爐蘆爲最古遵義常秋
冬之交以高粱或雜稻穀小米麥稗釀可陳久益美
他時釀者不能久也釀法煮雜穀極熟攤竹席上候
冷置大栲栳和麩覆二三日酒香溢出分貯大小甕

築實半月後可飲也不卽飲者固封之將飲乃去封
滿注湯火甕底一炊許以通中細竹甕中次第嗜
飲人以益一杯湯爲節醲汁常在下不淡不止待慶
弔皆用此品或十許甕置一卓或置一船羅列數行
足支千客揖讓序飲禮意猶存或注湯微火之俟味
具以竿激出盛他罌壺溫斟酌故謂釣竿酒又以雜
穀合釀故謂雜麻酒鑪酒見賈思勰齊民要術其作
粟米鑪酒法云五六月中夜炊粟米飯攤令冷夜
得露氣雞鳴乃和之大率米一石殺麴米一斗春酒
糟末一斗和法接令相雜填滿甕爲限以紙蓋口搏

押上勿泥之恐太傷熱五六日後以手內甕中看令
無熱氣便熟矣酒停亦得二十許日以冷水澆甕飲
之甕出者歇而不美按此攤飯填甕甕飲諸法卽與
今嗜酒無異然則此酒自元魏已有之猶不始自唐
也甕說文云甕也古弦切玉篇以孔下酒也與廣韻
竝古縣切甕音義同漑甕與孔下卽今釣竿之謂釣
竿別酌味必減於就嗜卽歇而不美之謂其云冷水
澆猶今之灌湯其名鑪疑澆後當以火成澆下當奪
一二字抑豈供暑日但冷飲歟或以鑪爲蘆聲之誤
恐未必然思颶西北人所記當卽其風土故河隴之

間唐宋沿而不失於杜詩益有徵矣釣藤名始稱於
宋竿兒聞於近世劉延世孫公談圃辰谿有釣藤酒
朱輔蠻谿叢笑釣藤酒以火成不醉不斃兩缶東西
以藤吸取楊慎外集引之謂卽今哂酒方以智通雅
亦謂哂雜麻酒洞蠻名爲釣藤又陸次雲洞谿纖志
哂酒一名釣藤酒以米雜草子爲之以火釀成不斃
不醉以藤吸取多有以鼻飲者謂由鼻入喉更有異
趣據五家說竝以釣藤爲谿崗哂酒別名按其法卽
今釣竿特以藤以竹之異近許纘曾瀕行紀程載蘆
管漬酒飲謂之竿兒酒者亦卽釣竿之類唯纖志鼻

飲爲新聞耳。筍酒、呶嘛、瑣力，諸名。明人始及之。李時珍本草綱目：秦蜀有雜麻酒，用稻麥黍稷藥麴小罌封釀而成。以筒吸飲。李實蜀語：筍酒亦曰呶嘛酒。引華陽國志：郫筍事，謂彷彿其遺意。方以智通雅：蘆酒，呶嘛酒也。謂植蘆管於中而羣飲也。今陝西家家以此款客。何元子曰：謂之瑣力麻酒是也。近蔣士銓忠雅堂集有呶酒，爲周海山作古詩詠。燒飲釀罕，譬頗詳。古今言呶酒可述者大略具於此矣。唐劉恂嶺表錄異謂：南中醞既熟，貯以瓦甕，用糞埽火燒之。太平廣記引投荒雜錄：新州多美酒，南方飲既燒，卽實酒滿。

寶以火燒方熟不然不中飲沽者以細筒插就吮以
嘗酒味謂之滴淋據二家所述皆於今嗜酒爲近是
此法自唐已傳嶺表宜宋以來遂沿谿洞然而高陽
著術本肇秦中明之陝西猶然家家款客則千歲以
上之祖風也蜀近於秦故此風不異楊慎唾酒詩云
賓酬百拜勞卽言款客禮飲黔北諸郡舊皆蜀徼風
物相沿有自來矣昧不考者反謂漫承谿洞豈不偵
哉蘆之說昔人皆指蘆管藤竿爲類愚謂此酒之高
梁卽古之稷元吳瑞曰稷苗似蘆粒亦大南人呼蘆
稌李時珍數高粱異名又有蘆粟疑蘆或以穀言也

啞嘛之嘛字書所無相承音麻疑糜糜等字誤麻因
啞加口耳糜芑爲赤白梁粟卽今小米糜稌也蓋黍
之不黏者皆此酒所恆用故舉以名歟或曰啞嘛卽
雜麻麻當爲糜謂糜雜穀爲此酒也亦通瑣力麻當
是方語不可解或曰瑣小也言酒力不勁也或曰昔
之緩言也殆亦謂宿釀已熟歟長夏酷熱蕭吉堂山
長招飲雲麓精舍旣分體詠詩因附說始末以詒生
徒丙辰六月六日邵亭記

自省南往獨山道不通且一歲始得猶子遠猷來
書知州人以社團自保城尙無恙卻寄示一百韻

遵桐昔未亂齋匪假妖術糾結異種人豐甯肆侵軼

花走愚蠢趨死不自悉其渠雖就殲同惡未盡極遂乘

白錦覺還擾白陽卒甲寅二月二十七日獨山齋匪楊

城四月十八日就擒九月桐匪楊鳳等圍遵義城我時

元保餘黨余光裕等復起下司之芒場旋擊遁

在重圍涕泗念兄姪倉皇乏毛羽敢信何土吉雄兵萃

三省惡馬馳萬匹雷台走虔桺逐北數道出連郡驅風

颯巨欸屬鈇鑕三月七日授首於石阡之葛章司一時

反側子何者不股栗坐想乘勝師一鼓痛爬櫛指搗清

鬼教叱咤洗蠻猾譬之湯沐具何處雷蟻蝨捷書馳爾

叔謂指安江末方隨子通部橫戈更磨刷阿兄適南來

其喜破憂憒家人兩無恙鄉亂庶可輟握機者誰子自

誑不暇恤耳目忘腹心枝條昧根節朝防趣甲弛暮覺

覩竿揭驚傳崖門陷旋報合州失乙卯六月三日凱棠

七日上江齋匪陷三脚壘釀成燎原患尚冀杯水滅南行歸路斷八

番取回屈千峯低粵徼黯黯送落日滿道逢流亡老小

互扶挈尪羸衣履破飢餓言語唼偶然風鶴警戰縮有

餘慄荒荒紅崖河饒徒盡還蹶牙洲昨夜火生死介一

髮迂遲免新恐返轡復何說半道得遮要草堂敞修潔

平生文字知忠憤待選述表章有賢嗣敘次敢辭拙翰

林名父子羈羽息飛馱一巷呼可謦朝昏破愁疾廣文

隔勞江踉蹌奔冠黻相逢尤意外自詫虎口脫人誇德

星聚亦笑窮鳥聒干戈自滿地詩酒竟累月浩歌惜劉

三授命偕蔣冽劉芝山字伯龍激浦人能手提六十角

盡以讓其族兄士哲得知府而芝山僅六品翎頂巡尉

職不就牽其部治鍊於南丹子尹與荔波令蔣嘉穀守

城時應募來助遇賊無不拔靡十月十七日嘉穀追賊

深入戰死二十日芝山亦中飛砲死嘉穀字曉雲

人勻南請師人閒關逾急切相將趨大府痛哭眼欲瞎

稍知吾遠子失業久投筆糾旅當北藩猛氣頗盪決危

哉黃梁戰幾作灘頭血桐刀仍兆亂北走顧我室無從

助多算回望屢愁結十月中楊鳳餘黨徐子入門餘飢

幼小女遽天札桐棺完遣嫁忍淚且作達愁聞我行路

妖黨轉滋孽豚湄指沅首橫亘伺肩鏑延辰更始閒木
耳又草竊壞城未一收弃乃過七八儒冠卽戎首詩禮
竟何物材官工遁逃文吏安用詰毅哉兩游戎鬪死更
不怵楊君吾保障愈令想屹嶒孝廉楊與蹇寸祿未干
舌殉義同錚錚士恥稍可雪後三脚壘失守者七月都
江廳八月定旦營十月大
塘羅斛兩州判銅仁府八寨廳十一月印江縣思南府
松桃廳石阡府正大營其以死事聞者定旦遊擊保齡
八寨遊擊楊廷柱八寨守城死者有舉人楊超儒桐梓
戰沒者有舉人蹇諤廷柱字果敢有謀畧楊元保
事起先至獨山籌守具州城得全元保揜還守八寨至
是屢卻賊十月二十八之夜以兵單無援殉城死超儒
字幼軒壬辰舉人截取領咨當謁選撫軍令其唇亡歎
暫歸團練城破死於學宮諤已有輓詩見前

八寨我州愈艱危連書戒持重飛夢遶嶢岵遲爾消息

來重裘換單葛開函乍驚喜涕淚幾橫溢言從去年夏
州境環賊窟州人爭敵愾奮發氣莫奪秋成皆入保官
私稍充實宿飽使荷戈何銳不摧折所以一歲周崇墉
尚完屹今年耕作計僅有二分一眼前縱無虞常恐到
支絀矧自我里焚乙卯八月五日賊焚兔場全家寄城闕東南姑姊
妹驚聚守飢渴遠也扞賊衝百戰苦力竭傷心四叔病
遽此多難沒醫藥了不知喪葬從草率既死謝百憂生
存盡旒綴北道猶未通呼援趣徵發都南鄰阡危久常
恐更蹉跌波荔何當偕眾叔升斗相响沫暫爲太平民所
願亦已畢遠乎爾誠難世事非故轍我生既不早死地

覓真活荆吳漫耶蘇滇雲肆回紇綠營卒已罄水衡費
徒括驍材多掣抑驚帥習喪蹶欲紓宵旰慮差賴

巡社佗

唐澤潞步兵山河子弟宋河朔巡社陝西湖北等處保甲等軍卽今鄉團遺法

近者觀

湖湘遠者東南越連城自保障百撓一拔故令新使
者行省概增設剛頭丁亂始柔岷與筋骨延北尋次之
其衆益勇傑邇雖遺小蠢宵使更延茁黔盜自如毛兩
徼足式遏天心若厭亂勁選在此列老我習頗頷出處
信天抗時危右韜符戎經頗穿穴善師如轉環絲隙不
受缺吾家君顯公開疆有前伐遠乎團子弟千銳慎一
茶偏氛觸手靖羣逆好槍纒繩武良在茲以慰老眼刮

擬郭景純遊仙用韻分得三首

青帟逐汗漫，朅來天門遊。盈盈河漢水，元氣送吾舟。雲
房校羣仙，懸壺爲之投。天公顧玉女，一笑已千秋。登真
偶然事，功行非其流。

攝生耽久視，外物不能災。苦乏金丹藥，無由到蓬萊。蓬
萊五雲中，金宮臨玉臺。羣真弄黃白，共佐流霞杯。辛生
溺瓊筵，取怒還解頤。誰持青城土，煮之填九垓。逝將尋
陶朱，浮游畱我孩。揮手謝白石，齷齪空凡才。

仙人穢且倨，浪跡隱真魄。日日來人間，過眼了不白。子
榮弃惡癩，瓊脂致松柏。公房舐瘡疽，冲舉乃旦夕。習貴

誤寡人幾負九鼎液運履一恭謹遂得從黃石傲骨而
潔身嗟嗟世閒客

飲香雨堂池上

伏暑隔疎竹虛廊池上迴清樽微雨後小酌一花開羣
鯉泳何樂雙鳧招不來當時種經意落日澹蒼苔

林聞銅仁五洞復警

已道三山谷夷氛旦夕清伸威方走敵縱暴復連兵籽

柚愁鄉里流移半死生誰為石希尹天外作長城

州其威名自銅仁參將始天外
有長城張鶴樓贈詩結句也

寄朱亮甫

右曾

太守二首

馳書走檄趁飛烽口授胥鈔十手慵尚以分陰供著述

豈唯多算在心胸太守總軍務局夜分書檄之暇常以一二時許整理所著服氏春秋左傳

解聚師驛驛呼鄰省兜剿狃狃盡選鋒露布請君濡筆

待位教沅首復耕農書中及古去猶嫌暴野事其計

千林迴曲萬山遮其奈情多復地遐久擬傳經依服慎

可能諛墓乞劉義種松盈丈先防蟻插柳經年已住鴉

世事轉丸須早計何曾秋實勝春華

陳雨亭病疾用昌黎譴瘧鬼韻

陳老曬伏日威慄無光輝胡為間日瘧頓減博士威醫

言異王霸立按互諷譏補劫兩不應固識所議非此病

本鬼作其來如發機方居嚴冰重忽著紅鑪圍萬境易
平陂百節與伏飛舊鬼守江水已聽韓子揮猴鬼竊其
技肆虐漫羣魏那能輟辭遣勿嗣昌黎徽嗟汝陰黠性
人面徒依稀死猶作冷暖翻覆茫所歸覩妝避幽隙厚
餉勞子如縱汝饗惡慣乃犯師儒畿素書叫杜卸靈殼
走豎旂噉汝不吐口族滅隨煙菲語罷顧陳老瘡去果
無違抱朴子曰獼猴之鬼令人病瘡列異傳曰陽精逃
瘡神祠有人呼杜卸杜卸應曰諾得素書一卷皆
謹効百神法乃差說文曰穀類
犬腰以上黃腰以下黑食母猴

秋夕懷遠

連朝飛快雨一夕始知秋
弦月迎人起羅雲翳客愁六

橋芳草歇三徑晚香抽去去不相見殷勤雙劍緱

聞都勻麻哈以次解圍

剛夷煽芴溝肆毒靡隙地艱虞周一星沈霾始開霽都
勻自三腳一陷不復制八寨續上江剝牀益無恃圍城
夏徂春告急不論次去省四日程竟無一兵至差賴老
守賢陸簡堂能協搢紳士相將率錢粟召募保百雉四野
焚掠空攜扶盡來避人稠鹽米絕百倍無處貰捐廩得
士行陶子俊方伯糜粥稍相濟死亡雖枕藉豈不活一二麻
哈彈九州災傷益彫蔽城小隔野民萬計處郭外回環
代羊馬飢餒敵鋒刺賊至奮一呼往往走其幟觀察提

師來盛氣何驕恣耗餉十萬餘半道盡奔潰雷霆搗勁
旅威令嚴總制嶽動提軍營風馳參戎騎東驅幹夷腹
北出洞賊背桓桓金馬客所向亦橫厲一綫開血塗獷
逆屢挫銳聲息得外通兩城始生氣疲民餘鳩形十室
匙一在田廬飄蕩久身計安得遂台鎮捷未聞台拱鎮遠平

清道仍閉

清平越

旁連裏外古剿撫猶不易我師持勝算

猛進妨小怠寄語諸將軍珍重干城寄

苦熱行用鮑明遠韻作長短句

高廊廣廡扇大扇尚苦流金鑠石之炎威誰念南征萬
戰士舊夏負戈今未歸自從沈羽之流始夷禍肆毒重

嶺迷荒磯

輕物當浮而詳柯有沈羽之流抱朴子論仙
篇語也今興義盤江中瘴毒盛處猶往往然

鑿城以西六七郡但有流血無清晞頗聞援師萃滇蜀

五道竝驅將合圍已愁轉鬪禁曷瘴矧乃枵腹凌熾暉

安得葛先爲授服氣法胎息重淵振鍤衣不爾仲都乞

與好丸散六月十鑪冰雪飛眼中能事定早計會鼓貔

虎咸其腓君不見渡瀘師七禽七縱宣神機又不見壺

頭道水疾舟遲行徑微攻心鬪力兩難說穿室避災安

所希同類皆錄金馬客祇向衣蘇舞一茲開血塗

孟蘭會補燻燻對軍營風靖卷妖醜東鄰韓夷

去年亂定孟蘭盆撞鐘吹螺九朝昏肥僧臭道鬪燄唱

黃童白老相歡奔生天脫罪復何有佛力會銷兵劫源

罌桐抽刃已數見可信燭火能炎燔甲寅歲遵義西鄉

如刀形亦有樹顛抽作長刀大劍者遂有楊鳳之亂乙卯此樹復然中元前鄉民曾折以呈官未幾遂有鄒辰

保之亂二逆居然發難在旦夕攻城殺將何喧喧雨雪

皆桐梓民也行師更徂暑鸞鼈插翅教騰騫此時佛法何處救袖手

低眉泥土蹲故知平等匪真惠長惡翻結無窮冤古來

亂國用重典乃以止辟非寡恩莠驕不拔尚害稼何事

叛槩培其根此曹狼性那得改一息尚在思噬吞作逆

可生卽教亂嗟彼良善何由存祇今逸魁未授首愁遽

韜甲少扞藩婆心大尹別有喜喜此節序仍中元刻繪

縷綵續大會好與婦孺嬉花幡重令傾城走折趾巷舞
衢歌誇不謖嗚呼當途善後只如此使我氣結何能言

荊黎二首

芒果說山禱循名欲把疑形模難適眼風味竟舒眉品
以經霜別芳緣入釀奇不須忙採摘但就菊花期
瑣實漫阡谷卑枝亂棘榛花時差可喜山國駐荒春功
亦資籬落材原謝席珍元深王會裏毛帔等逡巡

八月六日吉堂招集雲麓精舍在玉皇觀中時秋熱益

酷午後迅雷無雨

祝融不廉侵蓐收白露有節無清秋邵亭茅屋小如舟

一月科頭跣雙足揮汗亘宵行坐愁雲麗道人守宮觀
鬱羅蕭臺切雲漢問奇有酒卽相呼不肖清涼自耽玩
鋪牀拂席當殿畿握槊賭詩無不爲致身福地何蕭爽
噓吸尚作炎颯飛頗聞勻哈今解圍將軍乘勝展秋旂
鷹鷂搏擊縱雙翅惡鳥紛紛腦塗地沅澠澄清眼中事
凱賊偏蠶敢猖恣誰令乘虛竟莫制燔市屠城等兒戲
自應秋虎太橫行挫我雄師精銳氣吾曹熱死那足恫
此事我欲箋天公辟歷應心將烈風定有快澍隨飛龍
蠻氛盪滌早晚空我亦鑪甌辭蒸烘主人開樽客鼓缶
起舞當軒遞翹首三杯未醕輟雷吼地燥天空何所有

睨日千豪射虛牖

聞都勻麻哈六月中以次解圍而七月凱里勝秉又以次陷即日又

聞施秉縣城以七月晦爲賊屠

秋懷和惠連韻

月過鮮一欣歲計餘百患悽悽天仍秋忽忽時已宴幽
華逾媚嫵好實紛炫爛乘風鷺高隼趨陽徙賓雁寒兔
牽遠思嘒蜚冷孤幔雨鈴慘途窮霜砧悽夜半境趣靡
定規哀樂誰能算愧無方郎決頗坐阮生慢守株瘁衣
食拙進昧婚宦韋編從束閣駒隙難把翫干戈滿天地
何處縱羽翰節鎮皆賢豪何術清暴亂遠想忠疑才近
溯雍乾旦銅鼓靖囂冒鐵柱峙巍煥登臨傷遠目寤寐

增永歎幽懷晨露珠歷落不可串

觀南城穫和陶丙辰歲八月中於下溼田舍穫韻
詩書爲耒耜結屋南城隈鄰田相左右亦寄耕作懷望
秋始春事戮力婦子諧歸鉏帶夕露出耒犯晨雞大兵
召荒歉喜此天意迴雨暘屬稔歲且免飢寒哀遺秉散
不收落日藤罌開兒童遞酬勸放意雙顏頹嗟我坐晚
暮頗頷與時乖負郭失早計羨爾徒棲棲

聞都勻陷二首

經年辛苦扞孤城待到援師喜更生誰使病偏加小愈
那堪功竟敗垂成樓山繞郭飛燐影板水連宵送哭聲

一槩捐軀新舊守天心人事兩難平
千帳貔貅擁近郊軍門營對總戎旂如何萬炬飛城雉
不見偏師響箭骸唾手頽垣終走敵傷心破卵更無巢
猶聞襲背誇王霸堅壁居然作解嘲

曉雲

雲師埽戲墨橫作天東屏千峰立其下白日屏上生坐
疑瀛海頭歷歷散州島真人拍手驅六龍笑拾芙蓉翳
芝草芝草何鮮鮮六龍如可攀驚風一飄盪不見三神
山神山爾去應未遠早晚歸來慰人眼

擬古用明遠韻二首

薑桂無世甘老不改其素桃李有好色逢人取憐顧徒
令一市中憎愛生異路如何衡才者亦作皮相慕未聞
姚昂失早爲甯州懼豈必長陵逃始知梁巨誤鷹鷂從
翦翎跳梁任狐兔

至誠金石開篤信豚魚通盜賊况橫目食粟而處宮雄
才失向背助逆如飄風反正得我用誰敢撓其鋒企足
縱分楚不難成大功駕馭失其策徒令弃滇戎李祐脫
刀俎淮蔡有良弓推心匪唐鄧那復知所終

和答黎敘亭

庶燾

大弟見懷二首

秋來鄉信不堪聞惻惻孤懷度夜分自恨毛錐難用世

誰持樽酒更論文驚烏繞樹啼寒月斷雁低空落野雲
最是客心無賴處勞君書札爲殷勤

琴州坐弄兩三峰病後新詩日又工曲水解麈長短韻
平林應染淺深紅小兒箋傳勞相督遠道荆榛苦未通
早晚重陽三徑裏遲余還就菊花叢

九日攜彝兒過禹門山黎雪樓文鄭子尹有約不

至

柏林陰磴谿風永已公茅屋開詩境重陽有約無人來
獨把驕兒踏秋影
紅葉黃花無信息茱萸綠酒徑須刪僧房一覺日欲晚

何處木樨香過山

題畫四首

狂奴畱故態天地一漁竿
幾被羊裘誤桐江入手難
羣鵝在眼中心畫如可悟
一世師右軍幾人解其趣
酒興添落英東籬日將夕
南山入杯中悠然忘遣客
野服見天子誦詩歸故山
梅花照清漢一往不知還

次韻竇千山

奉家

太守軍中作

文守新戎卻敵冠軍聲
如火賴殊觀休論黠寇心
難服豈有剛酋膽不寒
摩壘幾回誇健令選鋒
一笑陋材官從知將略
須儒者定埽鄉烽靖表桓

楊季涵駕部

彝珍

先後寄示亂定草兩刻及塔忠

武行狀卽用集中坎字跡字兩韻答之

笑翻林官

歲行當爛剝方卦習勞坎過暄遺肅殺惡植劇增感弧

矢集匪單豺狼饕益噉連城送灰燼返節何心膽

七月以來

古州都勻清江台拱鎮遠黃平清平等城相繼陷而節制者脫身而去

乾綱豈無提坤維

已多撼高容鬼神惡怨劇骨髓憊子遺幾黔黎何由出

坑窞飄搖笳鼓際斷續藜羹糝徘徊誰斧柯勃窣我牀

毯瑞芝何文福福墨今再槩直辭挺高竹太句陋柔藹

藉非楚多材早使里氛淡倉黃猶集枯整暇焉食攬勝

算操侍郎皖鄂解愁慘

曾滌生國藩

廉訪淬選鋒彭湖靖葭

茨羅羅山

中丞去罽無黠獠乃肆敢

胡詠芝林翼曾守黎平鎮遠剿平雷

公山賊有威名其去貴州苗乃肆

我欲借其一上乞

天頤頌雷

霆假新節撻伐更舊覽摧堅理殘破斗郡肅提攬期君和饒歌一洗膏血黥

頻年經喪亂埽斷故人跡過日把君詩如聞喙三尺飄

零悲大樹痛哭寒雲白

君此韻詩有大樹颯飄零枝捲寒雲白句爲提督塔齊布公發

也平生憂時淚對此那可抑東征今幾載所失常倍得

垂堂服深戒持重工自惜不有尅虎臣緣何救離析桓

桓烏公部氣足盡祆賊江表馳白袍刑天落干戚旌麾

授子遠特達邁高適

全總戎玉貴江忠烈忠源與塔忠武皆都統烏蘭泰公舊部將也

喀屯名後起部士皆當百叱咤清兩湖建樹尤絕特胡
天不少愁次第成古昔比聞江左右援將擅奇畫殲渠
期旦晚決勝翻主客數子如不亡旌旗定增色愛君智
亭狀生氣猶壘壁大篇應日夥勤寄二三策強伴憶南
屏飄零竟何役歸方有遺響勿使墮兵革

巴陵吳廣文
敏樹古文極

有義法曾見
之唐鄂生所

邵亭遺詩卷三終

遵義趙岷松筱容
江陰繆祐孫柚城校字

邵亭遺詩卷四

獨山莫友芝子猷

琴瑟閨月生日風雨貴陽道中寄家

一年兩度逢生日四十年過又幾回
閨歷恰循中夏得
餅筵偏誤下番開
飄蕭風雨還相妒
寥落關山已自哀
孤負芙蓉好瓶笛
定知南望不勝杯

茅栗舖阻水遂遲入省一日

開門雨歇山潦齊
低途節節化深溪
田人唱歌路人歛
舁子褰裳腰沒泥
邵亭野心劇鷗鷺
且喜暫輟樊籠栖
倚松弄瀑換鶻嘯
酒至不知西日西

于胡魯尊生觀察訂遊黔靈山未果遂集六橋池

館登池上臺望之作詩寄山中

迴磴納野意高臺抗佳岑誰云城郭裏獲此超曠心鏗

鏗城旦書炎炎日難任漏勺緬逝濯靈山滯幽尋池館

壓六橋招呼羅古琛解帶發神識淪茗對來禽謂吳天

舊拓澄嶺日射檐隙堞樹長庭陰蕩蕩晚色開芳暉媚

衣襟西靈送長靄迴入南明深曲緝念筱吹清冷憶松

琴登遣展約後先之寄短吟中啓寒

登郡廨西北隅小山三首

小山偪諠廨韞秀溷塵垝廚煙漫其趺草棘葳其上風

月無衆心時時自來往

近撫萬室聚遠弄千峰環為問環聚者可見此間山市
中物外意落落長獨閑

亭臺山冠佩能起遊者故意中有經始轉恐失其性葆
茲眼翁眼一笑安足病

與趙社庭

錫齡

交逾三十年所居相距無百里而

不相見者遂將十年身世可知矣其仲子

廷璜

連

歲館貴陽丁巳九夏余亦來客適其將歸省附寄

四律兼呈尊兄芝園

飢走艱虞際蒼然念薜蘿卽憐知舊少故遣別離多腰

脚聞猶健鬚眉冑未皤向來瀟灑極愁亦奈君何

世議日增隘平生早自疑狂歌吾欲廢痛飲爾真師市

近風猶熱庭喧草不滋青林磐石上長憶引藤持有引州

藤山出引藤樂天詩問取藤枝引嘗酒者也

伯氏傳家早經畚換釣竿羨君今復爾此弟果稱難九

曲青溪路雙戎綠箬冠得鮮烹肯懶行竈對風安

西郎能負米早晚度延江到及荷花節歡生竹葉缸漁

樵呼舊侶金鼓任鄰邦安得南明客醒心對爾降

題周春甫繼煦桐陰山館圖圖乃假仇十洲舊蹟

充

炎窗詫絕雙眼明十里溪山生戶庭何人衡宇占佳處
桐陰滿地風泠泠魚牀鳥路入煙靄雜花芳樹交迴縈
樵歌欲斷權謳續雲籟石泉相與清抱琴遠喜素心至
韭已可翦鮮可烹牀頭斗酒更不貰拂席便對西山傾
連年羽檄遍南服千山萬山流血腥不知何處贖此乾
淨土欲買二頃消餘齡太和周郎顧我笑不止云是四
百年前老仇子經營爲貌此山居豪末清妍總相似謂
眞謂借增衆舌意卷意舒聊自喜先生有意畫中來開
軒任著烏皮几邵亭老泯分別相怪子新圖能竟爾人
生何物我得專落手稱心斯已矣因君却憶影山屋早

應善手相料理坐惜道昇一幅好篋營西去恩恩隔延

水曾假觀朱亮甫太守所藏管仲姬叢
籀頗似為影山寫照今已攜往大定

哭杜杏東及其子雲木三首

縱賊誰和議攻圍轉益頻市人同疾首夫子獨捐身
計凶言誤唯知取義真全家慷慨意談者尚酸辛
君才吾所畏杯水萬言傾庠職且餬口縣官甯稱情
區猶不遂擾擾益堪驚何取玉華水流傳烈士名
周也相從日時時得起予及門推最小嚮道總無如
殉孝愚堪憫懷忠計可徐倉皇胡遽爾誰與付藏書

名

名
雙和十里溪山主
人博學古直

君姓杜氏諱芳壇字杏東遵義人道光丁酉副榜貢
生援例以本班分發委用署黔西學正咸豐二年選
甕安教諭竝有聲二年秋桐逆楊鳳亂遵義從平越
知州邵鴻儒剿辦綏陽一路事平以知縣卽選加六
品銜賞戴藍翎未行屬鎮遠之施秉黃平都勻之清
平八寨相繼亂皆於甕安逼近署知縣吳德容留勦
軍務屢計破天文山賊境內安輯六年以卓異薦明
年德容改荔波新權令不習軍備五月天文山賊遂
破牛場圍縣城先是鐙花教首宋三元已為權令擒
係獄而城人半陰習其教孝秀亦染懼三元且發其

事因相率乞權令出三元和賊杏東屢爭不聽比三元出明日遂益招致勻哈沈太和陳大六諸賊黨來助攻矣當牛場破杏東卽遣子雲木純木及女婿唐起中微服行雲木獨不去從守東城十五日賊攻益急入夜陴民愈無守志多散歸舍三更許老門斗踰跟奔至曰城破矣縣公盡忠矣杏東遽返學署謂其妻女子婦曰今城已陷吾力不能守當殉職若輩士族妻帑豈得汙賊且視若輩得死所乃死耳於是妻楊攜次女子婦尹抱孫女長女抱外孫以次投學池杏東指書胸次曰宋三元飛出方城恥之恥之乃授

命雲木痛絕無可為亦躍入池中死一門義烈更不
苟生難矣哉然是時城實未陷俾人雖不力而菸泥
商方以精壯三百宿城中商惜貨故獨出死力當賊
衝而太平里團練赴援適至擊賊後一時機銃雷鳴
與呼殺聲相應不斷遂至門斗誤告杏東誤殉可哀
也已論者猶謂杏東第稍緩須臾可以不死胡為猝
不核實自輕其身然而岌岌孤城衽席之旁率將束
手應賊菸商之擊太平之援竝匪意料城不陷必不
可得陷必未有不以爭三元仇杏東者故聞變卽信
勿疑與其灑頸血汗賊鋒何如家人父子先以潔白

還之天地祖宗此其舍生蹈義熟講確守自非取激
一時意氣能猝辦者假令虛變不傳杏東父子必猶
得留有用之身豈無濟時艱之一二而竟如此其唐
氏女及外孫竝得池淺而活不活者僅杜氏六人理
耶數耶杏東雖死城猶完文報不敢以實遂有銃傷
之說將恐他日執虛造櫟籍轉以失其磊落光明之
心故詳論於篇雲木本名棧其諸生榜以字行更字
邃青亦從綏陽防勦保舉訓導卽選年二十二杏東
年四十四

邵亭子曰歲丁亥余與杏東先後補諸生杏東少三

歲弟視之遇書一過輒記家無藏籍而博洽淹通下
筆數千言立就余艱記誦文思又遲頗妒杏東敏杏
東乃喜余持律益相得也官黔西時命雲木從余遊
敏記遜乃父而好學過之黔尠學人將屬望於是而
杏東頗頷一官見危殉義雲木又僅僅以孝死悲夫

將還邵亭度中秋留別劉仙石

書年

太守

廿年硯食守鄉閭養成野性不受絆無端促向官裏來
如送雕籠取娛玩寫心自為道誼合餬口詎緣升斗算
賓師浪據足慚忸詩酒容豪差樂術肌侵風露衣頓薄
盤飮粟粳節驚換滔滔閱世竟何之碌碌芸人徒自惋

連宵碎夢墮黠罄破曉長愁增几案頭皮未到念朴捉
肉弗能無懷袒貫碧雲古月大且多山國中秋此其冠
誰憐炎鬱重狂疾坐想高寒湔異患妻帑已戒粟鑪老
腰脚肯辭山石研但須乞我十日休便向九垓期汗漫

記清平昇夫語

清平園三年糧絕至食人食人逾百日十月歲丙辰初

十之夜子苗火乘高垣霜鋒晃大炬灑血如翻盆疲民

抵虐燄誰不刀下魂哀哀卅口家瞬息同灰塵負母墮
積屍誰知尚生門扶攜瞰宵遁冥茫犯荆榛那識登頓
惡但畏虎狼聞西來幸遠賊并日之一飧在昔列大肆

輕肥耀鄉鄰負擔豈所習終朝幾顛掀飢寒長筋力漸
已能苦辛辭甕靡定居風鶴仍驚奔故鄉尚蒿蓬我伐
何時伸飄搖母子兩終恐溝壑填轉恨陷城日胡為留
此身

送楊

維藩羅光華

兩生還獨山

玉瑄搖孔翎晶輝耀連璧誰言頭銜換尚滯博士籍剛
源敷門戶三脚沅首墮肘掖都勻孤城茫戰守坐待虎
狼齧賸賴毛葫蘆中權互堅壁兩生投筆起屢解重圍
迫僂僂二百人竟靡三萬戟論功匪私膺受賞詎肥瘠
何物五品階一醉不可易羣盜正縱橫徵調乏籌策鄉

隅勞保障比國未衽席我旅方激昂義聲震鄰敵霜天
縱鷹隼白日飛霹靂相期發勁選迅掃靖邊鐫男兒當
封侯事會取旦夕無令小軒輕苦與襟抱積

九日劉仙石太守招集省吾軒次尊生觀察韻呈

主人及在坐胡若川

圻邱培之永豐

客心於好節邈若不相親主人能好事乃有翠尊因談
嘲張桓孟歌寓激張陳甯無感搖落且以永夕晨羣山
入蒼茫愁雨連郊闌黯興亦以斷頑胃猶未臣昏昏漁
沅路苦乏消息眞宿壘傍秋花黯黯誰能珍觀察整巡
社雷霆起蹠輪太守贊機畫理劇氣益振幕府盡才俊

搖豪盪煙塵賤子坐筇繫問道豈無津庶看凱旂揚及
此霜威長漫漫惜明年會當歌懷故人

送黎伯容之鶴峰州判

妖烽沸西南三年莽猶熾預預恣狼餐奕奕矜孔翠黎
生困儒官陰符豁胸次一朝跨鞍馬便有幽并氣鐔嶺
何糾盤盜弄方得志迅雷飛一旅往往翦其翅惜哉所
籌策十不用一二遽催巴東行哀猿引愁思判司笑高
遷未抵螃螬貴昨來辭監巡蒼然列長議四座苦欲留
咄咄怪當事君以黎平一帶防勦事宜呈巡道劉仙石
者漫不行矣無遷延中丞久應遲楚撫蘊芝胡馳驅在
省也

知己身世空涕淚瘡痍漫楚塞規畫吐腹笥江漢獲再
清功名老應遂鄉氛亂烏哺霜樹禁朔吹懷哉梁山絃
慎勿貪稱意

漁磯灣

青山隔岸送杯觴醉帽欹斜逐野航雪後風光如二月
城南煙水似三湘麥苗自放平田綠木葉從堆滿逕黃
咫尺漁磯蕭瑟甚雲亭誰識嗣桃岡

鐵柱

鐵柱嶰嶰倚碧空武鄉祠屋張英風至今父老思張哈
肯使勲威亞嶷忠名將半從廝養出疲兵端藉指搗雄

眼前未覺邊材盡苦憶西林一老翁

新井

不斷終年鑿石聲破江分潤透重城居然仄出洿泉冽
可似童蒙山下清活活涓流終意遠勞勞窮泥轉心驚
乘輿一濟還多事休誤公孫博惠名

學舍雜詠

旅味蕭條一布衾著綿添線雪深深賸無錦綺招人眼
差得炎涼慰客心萬里相隨何處棄百年半向此中侵
風窗獨夜渾無賴底事沈吟忽至今
插架懸牙一萬籤鄴侯家喜接西簷借緝得我無空返

祭獺從人笑不廉未覺此身成老大漫持果腹當齧鹽
忽驚歲晚無歸計宛轉書叢始自嫌

貴陽歲暮雜感

里林到回表東百平半向此中

臘日奇暄欲換絺番晴番雨未移時無端密霰沙沙落
更挾奔雷莽莽馳亂後恩威常漫誕老來書劍太支離

千山落月誰相語獨立南明有所思

唐人以大寒後辰日爲臘日

守如處女望軍門尚謂匡琦將略存小隊郊坰仍脫兔
依山城郭自驚猿美人換直教歌舞戰士頻年長子孫
幕燕雙巢行樂耳佳兵凶器莫輕論

憶殲虔柳葛溪邊奏記頻勞策萬全曲突徙薪元未晚

持荷作柱豈非天總傳送款趨擒虎不見揚旗靖點鳶
壯士噓飢孱卒飽消搖經歲又經年數年功績各顯
萬仞杉巢匹馬開落閩翻茁禍根荻還家土匪愁霖雨
幹腹兵猶起迅雷木斗雖焚餘秃栴同亭已斷尚汗萊
巴東雪窟罷奔命隻手賢勞兩鬢摧南氣已灑合
葛蠻東去絕人煙都鎮丸城命久懸誰信連營罷虎士
怯當仇餉犬羊顛捷書杪歲聞尤數警燧千峰冷更然
子弟山河餘勇在義旗應許換金錢神在左去盡空空
重郡偏教付予輕三年兩度棄堅城更儲一舸將何適
豈有多藏不自傾亂首南鄰終斧鉞庸魂晚節浪聲名

騷然騰臘延江路風鶴千崖夜夜驚

八郡流亡滿目中
磬磬何處集哀鴻
況爲審戶耕萊計
更問償官僦費充
拙異城科仍下下
輸存式法儘空空
安能衛霍長才者
竝術朱然濟乃功

回首風煙總斷腸
故園消息太蒼黃
不緣社旅呼青兕

爭遣山城固白陽
西嶺騰通祠竹路
南津仍斷合洲航

未應賞罰防懲勸
事外勲名豈一鄉
同亭白瀾尚飛萊

戴笠乘車別樣看
八關晨啟禁尤寬
潢池總竊高軒美

篝火爭禁曉露寒
俗眼窮途空嘯傲
殘年飽飯各悲歡

邊庭本計歸行省
熙攘何由恃久安

保郡中郎跡已陳
荒茫六代幾荆榛
偶然啟事來張漸
便識安邊有趙珍
萬里西南黔服舊
百年休養國恩

新聯翩清要尋常見
滿目蒼葭獨愴神

晉謝茂理官撫夷中郎將見華

陽國志

夢影山老屋猶存
與猶子遠猷踞竈觚
談近事

憶別沅南水竹居
菊松三徑未全蕪
一編兄姪猶相守
竝日饗飧也自娛
經亂更堪詢老屋
同仇空道解陰符
死生契闊餘歸夢
愁對阿宜語竈觚

除夕飲省吾軒大雷雨

送臘壺觴集廣廳
疾風飄瓦氣冥冥
盤花歲火黯無色

白練纒虬鬩一庭搔首漫疑天帝醉澆年莫放酒杯停
安知不解霜旗凍卽洗千山戰血腥

戊午元日聞官軍收鎮江瓜洲

瓜步蘭陵一昔收金焦雙峙遏狂流卽持露布來江表
行見降幡舉石頭北極魚鹽終自入南明花鳥莫深
愁好音送喜逢元日穩兆黔兵早晚休

送舍弟

祥芝

之湖南需次縣丞

路難棄詩書時艱右戎馬百戰取微官亦勝悠悠者鄰
陬匪遐遼逐事得舒假莽蒼費冬春一裘賸堪把東風
吹遊子漲綠漫岩野誰言貧學仕爲策非苟且苟且可

奈何相看淚如瀉

淚盡竟何補慰君悲自吞焉知武陵道不更桃花源萬
竹空影山群兒盡蓬奔邵亭匏瓜似惻愴念歸根江湖
息驚波餘力樹鄰援一官苟得所亦以寄子孫中衢塞
未開迂迴歷烽屯勿倚枕戈慣百慎爲吉門

世情貴媿嬰不貴真可否賢達靡不然衆人復何有傲
骨入市中良苗忽生莠古來豪傑士幾許坐白首矧今
游宦場卑微易招咎愈宜落芒角和光混塵垢摧剛能
繞指於道亦足守稍解鑿爲圓青雲在跟肘
爾去不計歲我行無定方此生幾回見前路殊茫茫爾

壯我已衰離憂益摧傷懸知再執手不是今顏光肅肅
南飛鴻豈不爲稻粱安得東北風吹我向瀟湘千金亦
可買此意何當償

題茶戶壁

摘捲玉絲絲含鋒穎似錐辛勤火前作休放子規嗁

寄楊性農

我愛武陵楊駕部不稽車馬臥江湖道真源近花應好
安遠洲存橘在無比歲風煙愁極目何時懷抱對傾壺
邇來元室新詩卷又似楹芝長幾跗

貴陽道中聞二月十七日都勻賊以五道攻獨山

州團民迎擊大敗之其南路三千人殲幾盡走筆

寄大遠兩猶子兼示鄉里子弟四首

主哭抄

勻哈無遺堞風傳總震驚

麻哈以正月廿二日都勻以廿八日相繼失守城石盡爲

毀惡氛驅五道盡銳向孤城結士投膠固摧鋒掃葉輕

南來衣帶水不愧有剛名衣古昔

急燧搖行省林垆漫賊屯捷書馳到處妖火散無痕四

鎮兵非弱三年戍已煩誰能此乘勝翦絕亂根源羊對

迢遞鴉關外歡聲動路岐我行忘折屐兒輩想搴旗草

棘猶相蔓毛葫好共持何時影山屋復有竹林期對

比郡凋殘極天胡愛此州賊驕宜自挫我病或應瘳待

整千旗出遙思萬馬秋且勤耕戰備一鼓靖旄頭

飲南關逢潘文若

元炳

舍弟

庭芝

遂同循南隄過

水月寺

漫倚關市酒共逐南隄風年年此隄上蘭芍爭昌丰稜
節忽復更勝游渺無蹤漁邨柳煙外但益旌旗紅旌旗
亦何多榛萊亦何豐尋常亦古昔俛仰意何窮
幽幽隄尾寺乃占南明曲流水去復還清月俛可掬閒
來禪悅味坐愛茗花熟僧房忽武庫窗戶舊戈鏃流移
競來庇鳩鶴益驚目慈航在何許不救眾生哭

寄唐鄂生

炯縣令蜀中南詔三千人幾幾盡去

叢山日月促滿地風煙老跳身持蜀縣捷足怪爾早驚
懷硯齋聚盡眼平生好商歌萬幕側飲餞千旗杪雨雪
各奔波別淚揮草草虛舟憑縱浪性命差得保書來理
陳蹟惻惻忤心抱聞君若水行談笑靖邊堡歸尋浣花
路詩壘犯天寶仕優端可見何事愁絕倒宦情我何有
五岳興未掃平生憂患胸掬勝冀滌澡關河入我夢嵩
華落襟襟郟筒期早梅一醉錦官道

寄黃子壽

彭年

編修隨侍山西並呈尊公琴隲

輔

觀察乞畫時子壽方編
本朝名臣言行錄書

來索李恭勤誌狀二首

呂亭遺言卷四
小十之
擲却辯熈衣便得八州督何如郎罷前一笑萬事足黃
先承明彥析荷張貽穀粲粲朱萼輝華要生轉矚乃翁
察并道請急未越宿朝劇犢山蓂夕奉文湖醪鳴和助
承顏何者宵挂目我誦南陔篇淚雨悽以續人生誠此
難羨子命能福宜哉老久翁天機益酣熟頗聞行部暇
皴染逼顧陸上堂爲起居乞我影山幅

鉅人應時出各闢後程踐世近失其蒼來者徒邈緬君
於趨庭隙此義喜能闡盡發十年菟裁以朱李撰多事
閒實難殺青覬速葳河聲嶽色中貺子蓋匪淺鄉獻我
粗究英響並鏐銑尤愛三畸男氣奪甲科選黔西李漢
三世傑以

巡檢至本兵謚恭勤廣順劉松齋清以拔貢官總戎松
挑揚誠邨芳以員吏取通侯竝天挺異才兼資文武世
稱黔中四郊戎馬塞衢路弗不翦安得此軼才磊落接
三騎男我眇指撫千岩際一一盪妖燹把卷空古懷愁思誰與
遣

送于伯英

鍾岳

權正安知州二首

州縣兵戈地官場視畏途愛君豪士氣不肖世賢趨警
水花生劍珍山月滿弧前旌開馬首何處有榛蕪
此邦殘燧耳擾擾又經春不識誰司牧迨然憶古循推
心持治要洗眼看民親須信襄勤譜傳家果是真

水閣二首

水閣朱闌面面遮春風曾繫紫雲車夢中數恨愁爲月
醉裏聞香錯道花蝶舞不嫌衣粉薄鴻驚偏愛爪痕斜
分明宛轉珠橋路疏柳長蕪感歲華
橋頭月子玉鸞鸞聽水聽風度夜闌豈有行雲扶弱菼
如聞白雪語幽蘭烏絲苦憶懷中置雁柱應生指下彈
記否紅牆銀漢是幾回青鳥費探看

戊午生日連雨作

客舍苔根踏作泥空階積溜自成谿那堪愁雨天中近
絕似孤帆漢水西癸巳歲此日襄陽舟中亦連雨粉蝶一雙偏耐溼黃
鸞幾樹盡含嗔倦來一覺蒼山夢喚起侯芭錯折筭

荒涼扇市寂無人
雨意如秋黯不親
虎解相迎通軌
斡魚堪作佩漫金
銀天涯流落仍前
夢指上旌幡豈後
春
忽憶退之箴訟語
滔滔何處問迷津

戲書眼中草木

柔桑宜增憐老楮
那可宥但見新盆
絲不見古牆溜
石縫女貞樹牆頭
守宮槐安得送空
谷保爾壽命摧
盈盈金錢花帖地
不可拾婉婉燕支
花含香待秋入
若榴葉披蕤商陸
花嬾散榮落無人
憐伴我蕭齋晚

散步東郭外看姻家諸子姪細小

藹藹郭邊路依依
原上邨翦林空曲
徑長草自閑門寥

落潘楊舊飄零歲月奔一枝謀已暫愁絕對諸孫
幽澗碧彎環新苗翠接山入春那計此散策尚開顏窠
暖魚兒長巢乾燕子閒眼前安穩在且莫話時艱

有懷子尹次其去年見寄韻三首

飄搖無計守山茨客舍仍驚墮筍皮耐溷煩囂聊揉性
稍憐風月不論資虛舟自泛人從觸止水無波我欲師
偶把去年相憶句鴉關回首詠移時

與子頻年不合并浪拋心力彊支撐一家歉理復誰益
十上未通徒自明育子且爲婚嫁計弄孫遙羨再三擎
此生老矣都無用庶此區區有所成

半輪山月照峨眉，伏暑蒸炊了不知。
逸興浪爭黃鵠健，愁心終念白鷗飢。
冷官久棄無長策，奇字能傳待幾時。
日暮譙樓催鼓角，眼昏頭白寄書遲。

聞君欲爲峨眉之遊，未果方整理舊

著說文逸字攷

雨止有懷

雨止天若秋，開戶月光入。
蟲語一砌涼，樹蔭半庭溼。
飮盤簇丹柰，拋卷亂籐笈。
想見素心人，有懷欲伫立。

藕花詞

藕絲作線幾時長，藕葉作鏡幾時光。
只道藕花顏色好，不道苦楚在心腸。

藕根節節似儂腕藕絲連連似儂情花鮮藕好無人喫

十里露華空月明

書孫淮海先生楷書諭陝西官師諸生檄石本後

此檄青螺點書著錄稱教秦緒言家有寫本石本更溢出書後一篇戊午伏日中獲觀於周春浦所乃其尊甫小湖都轉所收西安碑洞本從乞以歸未署名一行已漫漶春浦美其字而不省何人書幸余曾錄其文反復諦審得淮海山人孫應■書七字於隱約間僅失一釐字亦快事也

孫先學孔開精室手闢山荒衍儒術偶然游藝逐文人

觸事元超俱第一緒言近語伴詩卷邇歲搜從鄭鄉出

辛亥壬子間始於麻哈清平親故許搜得先生所著教秦緒言四書近語學孔精舍詩稿錄副藏之今兩城爲墟人民死徙且盡小編已括洛閩要短韻亦登顏謝匹

幸副本猶得存耳

水聲天影盪擊窠騰擲蒼崖記雄逸

清平城北宗伯橋側石壁鏡雲晴天

影闊山靜水聲幽

十字先生手蹟也

賸珍手蹟十字奇斷

楮零碑難更覓

東臯草堂坐逃暑連屋書堆比禾秭眼明一卷古斑斑

樂論黃庭相甲乙循章詁即使秦教署尾模糊辭可質

請書伐石餘系言更補叢殘舊亾失先生蹈道辟蔡儕

體用自抒經國實史家行蹟慨奪漏名姓依稀藝文帙

傳業無人朝市改舊錄消沈逾十七平生師道頗自任

溫故知新啟程律

先生謂溫故知新故當如孟子言性則故之故新當如大傳日新其德之

新能溫能知則仁仁則成已成物皆燕雍秦嶺兩薪火

其能此師道師職也詳與耿楚侗書衣德紹聞爭屹崒農師授藝效美豐不免飢寒取嘲詰

醫家榮衛匪自度暫事治人甯愈疾

四句括石本

園橋

書闕此歸在過化知根檢身密况兼楷法定摩挲心畫
精英粲元筆我生苦晚三百載不得摳趨承作述爬迤
斷簡致恭敬稍稍不搖躬說誅年來烽燹赤沅首邨郭
荒煙莽蕭瑟北來副墨尚無恙後死擎拳定逢吉乞歸
襲入子本藏遍示同方味芬苾

悼女珏四首

駢蕊餘單秀摧心劇護憐災隨芻狗厭厄避演禽宣益
壽七千日增娛二十年門楣竟虛望雙玉總成煙

珏與

孿生璋周歲而夭其重慈以珏衣衣束芻竝埋爲壓勝
謂是竊生之戒隱其生日時不問星家恐漏洩得凶也

辛苦慈孃手春來急嫁衣有行愁遽遠無命復何希草
飯徒生事杉袍卽送歸那堪紈素小猶念蕙芳飢

見耶勤問字闇記繡功餘不用姆師教自通班宋書弟

癡從嬾學爾弁定宣譽扶病蘭閨錄徒言待補苴

氣盡荷生後書傳女渡時食新猶靳藕珥病索鮮果走
寄佳藕六月廿

六日至巳先
逝一日矣乞巧更何絲怪得連朝裏無端別淚滋有

耶偏久客負爾不能慈

貴陽中秋二首一寄舍弟庭芝一寄家中

久客驚秋節憐君更遠征不知水西月何似矩州城旅
食那堪飽絺衣且未更漁棠過張老應遣此時情

歲歲今宵月何曾只獨看庭除清似水兒女沸如湍塵
鬢飛秋思風樨攪夜闌誰憐老卿子愁疾對芝槃

題傅虎生鈞岵望圖

長松大竹迎谿風連薨揜映雕闌紅南明江邊據幽築
一笑占過東山東故人昔無一畝宮買山結廈驚我瞳
眼前富貴好恣意何事鏗鏗故紙中故人有子米家虎
下筆千峰照環堵乃翁齋貧去何許貌得顏開亦心苦
琴尊處處與消憂童冠崢崢堪起舞湘川十載記商歌
雲散風流忽如雨宿草餘悲今幾年甯知滿地長烽煙
畫中物色差無恙感舊題詩一惘然

十月四日出貴陽將北征却寄別劉仙石觀察三

首

促袞快新晴出郭雨不止宵湍愁壞道曉色開霞綺一
宿換戚欣長路方託始棲棲人間世何往不如此淵明
顧三徑詎藉弦歌理退之應宏詞獯獯笑失水邵亭非
吏才亦豈科目士此行復奚爲應俗聊爾爾

徂暑踏南明再畢秋律琯賴有賢使君略分容嬾散籬
根倚秋花坐惜歲月晚晴霜與披拂正色尚婉婉平生
谷口舊交替復在眼連朝對花醉新月媚盤淺殷勤主
客歌一再意彌款

觀察見送二律子尹見
和近詩又各有送行詞

重城忽天涯

此樂不可挽

古來學仕人覬得行我志我志苟不行取榮亦奚貴
先生輟中祕五馬作循吏滿持雨露膏悉吐經術筭一
世成橫流寸步講譎智趨避未甯工平生豈難遂蒙也拙
世情此道願請事古交青松枝寒煖一蒼翠

寄示劉菴生

肇竣別

菴生於記誦乃獨易於詩固喜別材美亦賴經訓基
兒童究章句要及勺象時逮其人事多專精已難爲慎
勿嗜好雜寶此朝光曦乃翁名翰苑樸學守漢師教爾
劇致慎庶幾嗣其規兩歲郡齋聚遠送惜路岐此別定久

近經畚好敷菑須令再執手起予過所期

婁山關

大樓高壓萬峰顛鳥道才容一線穿豈料養癰成內潰
翻今天險等虛傳翦除勁旅勞三省通塞殘籌費五年
始信大刀功第一當時幹腹竟爭先

爬抓谿

危橋挂絕壁狠石壓我頂誰劓壁縫路險惡異人境攀
援斷藤蘿黝黑犯毒猛爪端篙眼坵趾下劍鋒竝自從
三坡來崖腰習跟踉每聞此谿號未度意先慄天甯限
黔蜀作劇亦太獷

沂溪路上至酒店
堙卽交綦江界

出坎幸不遙昇驕

更前領

闕題

三坡卅里趨濛渡崎絕公車此日程
谿路欲縈流水住客心難與擔肩爭
誰言竹氏能憑險早有中郎解將兵
纔是眼前征戰地冝容豺虎尚縱橫

趕水泛舟至蛇皮灘

山行登頓倦廿里問舟津僕喜疲勞解
兒欣閱歷新掠波蘇螯燕迴槳起潛鱗
臘八綦南路居然似早春

邵亭遺詩卷四終

江陰繆祐孫柚城校字
受業姨子黃平賀緒蕃

邵亭遺詩卷五

獨山莫友芝子偲

憶廬詩爲章子和

永康

吉士作

虛檐納清輝眾妙赴窗戶晨昏一書叢至樂自太古仲
米豈勿營萊嬉足相補琅琅商歌發舉眼生媚嫵空名
驅遊子萬里去邦土科第入取攜風木轉惻楚蒼然大
癡筆突兀見環堵摩挲餘屺望境適意彌苦我有青田
廬亦傷延江許松楸眼中在飢走不遑處三徑復奚爲
春明忍羈旅憂端引披圖鬢變增幾許

次韵酬農部王定甫先生

錫振

衰顏祇合守庭柯，尚逐時英問甲科。果是隨身宜席帽，
那堪蹇足覲鑾坡。側身天地風塵急，回首江湖歲月多。
孤負先生推轂意，文章有命欲如何。

次韻奉酬壽陽相國竝謝惠礪欲亭集二首

朱阮儒宗蹟已陳

文正文達兩公

龍門爭泝壽陽津

壽陽有龍門水

高

招大引通經緒樸，學能畱盛漢真一笑懸車身尚健，餘

輝炳燭意彌珍。均輸急切韜符貴，誰向礪欲作替人

南豐欲廣辦香陳，許向廬陵問祖津。僻陋自憐師匠少，

樞趨今益見聞真。寵章蛾術愁難副，名集雞林早共珍。

逆旅擎傳驚異數，渾忘身是放歸人。

爲柳芷汀

宗芳

進士題柳陰老屋圖卽送其之官

蜀令

思邛江上柳陰肥野屋春田碧四圍南畝課耕侵露出
西鄰開甕戴星歸百年擇里餘淳樸萬事平情絕是非
誰遣一箕延劫火騰畱圖畫認依稀

計車半是無家別僑采饒君竟擲成快事恰分鄰省竹
愁心祇繫故園荆萬閒廣廈知能庇三徑弦歌許定賡
記否柴桑元亮宅邊五柳至今生

呈許溘生太宰師二首

星辰聽履拜

恩迴瑞氣文昌選部開出納久司天北

斗老成宜領漢中臺漫爭崔亮停年格會見山公啟事
來眼底邊籌歸藻鑒懸知不負濟時才

昔公提節向黔陬卅載春風煦未休桃李在門皆好實
西南絕徼是中州獨憐小草平生在那得佳華歲暮求
秋旅燕臺蕭瑟甚守株何術慰羈愁

滇生師枉過逆旅且命常向澹園假經籍賦呈

無雙家學汝南經夙昔門牆得其聽每藉計車求道要
頻勞秘鑰啟靈扃秋蓬不惜高軒枉朽木難依大匠型
縱假一瓶三萬軸白頭無奈簡編青

簡潘紱庭

增綴

侍讀借觀所藏吳中神讖國山葛

四 祚瘞鶴諸舊拓三首

三段巖山碣千言善卷碑瑞文諛可厭鐵畫爛仍奇悍
欲無崔蔡精堪接籀斯幾回銷野火副墨未全窺

頗疑羲獻帖姿媚匪其真保母出殘誌官奴果絕倫梅

邊圭首蹟葛祚碑在句容城西
梅家邊圭首有穿焦麓水根珉卽有源流

在同爲楷則珍

聞道咳蘭屋爭華石墨鮮聚教歐錄繼題早寶珠聯賢

伯寅學士尊兄星齋
侍郎並精鑿金石矧此維桑蹟言從俯梓傳雙鉤容

乞假孱俗儻應鐫

王呈壽陽相國乞篆書邵亭牘有序

玉篇邑部邵力語切警縣亭名按警爲漢牂柯郡十
七縣之一其地當今遵義府及大定府之半至晉分
警置平夷平夷當在大定而警專遵義道光時侍先
君教授遵義己亥庚子間有府志之役於犍不狼諸
山警黜延諸水竝鉤討粗就緒惟邵亭失收辛丑先
君見背研會久僑不能歸乃邵亭自號以志過攷希
馮書此部載專亭名無別義者凡十有二文其鄺邨
邨邨邨邨邨七文竝許君所有邵承警次邨前當與
七文同本許書而二徐傳本逸之非邨後鄭鄺邨鄺
四文比雖更乏他徵意補此篆當亦不謬於許氏

憶昔手圖遵播經漢營山川菟且徧邵亭近在野王籍

孰視眈眈乃無見飢驅廿載歸計迂延北飄蕭守孤硯

遂因亭字署僑銜志過不遑何所銜流傳浪得耽古名

郛續漢志河東郡垣有郛亭注引博苦遭時俗眩時人

多郛物記縣東九十里有郛郛之阨爲郛漫欲新奉壽陽編靜集沈林取徵援顏氏家訓

陽東百餘里亢仇城不知是何城檢字林韵集乃隱然

知亢仇舊是漫欲亭屬上艾此相國集名所由取

薪火導邊生識小問奇從究研坐思結構補前蹤突兀

眼中張巖甸檢文未信漏叔重副墨頗疑疏老鉉道循

平廣認西割華陽國志自楚道南義比郛郛宜各擅維

公引筆契倉雅倔彊蛟鼉起東絹榜書乞取付捷山他

日抵披南閤卷

絕粒引爲王秋嵐的母陳孺人作

孺人泉州安谿人歸晉江王氏逮事王舅極得舅姑歡夫棄儒外習商箱持其家甚理夫臨沒許以身殉遂一意絕粒勺水亦不進既念舅姑猶在又遺二孤乃強起爲茗飲久之健如常人業勤若平昔閱二十餘年不飢不疾不羸喪葬舅姑教子修脧半取易於女紅年五十八而卒長子的本名觀光已酉拔貢乙卯舉人其王舅則介重宴之名孝廉王侯山也

孺人異數那有此二十餘年餓不死當時一意殉所天

端賴公姑託孤子孤子甯知自看教公姑百歲還料理

風鑪茗盃佐鍼神送死養生俱盡禮寒閨豈識兩景篇

活水豈是龍宮傳千金翼方載服水法是孫華周得龍宮方之一居然卻病駐

年壽六親誦說疑真僊僊家鍊氣亦何據古井不波憑

去住鴛鴦雙死一生心功完笑向黃泉路清時閨則

古來稀蔀屋懷清死不辭激烈儘傳金翦字從容每詠

柏舟詩何如廿載王昉母絕粒能完孝且慈天意要旌

高行獨祇教讚歎不教師賦詠

早知聞官軍收景德鎮聖旨曰不與

記從開鎮向浮梁累代官窳重尚方一髮掀波攪彭蠡

呂氏言卷五
五
九英無鬼任天狼卽愁經賦空諸郡更問燒資斷幾綱
早晚喜看包貢入千峰翠色引杯觴

潘紱庭咳蘭書屋詩題詞

藥階黃蓼舊薇郎藉甚才名不可當稱意交遊皆老宿
承平詩格愛中唐咳蘭細讀初刊集徑菊剛傳破蕊香
十丈紅塵渾忘卻滿庭清氣襲衣裳
綺語刊除見逸姿年來老境更清奇渾如絕澗風漪畔
坐對秋山落葉時傳業祇今仍軼轍齊名自昔數郊祁
人間福慧如君少怪底朝衫早懶披

九日定甫先生招陪壽陽相國集慈仁寺次壽陽

韵同會者王子懷侍郎楊湘芸林穎叔兩郎中孔
音繡山侍讀繡山以王稚子二闕舊拓懸座間共

審定故有
第四句

何必重陽定菊花散遊風味勝溫嘉亭林祠畔一尊凸

稚子闕邊雙樹斜老輩虛懷容坦率故鄉迴首隔塵沙

三危禹蹟勞徵記愁憶千峰黑水涯談次及永甯州紅崖碑友芝以雲貴

南北盤江卽禹所導之黑水二江會於永甯崖字蓋是三危禹蹟相國定甫詩竝採及之二江界回夷間今尚

未靖

劉子重銓福示八君子專墨拓卷兼惠新拓爲題

二十韻君子館故蹟在河間縣西北三十里與肅甯縣壤接子重官肅甯訓導手拾此專館

爲河間獻王建以招賢者見水經注

君子開賓館芳蹤記樂城整畱秦隸字事冠漢西京定

薄梁園侈安知魯苑營善書真盡得經藝絕還明樸學

今時盛專家幾輩名直承求是獻遠致未灰羸邑俊濡

餘澤毛均契古聲片陶珍餉遺副墨頓飛鳴此輒出始獻縣苗明

經夔夔著書專明古音矧子河間胄還司博士鬻好賢徵舊蹟追

遠益深情拂拭欣孤賞聯翩萃八英儼從招藹藹坐對

說鏗鏗歐趙憐同癖蒐羅苦不宏釣池尊魯鼎中殿寶

吳瑛西京石刻以曲阜五鳳二年一石出太子釣魚池者為最古有傳周標園官山左時易去原石者次

則甘泉之中殿第廿第卅二石在五鳳後四年此輒又五鳳前作豈意逢輒祖蒼然主

石盟妙傳纖手拓彌助古懷清滿地方馳隳頻年未解

兵向來珍吉樂多半委榛荆救世黃金切爲儒壯士輕
道甯存瓦壁守此欲何成

展重陽日獨遊慈仁寺登高騁望叢感無端壽陽
定甫兩公疊韵詩至因迴環顛倒次之得六首並

呈兩公

遠峰隱映碧蓮花絕似南亭在永嘉忽憶謝池春草夢
誰憐燕市隻巾斜通天黑管三秋霧落日荒江九派沙

庭芝弟館威甯爲黔極西最高處舊名烏攏管漢諺所謂盤羊烏攏氣與天通者也祥芝弟從戎在江右又

是一年歸未得萍蓬相望各天涯

一自樓船縱呂嘉漢廷幾費墨封斜金身不偕俱消劫

佛籀常添抵算沙江國才人偏意氣海天愁思渺津涯
秋防歲漕無消息苦逐天台晚桂花

白魚穿荇沼紋斜黃雀盤風擁旋沙蔥芥從來非異等

鯤鵬何必在天涯五升不糴官倉米十日還尋野徑花

大士搗頤龍女笑寺中奉窰變觀音搗頤像兩侍者皆仰笑不住書生饒舌有

誰嘉

世路渾如一聚沙竭來何處是顛涯已嫌直竹生多節
安得喬松著好花短後徑思隨李廣長吟休愛憶秦嘉
霜前無數蕭蕭柳猶仗風光作態斜

有涯生事逐無涯消得秋風幾度花感寓何人識莊叟

拾遺漫爾笑王嘉始知覆箕山能就須趁高春日未斜
寺戒長老有戒行新寂會寺後爲山欲起傑閣未就早向香巖參頓義樓臺彈指

遍恒沙

歲暮光陰未有涯禦冬珠米竟量沙
寫中囊米爲慰懷

恰喜新詩到引興仍隨去鳥斜
盂座傳杯從率略捲簾

看畫亦清嘉
歸路逢王壬秋拉晚歸來無奈將弦月秋

影離離踏露花

送李蓉初

春暉

孝廉聞赴還貴筑

下爲西山

客中悽絕事最是送人歸矧子秋將盡傷心去靡依
雲寒不散江雪渡還飛萬里柁棹念珍看身上衣

計車方直北子獨向南中反覆悲生事吁嗟此轉蓬虛
名真有濟永恨幾時窮引我松楸淚憑君寄朔風

張香濤

之洞

孝廉劉伯洵

肇均

秀才約爲西山游

病未能往送之

太行送遙青直北赴畿甸齊雲亘合沓就日呈彩絢林
巖眾皴殊澗壑百蹊變窮探糜歲月遠勢納寓縣緇塵
日飛揚秋氣倍蔥蒨茲羣山圍豈直終南擅能及楓
若花未惜桂如霰快事詡尺書發興劇飛箭春糧戒已
宿濟勝病徒羨啟輦想靈沼憇足數佛院道辭客兒闕
徑匪承禎援滄溟入奇懷今古動英眄低徊憶城闕紫

翠若隱見高處妨早寒裊裊記裝纏

贈李篁仙

壽蓉

農部卽書秋影軒詩後

蕭然市中廬落葉不可埽
栖念羈孤蹶蹶傷遠道
遠道阻且岐蹶蹶幾時好
素心來叩門奇疑恣遐討
欲傾九江波爲我洗懷抱
發聲爲楚吟霜氣逼秋杪
清商吹石裂落日風浩浩
斂鶴感挫翼樞驥撼卑裊
桓桓兩三松姿顏亦枯槁
平生栗里翁放意聽人撓
徒言無弦琴誰能解意表

書龍壁山房集後

昌黎聖於文風雅亦天放
古人未開徑一一剔榛莽自

從汴京來壇坫幾雄長一源所輸灌派別成養漭推原
道之昌萬卷特其襁胡爲餘事作千載費鑽仰先生提
文律永固有嗣響詩又坡谷間驂驪掉輪鞅自緣所蘊
同神契乃不兩隱然見韓薪傳火授諸掌愁來幾回讀
頓息心縫癢詞林醞椒桂礫糝和一吭旄頭避張弧斯
道益莽塊參佐無晉公油幕餘慨慷樞郎疲日牘故事
徒寫倣平生治安策鬱鬱抱孤想頗聞資格推早晚柏
臺上鍊面顧新名蒿目吐忠讜先生資當轉臺新更名拯銷兵展成
畫執法先錯枉好礮平淮碑典頌繼疇曩

壽陽相國曼韵見答獨遊詩竝爲篆郤亭榜依韵

奉謝

平泉不用自栽花常覺秋容分外嘉

草堂小秀野花市下斜街相國楹聯

句也所居四眼井在下斜街近花市

脫手機衡供嘯傲稱心藜杖任欹斜

傳詩已許參冰柱引筆還教悟畫沙垂老及門嗟已晚

飢驅愁絕又天涯

時將出都

開元二十六年投紫蓋洞天銅籙

眞經注罷五千文信簡遙憑紫蓋闢子壽投荒牛李在

長生有道孰如君

題尹杏農給諫

耕雲

西山紀游卷

朝看修蛾夕猛虎眼前翻覆何須數手提白筆向蒼崖

且作西山風月主山情霜後益嶙峋紅葉千峰倚半醺
正是冰輪輾雲海九衢塵裏共思君晨眉方修蛾夕步已猛虎卷中翠微

山房對月句也

送林勿邨鴻年之守臨安

滇池溢流血甯益無淨土要和經幾歲衢道尚榛莽

朝廷用王遜慷慨集殘旅謂張石卿制府撻伐時一伸遂得定

威楚楚雄元為威楚萬戶府又為縣又為等處宣慰亂國急需才巧宦習首鼠

蒼黃生怙恃趨避十虛五夫子守粵南長才足文武胸

中天下事利病粲可數春明勞訪詢連兵話鄰圍累歎

西南維孤懸費摺拄果然荷邊寄五馬橋南許南盤江即漢志

俞元縣出承命了不驚始識中有主遐荒斗絕郡嗜

之橋水

亂自太古雜回滋屈塞睚眦結戈櫛君家老文忠提節
運勦撫何曾聲色動禍首已樵斧攘功換捷手善後從
莽鹵爨火復燎原懷賢淚如雨桓桓今總制卽起文忠
部君又鄉族閒經綸用前矩惟良儕大郡合志有開府
相將持腹笥張目快傾吐感激共一衷瘡痍豈難瘡雪
雲辭燕臺嶺路繞鑿戶天風閃征旆甸長迎負弩早寄
平戎詩饒吹付歌舞

送王午清

槐芳

同歲之令雲南且先假歸省母

休說滇雲苦家山間一牆遲官從薄命取道且還鄉藤

酒三春節萊衣五色光幾年將母意一笑已先償
西南頻歲裏盜賊幾曾空每以凋殘後方成保障功短
衣迎社月孤劍轉夷風須信親民者書生果不同

龍皞臣

汝霖

縣尹自晉入都覓訪

飢驅行不得市月坐紛紛一笑甯無謂楚然獨待君遙
情驅泰華古意結皇墳珍重平生事尋常那可聞

飢驅將出都畱別諸同好二首

別雨繫遙情初知引新樂巽然畿輦下不異在邛壑擇
術匪一端爲儒久成鎔安知要路津別有匡時略我獨
胡來茲歇耒棄耕穫農容向華臚相許豈吾託眷言諸

君子高詒陵古昔時時風雪裏
百顧蓬蒿宅長安居不

易蹙蹙靡善策長揖春明門
孤蓬信飄泊

浮雲逐沙鳥飛上黃金臺
變態不可識拉雜散九垓歲

暮多北風漫天更黃埃
風雲一朝會舉睥何時開
顧我

睥中人各有天下才
塵中共頽頽缺骨騰未
頽飛雪塞

行路雙輪冰且摧
聞我獨飢走欲挽還
自猜徒言別未

遙春官行復來
未知明年事吾駕定可回

白茅灘拾硯圖詩爲黃子壽編修作

沅江上水舟步步爭石湍
如讀孟郊集苦澀難爲歡
黃

子奉庭幃迂迴沂千灘
幽奇助嬰態水石皆辯爛
泮妃

手中雲燦實沙礫寒擎拳向翁壽樂意溢引竿得興恣
點染翦龍割巖巒客至競傳賞寶過千琅玕長公文字
祥天成謝雕刊君家雲波石溫粹同其完還讀乃翁畫
藹然慈孝端我詩示後來畱傳以興觀

觀子壽所藏倪鴻寶黃陶菴兩先生墨跡卽書黃
先生卷尾

鴻寶英雄人小德靡出入嘯傲紛麗場鶯花送歌泣蘊
生眞儒哉獨寐乃龍蟄皇皇天下憂甚彼軒冕急藝事
亦進道中藏竟能挹我觀兩君書宛若奉樞揖倪生多
奇姿狡獪寄忠悒黃子渾工拙落手必山立兩美各成

妍古味絕近習於黃尤歛衽懸淙凜冬澀眼中無老輩
祕詡金壺汁視之徒茫然還君十重襲

小除日冒雪至趙州訪州守陳息凡同歲

鍾祥飲

罷作歌

曉渡滹沱雪如手日暮途遙尚奔走平棘山前逼歲除
一笑還傾故人酒故人別來踰幾年人事音書隔路難
情親語妙自疇昔但惜青鬢成華顛連鑣記踏春明陌
氣猛才豪同射策相期唾手拾華資豈可低心讓高翮
知命年華掣電過唾壺擊缺騰悲歌一官祇歎風塵積
十上誰憐歲月多君雖薄宦非未遇牛刀所至餘思慕

西海曾招國部安

古或急言日國

東滄盡得殘黎附地棘天荆

百不成邵亭書劍更飄零浪思開徑陶彭澤安得爲郎
馬長卿趙州舊是殷繁地又見彫傷成暘遂買絲常欲
繡平原懸榻猶能下徐稚憑君不用問滄桑我亦萍蓬
當故鄉轉眼邨邨花柳色春風步履醉千場

趙州度歲憶諸弟用息凡韻示繩兒

山前昌大

十年一茅屋始結雲峰雲全家得安宅手口忘其勤猶
嗟寡兄弟馳驅動乖分但博歲晚歸急難有暫群愁心
已叢棘無術豁斧斤胡我老不恥春官猶鬻文有季又
雞肋荷戟爭骨筋昨馳章臺路季也辭匡君今我滹南

來季遠熙湖濱居者亦頗領有教無河汾

祥芝弟從軍
戊午臘次建

昌今次宿松庭芝
弟方就近硯會

時節各相望益使心如焚人生亦易

足果腹消百勞何時十畝外晚景收榆枌海波勢方激
沽碣虞春氛頭蘭尚稽誅調發鮮能軍草堂無嚴尹誰
策飯顆勲餞歲得孟公酒至且自醺小兒數年具家風
聒云云苦復念母兄百忙正煩紛與爾獨閒適客况甯
無欣

息凡將之天津口占送之

梅邊一榻共清芬對雪談詩廬夜分正好淡黃花影月
天津橋畔復思君

邵亭遺詩卷五終

受業姨子黃平賀緒蕃幼承校

邵亭遺詩卷六

獨山莫友芝子偲

贈孟柳橋

傳鑄

州判卽題其芹谷歸隱圖

柳橋示西征游

草復有畱窮圖

判官好游復耽隱峻骨蒼松氣秋隼早收隴蜀在匣笥
猶惜江湖欠跟蹤芹谷暫開方緯未選曹乍涉還遭紉
卑官詎可愛塵埃疆項於時祇乖躋應衝會客動缺椽
期會呼車常脫輶時時荒署飽捋茶每每新詩添束筍
五窮劇崇偏苦畱三徑卒荒誰子憫從來仕路有經綸
善手公然化封畛徒言弊吏陟優異豈解中人把推引

上策爭看騰蹋去下邳亦博肥磽準眼中稱意凡幾輩
誰是不營甘蠢蠢君今縱復倦游覽歸計甯堪效蚯蚓
待兔能來幾時得嗜蟹要無還召晒牀稜滑熟模卽工
紙尾拈擎署何敏低心角逐知匪難故態消除且從忍
稍教削柄圓可容定有回蔗甘宜吮吾曹事事取才足
詎此區區天未允桑榆好景闕晚暮泰岱遙情供噫嶙
君章卽於泰山甚近直枉甯須較尋尺波流那遽妨頽隕但斬初
服咄可更何物塵纓憾難矜君猶掉首謂不然猿鶴故
山應怨隄

正月五日觀吳道子畫壁水於柏林寺偕淵明游

斜川韵

開歲倏五十我行殊未休吳生落妙蹟引此招提遊旭
景散曾波殷入天上流茫洋絕畔不見鷺與鷗孤梗
渺何依始悔辭故邱蒼然憶平原斯人竟無疇壘隍漫
荆棘有酒誰與酬未知畫工意亦復念此不且掬壁上
波濯彼千歲憂龍鳳自鱗翼風塵何所求

迎春日步至大石橋訪咎人題刻還尋張星階

橋州判茶話橋北蕭寺

橋舊名安濟跨汶河上宋

咸平五年漕臣景望引汶

河自鎮州達趙州以通漕是也橋兩端負小虹道

下有宋大觀宣和金天會大定及元明人題刻三

十餘處其最古者北道開皇

年唐山石工李則建橋時刻

殘雪欲盡春旗翩趙州城南春可憐
芒屨浪逐烏鳥樂邛服亂飄兒女鮮
汶河漕蹟幾時有隋橋舊題行欲湮
客子輞餼獨訪古何似喫茶參老禪

贈汪迪甫

葆光

倉大使卽題其綠雲軒詩卷

迪甫雲壑

修撰之孫

汪倫本是不羈才雛鳳清聲自骨胎
冥待風雲舒健翮豈應花月誤良媒
歌詩不禁卑官好懷抱何妨對客開
少伯東川千古事萍蓬相遇且銜杯

息凡示十年鴻爪八圖册子各系一詩

洗墨池懷古樓

絲竹爲張宣公故里有洗墨池遺蹟君權令濬治建懷古樓其

上重校刊癸巳論孟
解及南軒集閣板焉

廣漢張夫子儒風七百齡
墨池還舊蹟癸巳表遺經
名教成豐草權官等寄萍
使君懷古意耿耿獨先醒

雲亭省耕

大邑城北靜惠山有平雲亭宋范忠文公歸隱處陸放翁詩所謂雲與朱

身青

欄一樣平者也
久地君復新之

流泉

朱欄扶靜惠仍與白雲平
雙旆花中出千邨雨後耕
野禽窺洗盞佳客會飛英
飲罷一長嘯歡騰牧笛聲

使察木多

君以道光丁未至察木多公幹春去
秋返得康郵詩草一卷記風土山川

甚悉可
別行

白踏千峰雪紅迎萬壑蓮
部猶唐古忒事逸漢張鷟鷹

葬誇成佛牛繩欲上天康郵風物色儲待史家傳山昂喇

雪中挺紅白花枝莖房蕊與蓮無異能治虛勞久嗽蕃人死卜諸刺麻為三等葬法局骨肉飼鷹為天葬飼犬

為地葬飼魚為水葬得天葬為最吉謂即生天土山川蕃中乘肩輿登險峻冰滑常以牛曳緯極矯捷算春法

三峽歸舟君辛亥服闋奉太恭人匱葬山陰時也舟中詩載祥琴艸皆絕句

錦水將雙淚還過艷潏堆猿聲啼不斷秋色正西來

浪清逾急江門折更開流泉彈未協短節有餘哀

海東泛宅君自浙赴官直隸而道阻於粵匪未乃攜家附糧艘出吳松航海以達

挂席扶桑外攜家弄海暎鯨波掀地轉蜃氣拍天昏漕

船三年穩成山九點蹲珊瑚竿在手一笑引龍孫成山九峰

海島之高秀者君海舟中舉士孫曰汝龍

防河北

癸丑夏粵寇由江淮分股北擾陷歸德窺開封渡河圍懷慶君抵直隸檄赴軍

比秋寇西竄懷慶圍解遂撤還

江氛流不盡那復計防河直北堅城少凌秋突騎多

九重催急羽十道盡橫戈累月逍搖甚愁聞隴上歌

卹滄州

粵寇尋自平陽間道出武安竄臨洛掠畿南州縣遂由深州東窺獻縣交河入

滄城屠殺最慘癸丑九月事也賊遂由天津反踞靜海而君以是冬來權州事

竟令西去賊轉漏太行東一簪滄州赤傷心九月中捧

符餘敗堞觸手換春風辛苦求生聚長懷老孟公

營捷地

甲寅春寇自靜海南竄阜城後東擾連鎮大帥築長圍困之其地距滄才一日

程州南捷地牖口臨運河減水之交爲津南門戶君營此團練設防踰歲

木門安集漸南路尚煙塵插地常能捷狂徒敢問津連
營橫落日孤劍接殘春始識牛刀手干城大有人

柏林寺攀龍鱗附鳳翼二石傳爲虞永興擘窠書

蓋記從世祖南平棘時耿伯山勸進語

殲奔百萬不言勲反側千章更用分火德自應銅馬帝
赤符甯到井蛙群范陽退保幾無主高邑登壇宥釋君
附翼攀鱗傳語狂雲臺長憶耿將軍

趙州學大觀聖作碑是二年刻下距北狩二十餘

年耳

道君紹述意肫肫學校還瞻聖作新八行科條方造士

兩朝黨籍竟無人燕雲侈說收耶律租幣何時厭女眞
三十年閒成底事豐碑徒在已傷神

爲百補和章子和述懷三詩兼寄黃子壽

又早如壽

去住非人意飄搖作客情歲華催老至春草傷愁生大

陸浮東極常山護北平眼中橫海將昨日定先聲

延江西畔路旦晚且安居子出猶官冷吾行益計疏勞

勞旋磨蟻促促上竿魚苦憶衡門下東風坼澗蔬

蕭然無可語開篋見君詩中路牽餘痛長貧累舊知亂

鴉邨市外空霧夕陽時咫尺樊輿道誰言尚有岐

子壽有約

中和節前後會
清苑遲未得往

鷓鴣詞素雲結來山白茶育對身尺天

二月五日繩兒煮雪試家山白茶有懷息凡天津
北客過歲周南嗜斷茶味渴來但飲溼塵物常滿胃已
令吟詠損尚問幽并氣融風吹二月生態轉百卉尺雪
瑞乃遲句萌凍還畏小兒學好事屢掬爾曷毅玉色盆
盎盈車聲蟹魚睇冰芽珍一撮璵璠蓋候三沸生香沁神
骨活碧浮鬢飄豈惟中冷麪雅稱巖白貴舌本彊忽除
心源濬成濟直疑雲溼啜奪自銅仙輩始知天公戲特
爲瓦鐺餽文守隔小沽市月增寤愼安能及早晚清賞
共挹撻翦鐙遂尖叉計椀消佛惛

雨暉過甯晉贈縣宰過虞卿

錦雲

二首

雨暉過甯晉贈縣宰過虞卿

廣阿高控九河顛互陌通渠蹟未湮薄落亭荒無暴客
胡盧潦盡長腴田入春尺雪歡聲起自咎頑弊瑞應偏
今日神明河上宰政成甯讓李唐賢麥秀八岐見唐虞
陶令李懷仁頌
卅里槐川送日西敝裘如鍊更沾泥薄晴雪氣生空霧
交道冰澌成小谿頗喜塵沙能斂抑轉憐風物太悽迷
君今早脫公車苦記否溱寒逐馬蹄

虞卿以鄉味相餉用蘇黃春菜詩韻

年餐擣粉烘爐雪已聽滿街呼稚蕨蒿馨躡腦爭釘盤
冑數諸甘玉延滑羹誇符關竹孕脆醬右濛南樹頭辣
百錢嗟咄足主賓一笑婪預脣對抹連年北客憶鄉味

已逼花朝虛菜甲故人一飯萃里珍半自南明舊畦茁
元修命氏愛坡咏苦笋硬差記涪說我今卽事已當歸
僂把征衫向君脫

花朝仍雪

百花生此日薦雪溢千林莽莽人間世安知天地心翻
思春暖驟定有騰寒侵未遽冬衣換長途已不禁

卅里十六日又雪出趙州至欒城

十一日中五番雪春已過半寒未蘇待融直可還洩漕
添凍豈擬防鹹沽奪太皞權怨顛頊縱玉龍勢侵陽烏
春官選士亦安用聽爾僕僕衝泥塗

十七日雪不止疆進及滹沱南岸

雪孫徹夜復侵午儘析糝糠揚細塵

方言謂雪不成花若糠糝者雪孫

滹沱在眼渡不得恆山皺眉長向人生道已艱折九坂
斷轍何止摧雙輪平生行路未經此何怪驕兒唬苦辛
明日渡滹沱及午始入正定遂宿

崇墉蕩蕩壓滹沱在昔軍州控制多重鎮自應門軌壯
雄關偏是雪深過驅車便有登天勢拔劍誰憐斫地歌
午覲歇鞍吾亦倦飢烏疲馬共蹉跎

雪途見西山

東風吹海作春雪其勢欲與西山平眼中安得皋陶箒

掃盡浮雲八極清
千岐百折邗途遠
沒軸平箱寧輟艱
臘雪南行春雪北
向人冷笑是西山
朝來半雪復半雨
客意且止還思行
怪絕西山真狡獪
隔宵眉黛已回青

贈方存之

宗誠

二首

漢學存商兌
桐城有典型
我逢諸弟語
喜溢舊編青
客路嗟蓬轉
家山漫賊腥
平生俟命錄
愁憶惜分亭
廉訪今儒者
招賢首布衣
觀人于所主
守道豈應非
一面憐今晚
頻書莫後稀
柏堂多述作
餉我待南歸

黃琴隴

輔辰

觀察所藏古雙松卷歌

并序

北觀察道光庚子收沈石田畫古松卷劉寬夫

佐坦

太

守怪其與所藏文待詔松卷長短布置若一遂并舉

歸琴隴沈卷作于成化庚子末以別紙書杜松樹障

子詩文卷作于嘉靖庚子乃云仿梅道人知沈卷亦

從梅出故波瀾莫二如此

展君衡山之古松如對石翁老匏送行卷

石田贈吳匏
蒼行長卷曾

見之許瀨
生先生所松根石氣橫入天幻出林巖眼中見長洲師

友神骨同不信乃自梅花翁翻身作怪大奇事題署居

然沈周字一代中閒兩庚子雙龍盤挈飛欲起當時落

筆兩不謀爪鬣之而竟相似誰言白石翁匪效吳仲圭
胡不自題句但寫子美詩琴老天機今沈文畫祖况與
吳興親成嘉恰更五庚子雙圖劍合如有神安知祖本
不在世不與鼎足成芳鄰天風怒濤裂蒼石况坐秦封
岱雲之絕壁雲中拍手東方生指我蓬壺好將息滄波
瀕洞乏羽翼安得此松擲作雙白虹提爾陸剗水斷煙
塵空

廿六日大雪渡白溝

北風吹易水飛雪擁征袍
斷岸生危堞荒途亂古壕
栖難鴉爪脫凍合馬蹏高
自古悲歌地蒼茫首重搔

涿州道中寄房山故人

驅車范陽城晨雞尚呶喔深雪督亢陂橫雲大房谷沃
野已開犁壞道難轉轂故人百里閒凝望隔遠目有約
問隨經且須禾黍熟

會試春官畢有作寄鄭子尹黎篠亭

寒入深春意未央重裘如鐵試都堂西山雪色通長白
鎖院風聲結硬黃歸雁襪從同耐冷野鴉濃淡不成行
三條燭盡平生力添得明朝兩鬢霜

初十日北風凝寒
呵筆錄真三四字

輒結凍珠
雜沙而黃

十年前已謝公車何事知非計轉差奇澀爲文常自厭

清寒入骨費劬嗟且消矮屋三場粥肯豔長安一日花
鄉信又聞戎馬劇野鷗愁絕憶天涯

郭筠仙龍皞臣鄧彌芝王王秋訂余同出都連夕集尹
杏農寓話別趙沅卿李眉生皆至呈主人及諸君子

抱火坐積薪恬嬉昧攸灼先憂能幾人事外守寥廓旅
會憶十年百度成古昔感感復奚爲坐聽轍魚涸稍多
同方子仕已甘索莫相思卽招尋境局意良拓殘春一
以送雲散在旦夕連宵杏公家雞鳴縱狂嘍弦蟾亦惜
別照客不肯落江嶺積瘡痍兵革延廣斥人生各有係
安得還此樂勛矣平生心百歲視壽昨

紅崖古刻歌

有序

紅崖削立貴州安順府永甯州西北六十里諸葛營
後山上深刻其端凡四十許字參錯不作行不正均
大者逾徑尺小或五六寸字所占高可七八尺廣三
之字赤而石青晚晴日射乃畢露望若圖五嶽形若
鼎鐘糾結銘劃若襍寫物象其土人習稱孔明碑嘉
慶中武威張介侯澍縣令撰續黔書乃指爲高宗伐
鬼方紀功之刻道光之季陽湖呂堯仙佳孫開府與
守刺者謀崖下爲十尋架閣以施羶拓費不貲又地
高多霧雨常數日不得一紙故堯仙亟縮本以行尋

新化鄒叔績漢勳孝廉撰安順志輒省併其字爲二
十五箸釋文助呂跋伸鬼方之說其詞甚辨自是府
州又依鄒釋省併仍字大小比密以就篇幅各刻木
應索者以故行本百無一眞轉不若堯仙縮臨尙存
仿佛也文匪分隸其不自諸葛不待辨高宗撻伐亦
于地理乖鎔不安因思禹貢雍梁並以黑水爲州距
又有導黑水至三危入南海之文驗蜀南入南海之
水以滇黔之南北盤江會爲鬱江者爲最大斯崖適
近二盤之會二盤源處左右挾滇池漢書地理志滇
池縣下云有黑水祠鄭康成卽引以注禹貢見史記

夏本紀集

解其注文云地理志益州滇池縣有黑水

鳥鼠之西南蓋鄭君于梁距及導川之黑水皆主漢志其意顯然其別引地記特以志未言山姑附存他

說不爲是卽二盤爲禹所導黑水之確證禹導黑水

定詁也至三危而是崖近其會然則是刻殆三危禹蹟與貴

陽本唐矩州宋元併于羅氏謂之羅氏鬼國明設衛

置行都司開行省乃並云貴州矩鬼貴一聲譌轉非

有三地且在安順東北不能越而西南鬼方無他師

說惟干氏注易以爲北方國毛詩傳但云遠方余意

殆卽鬼侯九侯國耳武丁縱勤遠略而三年懸師萬

山中亦事理之必不然者矣儀徵相國攷黑水以爲

在雍在梁名同地異最是三危亦然故梁州所距當
自滇池循南盤以達于北盤之會雲貴俱包其半乃
于經文地形兩無措拄顧不能核兩盤源之夾漢祠
定一說以申鄭義猶岐疑于蘭滄禮社之愈荒遠亦
其疏也咸豐庚申四月友芝將出都潘伯寅祖蔭大
理趣爲歌詩書其藏拓卷端因傳經義正筮謬冀屬
和以張之

禹經黑水既茫昧箋疏苦索金沙壩三危入海向何處
一任北轍馳南轅紅崖攫出夜郎國龍畫螺書長結蟠
我循漢祠胗源受神蹟况遇隨山刊洪水坤維患匪劇

四載所勤排滌便衍亨南瀆在指顧馮高意橋讀去千峰寒

劓辰鑿宿恣興會六丁雷電相後先形成五嶽氣九鼎

光怪爛溢朱明天邊荒不識明德遠但記諸葛威群蠻

齊火銘勳久放失齊火從武侯南征摩崖紀功隸書二

側今訪求猶未獲章訝此礫硌猶孱顏千秋萬歲一丞

子和永康麻常言相舍彼不屬當誰專矩州鬼國貴行省循聲誤讀譌仍

沿儒生攷古別尋些寅車漫附弇山鐫湯孫中興撻殷

武有截不越荆楚閒鬼方九侯一國耳何事鄙遠勞三

年乃知等爾匪事實武威誤筆承呂佺曩來頗怪錐指

隘胡渭梁徽竟斷巴符關分明南交箸堯典正夏宅已

踰宛盤

續漢志宛濫縣有盤江卽今兩盤宛平讀

三危黑水異梁雍儀徵要

義精不煩惱哉弭節失檢剔禮社蘭滄岐未刪衡碑作

偽敗楊慎嶽麓棄擲無人憐斯崖晚出見典則副墨脫

手爭騰騫字青石赤又岫嶺氣壓周鼓商杆槃誓富箋

詒詔永久奉此石祖彌經藩叔重古文換秦篆十不存

一苦鞫銓稍從乘馬究虞尋水書竹歷參摩研

管子乘馬數篇

云有虞筴乘馬已行矣蓋虞幣有乘馬之名今流傳乘

正當金尚等及虞一鉞等幣頗有文字相證處吾獨山

土著有水家一種其師師相傳有醫歷二書云自三代

舍弟祥芝曾錄得其六納音一篇甲子乙丑金作

疑斯籀前最簡古文也

略明格西戊辰字象象齒舞

承白環意爲部居就屬讀斷續督眩愁難安伯寅廷尉

喜勅論趣實歌詠開其瀾壽陽馬平助芻督

祁相國及王少鶴農

部取證更拓張南山

廣東張南山維屏鬱水攷亦以南北盤江爲禹貢梁州黑水

浪

書肌見了逋負才薄奈此苔花斑庶緣索和博大句持

壯里典榮南還

客中五十初度示繩兒是日夏至

秉樞不作明日計奔命焚絲拾微利其工一觸東南傾
漲血橫流塞天地古人五十知咎非我乃五十初願違
飄蕭仕隱兩難問四方蹙蹙將安歸

小兒手飭櫻筍香再拜奉我初度觴謂耶五十得長至

懸知至百未渠央兒乎爾亦虛頌禱健在如斯定何好
烏糞紅蘆轉繫心蘧蘧忽向青田道

贈高伯足心夔進士三首

高生鞍馬上舊是幽并客浪逐進士科聲名愈騰蹕成
虧生轉瞬一再取怪愕甯緣失因依那復關製作君才
不羈勒所向無險嶮天心賤揚馬人事右鈴略男兒好
身手盾墨足揮霍安能守鉛刀俯首奉束縛乘勝老湘
鄉皖南且開幕將母六月師成爾去年約

末世無人才在養不在生交游殊落落乃見古時英鞍
鞿縱衢馳風雲接霄崢周行得其好蔚足甯王楨梁雉

有色舉彙茅虛吉征居行兩愁疾道誼長荆榛尙子碩
果係剝極庶一亨深文絕意表強笑難爲情吾軍久摧
頽不爾非全傾恢哉杏公語沈痛不忍聽

極興生憂虞挫意取磨湔從來英雄人得喪不挂眼舊
書閒更讀崎路久亦坦崇德聽所爲叢謗忽而遣回淮
浩難梁大巫不可峻我思在何許坐惱歲月晚勤子方
盛年觸事動英眊百川趨灌浸六月且息偃鉅負倚積
豐深貲遲輸遠微然天公意貺子詎乃淺

安順守周竹樓夔旣以兵復永甯州追賊至歸化
廳後軍不繼死之

延南死石開州延北死江遵義

石虎臣字寅谷昆明進士知開州江炳琳字介

侯江津舉人知遵義縣並善戰屢有功錫勇號去年先後死事

黔江千里撤重關嶺

路千盤益難備閔雨不到地涸海常生煙區區有源水
甯救石火燔周侯一麾障南壁悍髮強回皆辟易周侯
士氣一當百糜爛安莊還衽席材官如林但嗟愕五更
拔隊風火行躡賊已過和宏城後勁隔絕孤軍撐剡州
甘爲萬歲死隴上不救陳安生嗚呼周侯好名逾倉邑
所至謳歌騰石墨慷慨常存馬革心似此殉名良亦得
回首鄉關意何極

去年冬至戶部大堂火延燒司舍今夏葺治拚除

遺煤弃街上猶未熄也市人以水沃之煙霾塞道
去冬至火司農廨空柱堂皇出灾怪三春雪澤夏雨湔
死灰不死猶能然君看焚餘所埽弃滿街生煙溼薪氣
眼前異事誰敢譁但聞去年大獄還籍家

贈何願船

秋濤

刑部二首

虛名無當長安市流轉渾如不繫船自笑屠龍成拙計
思看射虎送殘年荒山樗蔘勞遙記九日花糕各近緣

君謂十五年前見余所校樗蔘譜
即相記去年重九會獨君未至

滿徑蓬蒿愁養日相

逢欲別意茫然

曹司

祕殿當塗後六十年來故事虛異數仍開

懋

勤直

天題新煥朔方書

春初君進呈新纂外藩書八十卷賜名朔方備乘

著在懋勤殿行走部曹直懋勤老輩中唯黃左田先生蒙此異數為嘉慶五年庚申今甲子恰一周

至尊柔遠憂綦切元老安邊計有疏聞道北塘樊扞盡

定能處女玩羣狙

潘伯寅示朝鮮南海縣錦山徐福題名書其後願何

船釋其文曰徐市起禮曰出王霞舉軒釋云上丁箕子作洪範其土人舊稱徐福題名故依何說

寅公石墨今無匹海外碑章過百通禮曰傳看徐市字

劔山直奪李斯工珊瑚枝歷落生虛僻雲爪盤挈壓颶風

想見神州成遯世絕勝馳道坐齋宮生一作森

連雨得霽將尋杏農適其過訪眉生伯足繼至

行止不自計出門無好懷意尋杏公語暫博心神開
轍潦一丈深轅駒仍蹶埋出門復入門寸步生河淮
過午漸涸乾從容理芒屨感通乃爾速一笑君何來
叩門又高李英英萃吾齋吾齋小于舟八窓納炎煨
長談縱塵尾坐引涼風颺京塵忽再歲此樂不易階
人生但如此富貴安足詒殷勤過夏謀米鹽更瓶罍
徑須傲元亮銜戢安得儕

機聲鐙影篇

并序

章子和舍人在庶常時思其母諶之教而圖其事以
寄哀屬同人題詠係之余亦造五言一篇子和以鄭

子尹引禮服書後使錄入卷其申論禮意甚精核故
篇中亦摭入焉

章謀賢母者首乾之繼妻鞠教成兩子所生過其慈當
謀之來歸永孚方小穉失筆惕世薄恩勤必周至妾謝
舉永康母乃未有出永康生失父比期謝又逝篤舊以
從死遺孤將何恃所以撫永康劇于永孚瘁永康能就
傳常不聽內嬉孤鐙熒織作分光課唔咿一字不上口
一筮無輟機永康始童子文聲與兄齊兄以鄉解充尋
揀百里宰弟以拔萃貢甲科摘髭似方鷹庶常選歸乃
痛靡依然子之騰譽母存皆及知亦足對死者含笑于

泉臺永康既終喪彈琴未忘哀命工圖省事撫摩長涕
淚機聲鐙影閒皇然中路孩父妻卽吾母夫子卽我子
匪生己己生慈孝惟一軌研經求禮服一究所以制君
母及庶子獨不箸相爲爲母爲衆子蓋己包舉之本自
天理公未有私豪釐古聖所述作固已防厥微世衰禮
教廢人人任其私我生生我閒加隆固其宜惟君母庶
子名在實己違章謀延江頭卓絕母道垂至行蹈婦聖
匪直懷清師鄉閭嘖賢仁揚顯羨兩兒惜未益己生浪
說天意差我謂立母極因篤良在斯斯圖寄永慕欲以
千歲期珍哉後世名崇德須盛時

子尹此圖書後畧云古人于為父也妻者即母之而盡
 子道不必其生已也于為夫也子者即子之而盡
 母道不必其已生也故周公制喪服經無君母為庶
 子庶子為君母之條非闕也不杖期章為眾子眾子
 兼適庶為之者兼父母若妾不得有眾子為其子得
 遂見後條則君母為庶子具此矣齊衰三年章父卒
 則為母杖期章父在為母此服通貴賤妾子有以厥
 降不得三年及期者可以君母包其母不可其母
 包君母是為之者並兼適庶則庶子為君母具此矣
 若然則君母庶子之名特以其異出析言之其為母
 子所當盡之道與生已生者無二服不可別出
 又無可別出此周公準理順情以垂教之精意也

送李芋仙仕茶之令江西即題其松菊猶存圖存

菊存芋仙
 以字二子

一刺春明客蹉跎過十霜才華驚海外朝鮮貢使必乞
君書及詩以為

東坡今之東坡鍼芥老名場聊得弦歌宰能依陶令鄉極知松菊

計三徑未容荒

蓋東丘高辰燿燿輝輝志士當公想

樓桑邨

對夫對丹符計此同以交轉細不辭并發

亭亭車蓋說樓桑昭烈于今尚故鄉割據縱難收梓里
中興仍許嗣高皇古來眾建蕃枝葉崛起雄才即霸王
不是南陽開涿郡漢京遺緒蚤荒涼十煇男

集

經安肅贈縣宰周子純顯

半節尚無恙并百錄錄

周郎管令恆山側長髮如毛震京國西行不敢渡滹沱
畏爾甲兵在胸肌至今草木尚威名長成穉子皆周生
豈知十載坐斥罷始復一官衝匱并海波滔滔撼東輔
徵調秀皇飛急羽言朝廷上策匪威弧聚此騷騷奈何

許昨日已飽畿卒信明朝還備晉與秦但君巧應不擾

民和戰事奇休疆聞言畫蜀井成或色色對東輔

望都月夜攜繩兒觀城南稻田尋如縣千亩周主

慶都稻田甲畿甸一水盡作閒汗池道光三十四年來

棄不復老農束手長嗟咨城南半頃尚無恙我行穎粒

方及時攜兒乘月再三看何限將蕪十畝思

中興望都夢京師諸同好明日次翁叔平詞稿修撰贈

行詩韵却寄兼示尹杏農李盾生熟地撰以林里

廣安脫嚴鑰僕夫催我行惱此同心交轉瞬不得并烽

火暗吳越健兒盡東征海氛動畿輔攪我沽上營么麼

亦已驕太滿豈不傾誰爲芻蕘計勿使枝柯成肉會習
苟安發議由弟兄戍旗漫長道攻守兩未名疇昔夢羣
彥慷慨共論兵禾黍幸有秋甸岷未虛耕飛輓了不事
軌連足糧養善用盡勁旅躍馬秋益輕擘擘縱飛翰鬼
子敢爾撓軍忌矧懸入釜魚更求生醒來望都道落月
魄始萌猶聞惜民命上相布肫誠寬柔顧和局損分莫
肯爭要挾轉益繁狂腥肆縱橫堂堂天王使未許城
下盟深沈憶平叔好謀欲長城浩蕩杏公氣直掣碧海
鯨李生狂可哀相看憤吞聲吞聲亦何爲庭柯送枯榮
誰能臬陶簪一掃八極清高足遲不來長愁引孤觥惻

惻向滄水荒荒非世情

讀八月初一初六兩日邸鈔疊前韻

伏莽在郊甸 鑾輿催獮行
伊誰謀猷主聞者悲憤并
封章連百司安危諫遐征
暫停木蘭幸大詰禁銳營
島夷匪藉辛我藩太疏傾
優柔養鱗介慢誕絕生成
太阿弛其操孔方長自兄求
和燭鑄鎔要費真強名
仵仵異姓王北屏驅勝兵
沈沈近畿旅蓐會畢秋耕
盡爾白黑醜豈足杯勺羹
筮爲處女守開戶任其輕
今也赫怒整攘臂奮所攫
鬼方計日平鬼章何處生
成功但一鼓掃亂無寸萌
萬方肅天威四譯獻恭誠
跳梁渺戾綏崩

肉敢鬪爭庶幾

列聖武復見六合橫要路別肺

腸陰圖堅誓盟頗聞推上策不憚敷長城涸轍劇苛鮒
吞舟憑縱鯨盈廷方讜言異論且收聲安知志士氣足
橈惡木榮彗星能彗除崇朝冀澄清熒惑漫瑩聽爲爾
進一觥悠悠逐客淚徒有杞人情

跋黃石齋先生榕頌已重讀本傳引疾瀕行諸疏

意根觸不可止更書十六韵

明之崇禎始舉搢已乖方良才動摧折惡木紛棟梁苛
細無遠猷姑息隳邊防興獄肆株累弄權陵紀綱錐刀
攪大吏仇隙延科場事急茫所爲援師隔勤王傳宣但

中旨趣辦乃布囊豈必萬歲山似此能無傷石老引疾
初兩疏何慨慷安危係根本考慎宜周行絕餌已怪特
削跡愈荒唐鬱屈閩海榕一蔭溢千章近岸神嶠接隱
洲仙幄張蔽虧白日照隔越孤島芻挫抑轉生氣支離
益奇蒼徒令感楚什束手送興亾

榕頌跋附

右趙州守陳息凡所藏黃石齋先生榕

頌行草真蹟卷蓋崇禎五年先生邁疾求去瀕行上
疏忤時宰被斥還閩爲民以後擬楚詞橘頌之所作
也末自跋紀年崇禎乙亥乙亥爲八年先生至九年
始召復故官則猶爲民時也跋言此本已多書之灾

木雷此原艸爲徐晉卿索去今歸而遠然則此卷爲
初脫稿第一清本先生自畱之又見索于交游復流
轉他氏先生乃爲之跋蓋平生極得意書矣友芝向
于友人所見先生楷書孝經筆勢出入魏齊頓挫雄
逸絕去近世甜惡之味此卷頓挫極相似而天真過
之書經屬文有意無意自別信乎初寫蘭亭決非他
日更作所能及也息凡奔勝朝名蹟數十必以此頌
爲冠咸豐庚申秋經趙句畱浹旬珍重見示乃鈎核
本末以附卷尾先生始在中允旣以救錢龍錫貶三
秩調他曹候補且三歲其瀕行二疏皆經國要言切

中時病乃以周延儒濫體仁遽予罷斥是後雖薦召復官充日講晉少詹而所言百不一用特爲楊嗣昌屢撫其文章不如鄭鄮一語資口實驟擡枝拒一切以邪說加之已貶照磨又削籍廷杖永戍煙瘴比嗣昌死復有故官之召方還朝尋以病歸而明社屋矣嗚呼學問抱負體用具足如先生自應明季第一相材而摧排陷抑徒成其爲蔽芾無當之老榕也悲夫八月己巳獨山後學莫友芝書

孟桺橋于官署結書屋曰秋根

因樹結茅屋迨然林壑期官閒無一事長是讀書時老

惛弟兄隔秋增風雨思經過對新築苦乏杜陵詩

蔡薌延

鴻燹養靈根堂遺集題詩

寥落靈根集長吟喚奈何微官春夢短奇句鬼才多旖旎采愚隔鏗訇辟歷過倚聲人不識誰付雪兒歌

贈息凡

官舍無妨借賃頻亂山如客不憂貧趣園風物機常活抑交文章老更淳鐫木得完多難候拔茅剛及有秋辰眼前何事猶料理須記臨危莫愛身

畱別息凡

重古無賦事策詠解

後會何時復此筵便無遠別亦悽然摩挲榕頰悲今日

歎息樛香誤往年
薊北江南虛悵望
斷腸分手任風煙
勞君贈卷還珍重
苦爲頽唐策祖鞭

臨城道中

連岡詰屈轉長雷
客子車輪苦欲摧
難得太行山色好
千秋亭畔逐人來

車騎關至磁州

橫岡幾疊斜路碧
水雙流宛轉橋
雅有故鄉風物在
况經新雨客塵消
遙津白馬愁難塞
近郭神麇野可招
南北奔馳無賴甚
何如此地學漁樵

贈楊見山峴孝廉二首

偶思片石語韓陵喜及齊都叩子昇恰有北朝碑譜在
識真先問老吳興
京塵兩歲其侵尋相訪相差直到今此會更須辭盡醉
明朝風雨隔華林

發安陽作

才過畫錦安陽宅卽指孤忠蕩水祠蓋代勲名歸閒氣
故鄉草木尙英姿安危所繫甯前定鍾毓能勤已後時
愁絕太行開眼見夕嵐空伴羽書馳

滎澤渡守風

帆摺檣梢閒自語顛風斷渡坐相看飛蓬捲地黃塵急

惡浪吞天白日寒，隔歲歸心憑錯迂。老來行路足艱難，
小兒彊說能知事。魴鯉頻頻問釣竿。

不能渡河還宿王祿營，有懷王晉侯。錫康周樺園

之翰

王祿酒家能款客，太行山色解娛人。那知此別還相見，
憑杖西風且自親。鐙燭繁花如昨日，笑談無睡憶前春。
京華雲蔽渾如雨，那更河梁隔去津。

河流多淺僅任小舟司，河不能禁強爭須晚乃渡。
秋落黃河水半枯，聯軒不任轉飛艫。舟爭定使指成掬，
人涉何妨叩獨須。落日荒涼暗洲渚，繁星閃睽歷菰蒲。

河官尸素休相責橫海堂堂昨夜逋

滎澤道中

禾稼積如林邨邨賽歲登晚絲雲片散雛麥露珠升
馬秋風健原禽樂氣騰滎南今日見河北見能曾

石固驛書事

晚投石固城百呼不開門驛吏以來徑覲于所司官偶
值其歡忻乃許就一爨此城南北衝停宿之所攢胡爲
尚無警行旅絕其閒館人皺眉答此法秋始然此事自
髮捻飄風兩河翻叢爾鄭許疆刮剝無完邨鄉人議清
野因城爲峙屯賊來盡入保亦旣多所全方其未有釁

先幾豈忘患但嚴連坐稽居行自通闈今年有未廷詔
團練馳大臣副以敬鄉宦耳目爲之新此不府縣州指
揮盡承奔凡有車馬客不得入我垣惟負販小夫往來
弛譏論昨有觀察使回車更無言客何僥倖哉酒會聽
衍衍小人倚店食餬口已浹辰賴客一夕飽來日且大
難科條不敢議欲說聲更吞

宿獨樹寄芙蓉

山山桂花黃礪礪葦花白一揜復一重愁殺南歸客
葉邑條條水纖鱗尚不容子高徒好事誰信見真龍
邨邨穿綠林林林綴朱實穉子欲懷歸錯認江南橘

一夕三夢君殷勤絮相語可是老夫家西風吹獨樹
君來何處去蕭蕭風露寒安得王喬寫送子千崖端
來路灣復灣去路山復山故鄉如在眼行客幾時還

南陽道中

白水南流送客行西移沙岸復東傾十年邨落生興廢
百里蕪葭管送迎疆土久荒申伯國夕陽誰問漢家營
草廬一片躬耕地儘與途人說大名

九日至襄陽

黃渠通楚甸歸客眼先明安穩仍南楫艱虞謝北征連
岡趨漢水薄霧隱秋城又是重陽節登樓動遠情

漢江雨泊

浦樹遙相引橫山折更開落帆成信宿飛雨自西來漢
廣鄉書隔秋深過雁哀鹿門歸路近懷古意遲徊

十網

十網下一潭才舉三寸魚憶殺縮項鱸網密不能居

潛江阻風寄柏容

風聲斷潛江雨氣暗雲夢千帆一時落寸步不得送椽
柯搖自拔束柁穩猶弄擺簸徹深宵伊鴉雜喧凍我舟
倚輕裝開頭彊違眾尺進退且尋泊晨晚仍共此行已
淹滯及舟意舒縱甯爭百里速惜此一程空故人勞久

遲願曠觸倉惚明約武昌樓晴川看飛虹

夜發指武昌

舟子忽無睡中宵貪利便闌殘別山雨浩蕩郢門煙江
漢流無地帆檣欲上天滄波虹貫處應識米家船
抵鄂城尋柏容飲次京師及故鄉警報沓至

遂爲故國三年別又負高秋九日心白髮清尊邊笑口
音書人事忽沾襟浮蹤一任風中泊何處能容澤畔吟
落日寒濤春鄂渚斷磯黃鵠已難尋

曲江宮殿竟成煙同谷鶯鷓道路遭逐客吞聲看北極
傷人繭足向寒天北塘誰遣虛屯戍黃屋何堪尙播

遷眼底楚軍江漢似勤 王急爲赴幽燕

良選詩三首

有序

余出都以初秋癸卯伯足期須之趙州相伴而南伯
足後出十日車道會大石橋靡由趙城會醉忘訪又
十日余乃行伯足抵樊城轉相待十日余雨寧行滯
及樊城重陽伯足已登舟去初冬戊寅余泊湖口城
下登岸訊堅山近遠行偪東郭伯足適來攜手忻快
相將還走十五里以達其寓廬湖山清輝步步攬結
別亦三十年矣遂宿山中縱談家國事通曉不寐記
之云爾

維舟彭蠡口意指堅山路崖肉鳴竹輿城根展良選出
都君未發緩轡戒我馭醉虛平棘約雨隔清沔渡長道
合併慳秋思然疑互興會溢乃今盈詘豈非數匡君懷
久別亂後足腥汗軒軒乘靈嵐披豁尚平素

江湖萬里身天地三秋事添鐙遞歌哭耿耿不得寐助

車移典文糾旅發忠義忍憶臨分情竟匪前言戲蘄州

聞尹李出走亦倉猝汴梁拌赤手漢口失交臂

前日蘄州小泊

遇羅惺四亭奎縣令言杏農眉生已相次出都杏農與
走河南眉生卽之長沙余方同泊魯山下未及知與

君今夕語再得那復計何必陶然亭俯仰歎無繼

五月十二

陶然亭之會君及尹李與余復有潘伯寅翁叔平
趙沅卿范雲吉黃魯生諸君爾時已謂不可復得

君歸慰桑梓仲季復英英歆駕卽講學隔谿聞誦聲豺
虎漫影山隔絕西南征看君好兄弟生別感我情九江
刷驚波一廛胡未營中有萬古恨欲說涕縱橫幹濟出
艱虞詩書匪虛鏗勤求救時策原以貽令名

至懷甯視舍弟祥芝示之

遠聞檄懷甯未收猶一城其民已極弊其境猶重兵旣
恐供億闕尤懼反側生撫綏苟失當何以爲編氓大雪
來視汝邨氣仍鏗鏗學製雖未爛頗能行拙誠不食如
在家邨墟形周行安然四境內幸此一歲耕別爾三暑
寒覩此慰我情始信湘鄉公檢束如父兄

怯夫避盤錯夸士侈儋荷規模若懸絕究竟無一可古
循豈神靈逐事致帖妥平恕握其根溫肅匪自我蕃昌
及庶類滿目盡婀娜此邦附方新善後待已夥官蔽百
未生民隱易觀火短材將志氣薄效謝慚懽纖疏妨眾
密積勤壞微惰戴星于鳴琴其道未相左

擬古三首示舍弟

敵材非李祐誤免膏我鋒得活已墜葉附炎忽飄風君
實惡腴士順適工取容倚勢急自售鑿虛還賣公古來
翻覆手感激涕沾胸利害一毛髮對面九疑峰當時不
蚤斷貽害遂無窮

曲鉤已封侯直弦道邊死默坐觀古今獨立傷志士青
蠅亂四國榛棘必有恃誰能窮因極惻惻用豈第三言
參殺人慈母遂不子摧肝操履霜伯奇不見理在親尚
且然疏遠奈何彼燭火方燎原欲撲燄益起涪波助顛
風勢極行自己示舍宋

日月趣短景冰雪互沈陰我來長風沙徒憶皖公岑萬
木被野槁千崖披霧森孤花表籬潔上氣噓泉深極剝
隱復機微陽通盛凜音碩果能得輿下仁亦咸臨君子
順天道養晦聊自今文平

天有感二首

士多言尚賦莫言邊駭交竟無一石古

海腥吹入漢宮牆無復門關亦可傷雜種古來憂社稷
深仁今日太包荒羽林說衛存文物車駕巡秋冑雪霜
臥榻事殊南越遠可容鱗介溷冠裳即日唱
煙艘未宥靖機羸月落霜黃趣負戈精衛有心銜木石
爰居何事避風波籌邊上相朝辭闕橫海將軍夜渡河
十道援師齊擐甲漢廷已許莫離和

雜感二首

孤山屹大海西門北倚淮肥控制尊自咎用兵爭皖國
久爲雄鎮扼中原車書混一今無外滄海橫流竟撤樊
妖廣偷生糜歲月將軍誰是漢庭援

盛唐不作野蛟騰，刻木浮鵝豈有憑。徂暑干戈成巧久，大隄冰雪費全能。未須上泝愁蕭範，安得旁援斷伯興。太息皖山松竹盡，石塘風水坐相仍。

望江除夕縣尹周娛階

景濂

招飲朱覲侯

元吉 縣

丞魏春農

申先

秀才適至

將味

江國未消冬至雪，歲除還泊大雷城。殘黎滿目愁生聚，舊雨開顏喜合并。萬事莫從多難說，一杯聊得送年傾。宦情客思同飄蕩，轉惱分攜百感生。

春覲二子
明日即行

邵亭遺詩卷六終

無

受業孀子黃平賀緒蕃幼承校

邵亭遺詩卷七

獨山莫友芝子偲

望江人日直雪

人日瀟瀟雪猶然一尺深
春風來隔歲不到大雷陰
饒卒罷難繼戈船凍不禁
誰爲元直將虎穴快俘禽
愁見飛鴻爪年年去住寒
江鄉千里遠何處一枝安
掘韭分鄰圃蒹葭佐客盤
未須驚節物今日且朝餐

登城尖騁望寄柏容

晴煦連三日城尖草未青
橫江孤塔表殘雪數峰醒
小市爭年色枯查滯客星
遙知石鏡空把酒憶飄零

長林鋪逢故人畱宿

啓塗雷港北歇馬泊湖東
緩度霜華日仍禁雪絮風謝
鐙春事起對酒故人同開口
先成笑斯行或未窮

太湖行營雜詩

百里熙湖縣般繁自筮誇
誰言千帳外不見一人家
客思牽桃葉春心寄菜花
那堪憑日暮城上聽悲笳

時蒐畢曉圍千里赴戎機
騎掩平原色戈騰旭日暉
遙知鼃池翼盡作通天飛
破虜如收獵生馱九兕歸

鬢髮成魚釜機梭復盜糧
何人開市易祇自撓封疆
春水樓船將秋風異姓王
抱忠同憤絕束手意蒼忙

飛將用如飛雷霆在指揮不須持勝算自可靖危機盪
決心原在翱翔計恐非從來需是賊江上獨擎旂
函聲催急節曉色動城烏驟雨止如截輕雷聽欲無援
師蘄水遠阻隘石亭孤戰事朝昏裡應防北路通
不見春楊柳生萍自由漪極天餘劫火避地憶仇池惡
浪空舲隔腥風石鏡知十年心跡在珍重祝鴟夷
荒城寒食節客緒亂如絲歌哭連千帳艱虞送一卮雨
昏歸雁滯春老候鶡知誰薦青田水三年憶此時
夢逐千山去揚旗大點兵徑趨母斂水直下白陽城孤
姪憐英爽全家隔死生覺來空壯思回首淚縱橫

致謝 寄送翁葯房中丞內召還京

習習癘疴豈有性命憂
微微澗谿水竟作滔天流
滿概發殺機萬變殊未休
眼中幾都會白骨抵山邱
蕭條大皖國破敕八九秋
夫子提撫節深仁寓戈矛
匪矜赫赫功守闕亦云周
四鄰萃彊援奔波事虔劉
小得不償失爪蹙轉贅疣
桀莠漫連圩長淮互深溝
木蘭帶春蹕鄂渚幻蜃樓
非族必異心花門古難留
知公抱孤憤剗斷未有由
昨聞趨命召黯然念神州
麻鞋詣行在安邊亟良籌
錮疾在腹心四體那得瘳
願公持本計危言張皇猷
挽彼既倒瀾鞏此欲剖甌
槌山管送公

驚烽始鄰陬十年無窮事書劍如萍浮向來文字興奔
擲不可求熙湖泊浪蹟壽春隔趨樞寄詩一長望杞淚
何時收

送但幼湖包興言還鄂城

一弓初月下山營五夜荒雞引客程旅思何容風鶴擾
歸心何事篆鴻驚批亢北擣元虛勢破竹西跳有勝兵
籐笈祝君安穩上落帆應聽凱歌聲

李眉生書至却寄

楊柳春旗拂戍樓郢門書札到熙州夢隨皖口千山月
遠上潯陽九派流經亂望鄉歸未得弃官爲客意何求

煙波江上堪腸斷况復春明憶舊游

弱絮

弱絮偏爭桃李姝小池掀浪亦江湖何妨成事因人得
肯信知名絕世無薄霧漸開新雨過峭寒猶在晚風麤
不應去病還多病春事闌珊伴藥爐

太湖畱別胡詠之

林翼中丞四首

時中丞手編讀史兵畧刊木成

同校諸友聞警撤去命往鄂撫署通訂勘整理印行

當代安危手如公復幾人澄清攬轡日浩蕩故鄉春江
漢歌羊祜旌旆奪寇恂萍蓬瞻使節猶記舊編民
冊載箴言在曾隨弟子聽闈中誇摸索老去颯飄零

曾及太公先祿師之門卒，中鄉解揭曉師首誇于座主。
賈筠堂師曰：此吾閭中措索所先得也。今筠師猶誦此
語，守拙成孤注，治生誤一經，遺書珍付授，慙對簡編青。

弟子箴言是
先祿師舊箸

袞袞盈臺省，誰先天下憂。翠華孤塞遠，春草萬山愁。

鬼氣猶畿甸，人綱豈綴旒。看公靖江表，還盪海西頭。

公等千秋業，何勞箸述名。編摩憑盾墨，結習過儒生。金

石中行誡，膏肓景武輕。舊唐書李靖傳高祖每云我期
李靖是蕭銑輔公祐膏肓

天賦節祖，搦佐瑤觥。

潯陽江行書事

蘄春笳鼓競宮亭，又見烽煙兩道腥。五老創夷猶未復。

雙姑眉黛竟能青，當關虎旅遲揚盾。狎浪犀師疾建瓴，快蟹長龍定神物。慎教傳我攷工經。

古來世變真難料，百怪千奇幻未休。盡遣人寰開鬼道，誰言東海不西流。閩胥亦解敵王愾，疆吏曾無辱國憂。請括市徒歸卒伍，何難一箭墮旄頭。

泊韋陽口遇蔡朗軒鏐縣尹自故鄉來贈之兼寄

周娛階馮蓮谿

一身信虛舟，沿洄無所制。搖搖辭雪冬，藹藹轉華歲。鞍馬匪夙閑，箋奏苦學製。漫然從虎帳，率爾笑獺祭。煦日對湖山，行雲莽迢遞。金臺憶連轡，莫里阻執袂。安知上

下船兩歇吳楚柁鄉音驚素心老態訝隔世鬢須亦何
常艱難幾時濟回首壯年心局促如坳贅

皖北管初收選吏半吾黨軍儲足供頓民氣亦舒養新
法劇弛張古道費俯仰進趨轉迷津罷斥甘脫鞅羣策
豫安危決勝頗管曩誰言破竹勢乃有刻舟爽桑梓積
榛蕪葺理復狙駟驕兵已不堪挫衄那可想憑君語蓮
娛母事徒悵快請聽客所爲滔滔欲安往

泊觀音港

維舟何太蚤前路逼峰煙黠虜何曾動孤帆不敢懸江
光上弦月花事曉春天舉目愁哀雁清遊忽去年

舟經武昌望黃州

江南無數青山賤欲割三分岸北頭洗眼一岡如碧玉
遠隨孤塔認黃州愁雲黯黯悲新亂春水盈盈隔舊游
美酒名魚空自好不堪持向庾公樓

鄂中詠史二首

蒙衝大柁掃沙羨霸業居然見此時魚水君臣愁响沫
鳥飛星月念栖枝遂令赤壁英名起終是丹徒世業資
不道綠林狐鼠輩十年飄忽至今疑

陶桓未許戍邾城獵騎悠悠引旆旌倚水能提南國紀
安夷不召朔方兵重屯本自雄吳國急援偏難仗庾生

望古岐疑無定算西陽豺虎遂縱橫

贈王益三

甲曾

同年

各

書

對

以

采

高

不

研

春明三十年分手南北東西斷雁械君始一官驚短夢
我猶無地著長鑱江湖惡浪兼天迴鼓肉悲風落日銜
忽漫相逢青眼在悠悠且莫計歸颿

西

後逃城行簡劉融齋

熙載

供奉

對

工

賦

兩

載

東

西

南

鄂城累月刁斗喧九門纂巖開兩門逃人漸歸趁端午
翻然一闕還驚猿問來何聞去何見但有狂走奔其奔
百金一舟擔千錢爭門奪港相躡掀門官不呵綠營閉
鬻牙吏市如空邨此中豈自有機要當塗策祕且勿論

融齋師席尊虎皮未暖臀入危居亂悔此至急若野鳥
羈籠樊邵亭盾墨慵耽守叢桂園咎誠批亢此窮蹶決
以靜攝扶靈根便愁傷勇亦早計明日笠屐觀東屯

避風紐絲硤

西上頑雲觸蘊隆長年收帆劇怱怱橫江颯爾飄凍雨
快意渾如畫朔風峽靜不妨邨店遠詩枯偏直酒杯空
絕憐一片匡山色盡日依人護短篷

寄廬山故人

匡山百里傍船行側送橫迎各有情遙憶石梁高不極
臥開窻扇看雲生

屏風九疊護飛湍朝暮應生六月寒寄語方平好將息
秋風迴棹定探看

東流行營送李芋仙之江西

去年今日渡蘆溝擲筆龍蛇起陌頭天地悠悠各垂涕
風塵黯黯獨登輶弦歌竟就陶彭澤款段長懷馬少游
西道主人差足恃官田秋熟待新筍

忽漫相逢棹欲開高生鞍馬恰東來菰蒲叢裏停三日
鼓角聲中醉幾回禮數且從寬幕府疏狂莫更話金臺
平生習氣拌除盡珍重橫流濟世才

收安慶凱歌獻湘鄉節帥兼致沅浦觀察國荃士

恆博士貞幹兩介弟

上將宣威拔皖城江淮草木舊知名如珠五緯趨辰月

併作重輪兆洗兵

臨淮號令肅清秋不動如山有定謀試看宜城新壁壘

湘鄉群季是營州

大雷港頭揚大旂長風沙鷺合長圍憑招黠髮千群入

肯放狂毛一騎歸

死虜批亢意轉驕軍鋒雄劍劇飛颺稱心一掃空秋葉

付與江西上下潮

惡守深藏九地牢善攻動自九天高夜埽十梁成破竹

平明流血滿空壕

習流健銳舞長龍
巧射駢憐恣擊衝
北馬南船生兩翼
一時齊上霧靈峰

手牽面縛日紛紛
兒款心輸各一群
順刃可生蘇刃死
受降曾薄李將軍

乘勝軍威似疾雷
竝江風鶴總驚猜
前軍又報收秋浦
生得方清係頸回

八月九日黃石磯阻風記所見呈湘鄉公

楚師朔月收皖國
十年陷失崇朝得
機衡會瑞應匪譎
風水倒山驕不息
東流懷甯百里近
五日未除黃石杙

磯頭城肉呼可贖西舫南譙坐相憶計糧三日那有款
粗就朝餐愁夕食鳩形滿眼趨賑來傾覆頻仍只增惻
中夜狂呼萬舟起岸火飛鴉半江赤兒唬女哭無處逃
一瞬鬻塵更空蹟皖民彫弊吁已甚兵革且紓猶沴慝
我行利鈍安足論對此茫茫淚橫肌京觀表山築應緩
露布連城繼還克池州桐城廬江處功元帥雅不矜可念灾黎
浩千億

東流中秋

大聲倒江秋不歇連旬惡浪搏驚雪坐虛清興皖江樓
愁殺東流三五節蕭蕭冷雨吹日晚隔舫招尋意俱懶

長年三老殊自豪打鼓鳴鉦舵樓飯

辭家今節忽過四去國再逢三鼎萃橫江累月足波

濤逐客頻年哭天地頑雲蔽空呼不開神山若近引且

迴東流東有神山蒼蒼玉宇隔津漢高處早寒催未催

上船破浪如翼虎下船著力無處所片帆若指上風開

一日應維銅柱浦銅柱南迴復向西雲門九曲沂安谿

草堂壁月上雲雨坐擁芝槃醉似泥

子由倍數侈勤究過也按圖思陣鬪不堪風雨送清節

默坐無言宵且晝老坡老懶貪北碑摩挲咎咎鬢成絲

臧獲亡羊共一噓峨嵎月在歸何時

舟抵安慶城下與姚慕庭濬昌同尋余忠宣墓及
大觀亭址荆棘没人幾不可復識矣

奏凱揚舫士氣豪落帆如夢憶亭皋青衫詩酒流光迅
白骨荆榛倚郭高大皖北驅淮甸塞九華東指海風饕
忠宣總覺英靈在開幕先償將帥勞

九日送善徵弟之祁門方仲舫瀛孝廉置酒爲別

他鄉把菊懷諸弟寥落三年負好秋一舫相將成累月
重陽清興滿汀洲儲胥遠引祁山月歸夢難忘灑水舟
尊酒故人轟醉意持螯相對獨含愁

胡詠之宮保輓詩

江國郊多壘湖南起數公使君開鄂府尤是出群雄未
吐平吳氣剛成下皖功 橋山弓劍在攀去曷怱怱
封疆爭舉搢賢路必康衢撫治雖南紀精神貫海隅臣
心惟活國 天聽叶訏謨俛仰悲陳跡真成絕世無
傾心調猛士鬪虎亦相歡冰雪生胸次風霆走筆端濟
時餘半道元老舊登壇辛苦求和斷思公乃獨難
平生豪俠氣除去不教存猛力何精進激心見道根古
來桑卜法難與豹僑論相濟成忠計人亡那可言

和答方子白

翊元縣令

春風楚澤散黃巾千里驚帆戰血腥相遇奔波賸詩卷

劇愁風雅墜煙塵橫江欲雪飄蓬合猛士長驅奏凱頻
對酒當歌堪破涕管游回首重傷神

弦歌頗怪陶彭澤官秫收無歸興新彊項幾人工媵媚
折腰何術耐風塵短檠簾幕光仍好青麥陵陂慨已頻
江上二橋餘舊宅寒花清酌且怡神

襍感

韓歐不能文程朱不知道李郭無將才韓范聞已謏一
我天地間古今足推倒海夷非族類猾夏恣狂狡機變
絕恥心奇淫售窮巧翠華巡不返含生其悲恹胡爲
見詞闢闢關邪實錄湖南所刻極言鬼教誣惑之害驚若詈祖考哀哉東南傑

此蔽良不少聖道積榛蕪人網弃虛渺群怪窺我隙萬
里血浩浩矧以詖邪徒推波爲之導幾何潮汐汚不壓
嵩岱杪定亂視人心惟正除百擾奇袞歸太樸昏黑啓
清曉宅揆如聖徒第一誅正邪

雪中和答慕庭

雪深一尺勢不止風氣拂拂方助威歲行赴壑騰蛇尾
欲挽短景于將離冬暄閉凍乏纘密嚴寒及臘良所宜
橫江萬幕鼓角暗養銳暫捲軍鋒旂頗聞僵骨苦藉道
亦有澀翼愁栖枝辰陽西谷三山高褰裳欲往風躡之
軍中箸隱豈有當夢魂僕僕仍飢疲喜君衣笠絮輝輝

晨夕起予勞不辭我道自塞子何師薑后數公學仕規
遺書勤子足依歸冰融雪釋愛春時

和丁雨生

日昌

大令除夕用東坡除夜贈段屯田

韵

悠悠復悠悠百歲忽過半將智耄已及自咎餘累歎晨
露引初曦一瞬足把玩何者定主人相於不分散昆湖
涵眾綠傾蓋豁彊伴雷封爾西江選部趨月旦我承需
令旨同覲 玉皇案臨分拂牛刀誓理亂絲亂春明祇
塵顏積厚不可盥國病匪節枝良醫乏岐緩飛蓬信流
蕩覲寵自魚貫模稜甘老客縮手齊勁懦胡君三年別

素抱亦冰炭
皖口雪塞門
晨炊冷行館
蕭條歲除意
誰復相煦暖
寒花對新詩
薄裊念此祭

禮教所不周
法律救其半
任法忘本原
蹂躪祇增歎
府史足鈞樞
破析恣欺玩
紙籠生變虎
紙裂卽威散
盜賊亦我人
華夷豈同伴
負乘爲招徠
馴至匪一旦
管君頻海查
殊俗費稽案

君曾游海國者八橫流知早計成竹
箸書曰海外紀實

有定亂天地
莽風塵湖漢
不供盥十年
幾豪俊整頓
亦已緩卑官
忌奇佞軟媚
逐舊貫是非
甯自由得喪
何勇懦悽悽
增履霜
皖皖矜熾炭
商歌自金石
磊落鏗野館
期君濟時手
際會作春暖
無爲湖海氣
苦絜黜與祭

吳郡遺言卷十
小三十一
賦呈相鄉節相兼柬李申夫榕觀察志察驗
元夕皖江幕府觀湘中新至雅樂遂登西樓騁望

十載祆荒復漢官皖江令節酒杯寬

轟傳雅樂衡疑至

便作春鐙鼓吹看陰谷早回溫律行漁洋猶陋霸才瞞

湘鄉取士皆儒術勝算雍容視羽干

飛樓十丈湧冰壺火樹千章結四隅天際江光爽月轉

城頭人影抱星趨

一作城頭塔影聚星扶

漏聲乍繁愁催箭瑟音

新調喜貫珠幕府今宵除犯夜遲歸不怕李金吾

申夫主營

吳桐雲大廷郎中去年夏鄂城索題匹馬出關圖

今夏皖中再晤始完斯負

對黃龍中林竹泉

天入營平大海環

田清時無外不須關自從

王氣開

元菟常有卿雲護

白山北狩忽驚

一弓劍在匣中興

仍厲斧斨還去年

讀畫愁何極今日償逋共解顏

鍾

湘鄉節相寫蘇辛大江東去千古江山長短句爲

更

惠賦謝

答以紈扇乞書亦今並至故有結句

亦

摧敵渾如翰墨場伏波橫海見湘鄉笑談早已收廬皖

草竊甯容老建康古調銅琶飛激越高秋盾墨恣軒昂

野人心跡同捐扇東下猶堪一奉揚

湘鄉公惠撰先君子表墓文四年矣伐石驟不得

歸更許爲橐書先傳棗木敬以冊子奉乞埭呈律

理人句

同部編東不餘盛一奉賦

翼之教法今誰記一表山河萬古稱先子延江流樸學
倚公雄筆是廬陵豐珉刻劃歸須就西道兵戈阻未能
更許橐書傳棗木劇看磨盾縱秋鷹

贈胡湘林

萬本

文學

東去千古江山

義興圖裏如錐筆坐我河南玉枕間老雪新題石鐘記
故人猶署大瀉山諸侯作客成耆舊一水思家便往還
洗眼謝君桑汁法細書應得尉袁顏

張練渠鳳翥太守招同楊樸菴

搗藻

郎中柯竹泉

華輔明經陳虎臣艾小集

舊雨荒江欣雅集滿堂愛客勝南州漸知酒味能餘暖
可奈風光欲送秋畫裏松菊看總好琴邊沙鳥聽還愁
主賓忽漫當筵舞三捷轟傳白石頭

壁間懸惲南田松菊真蹟竹泉鼓平

沙落雁一曲江甯捷書適至

輝言彝兒書來言七月奉其母媵攜弟妹逃亂出渝城

下三峽脫重險已抵漢鎮

苦意請其意

延北孤城戰格嚴平安無計問書檄竟穿虎豹千蹠出
更奪蛟龍萬口饒夢寐相看思秉燭風沙可接快臨帆
怪來鐙蕊黃花影連夜爭開不受芟

內顧那曾終歲計客愁能彫爾曹何縱無兵革應餬口
跳出艱虞且放歌旅會江湖窮已慣儒冠天地老嫌多
鹿門早晚攜難遂判買扁舟學志和
孤姪申年劇可哀殉城孀幼亦奇侏歸心苦憶龍場遠
戰骨誰持馬革回屢有音書芒日月欲傳忠孝費推裁
壽春弱息憐猶在安得崎嶇傍汝來

送李竹溆教諭如崑還湖南

客緒秋難理君來得素心斯文方叔老古味仲車深喪
亂歸難計飄零別不任戈船看西泝夢繞三山岑
我師石牛洞乃祖龍眠山勝蹟似里閭崇朝能往還結

鄰有成諾誅茅待春閒莫漫黔黃興臨江生後艱君約秋深

同爲黃海之游不果又訂以明歲重來結鄰於桐潛勝處

臘月望就金眉生雨飲和其前夕作

沙月引閑步望衡求素心不見梅花開幽香如在襟
湛然虛明契未覺更漏深再夕計三五此適宜重尋甯知
滿願事乃有非意侵笠屐傲寒雨歌呼佐春斟當筵豈
無歡人籟謝天音默坐憶曩昔渺然如古今

天地老婦多
...

無嫌入醜糖天音燠坐對簾台煖然成古今

無嫌事六首非意對登頰燠和去春傳會歡賞

焚燠船使未覺更氣彩再夕信三五出盡宜重靜宵吟

少月月開也望漸來素心不長蘇外開幽香吹耳蘇其

...

...

邵亭遺詩卷七終春閒莫憂江甯賈鴻佑康民校字受業姨子黃平賀緒蕃

邵亭遺詩卷八

獨山莫友芝子憇

湘鄉相公命刊唐寫本說文殘帙箋異且許爲題

詩歌以呈謝

黜侯贈我唐人寫本書乃是許君說文之斷帙中唐妙

墨無雙經動色傳看叫神物本朝樸學一叔重六籍

畫起基乾隆錯殘鉉疏競拾補勤矣區區諸老翁唯唐

明字科課試必先通一代義疏家取攜若飡饗少溫謬

悠在斥廢說之碎掇還網籠爾時此本若到眼定詡鴻

都捐蔡邕汴京祕藏盡六紙紙縫增銜紹興璽自從寶

慶落人間幾閱劫灰換朝市百八十篆歸尚完界宅分
曹爛仍理顛頊只作書畫傳千載何人究端委邵亭嬾
頽藥不悛奇文入手如笞鞭證昏力疾草箋記整亂鈎
沈坐無寐湘鄉相公治經如治兵號令罷茶齟齬皆靖
嶸莫府軍閒結習在刊徐左許時鏗鏗謂余此卷雖晚
出試數四部官私誰第一元鈔宋刻總奴隸爲子性命
耽書報良值子箋好成爲子歌中有大義數十不可磨
卽呼鐫木印萬本把似海內學者豈在多感公盛意惜
晚莫悠悠志業餘兩皤無聞守此當如何

贈郭筠仙都轉

淮鹺更北票南引猶可補嗣者昧其建齊末踵厥武當
其弛張初薄少時溢取紛更開百竇潰壞茫所主毛盜
攪湖江國計聽莽鹵潤鄰資蜀粵實利弃夷虜軍興徒
括募經政斷權估見錢本流地縮手對江許聞君方糧
使畝稅洞厥苦積重二百年披肝爲陳剖遂令蘇松常
履減得溫許邦本唯此民國足在民牒祇今筦鹽運隻
手握海府裕國第一籌操縱粲可數鹵田無闕弃開竈
卽官煮九淤豁已開江路浩無阻法立百集絕利在商
資聚眼中平時盛冀以期月觀看君重農意惻隱過錫
與士安持權經會見十第五

馮魯川比部以辛酉春奉命守廬州余以其冬

遙署其山長魯川尋從軍趨河陝間至甲子春乃

得來皖之郡不能偕往詩以送之

自君出守吾山長遙領廬陽各幾年鞍馬賢勞憶河洛
琴書寥落對江天相逢快續春明飲此去眞成夏雨懸
了卻公家常一笑爲除茅屋八公前

周子愉觀察自泰州來安慶忽忽言別不能爲懷

送之

忽漫相逢驚意外忽忽爲別不成歡他鄉可住甯非福
後會能期且自寬試茗光陰春欲晚連江風雨氣猶寒

羨君貽厥皆森起珍重桑榆好護看

贈劉伯山

毓崧

優貢卽題其通藝堂集

乾嘉樸學盛揚州焦阮風徽與二劉通藝一編存世業
在南群彥怯相酬殷懃絕簡兵戈外決盪詞鋒劍戟抽
稽古大難三萬字眼中驢券總悠悠

湘鄉爵相惠題唐寫本說文卷子次韻奉荅

禮薦菁茆芹箔筍

箔用筍
筍音

貌羸羽鱗含樂本野蟲毛菜豈

自奇現琢乃登朝祭時世間何物有定珍升沈顯晦聽

中人李唐破卷洩長字斷零黯黹失精神湘鄉相公見

咤絕尤物不許中箱中刊傳學人重題詠千載一遇驚

昌辰相公昨日平江南荆揚薄海靖煙塵定推此意向
 幽側拂拭頓使周行新中興求闕及此補相業武功同
 絕倫凡將說注豈公事要勵賤子加勤斷賤子卅年坐
 坦率不信今輿非古輪表書常覬著作式江式試吏竟忘
 陽羨循循賀把公大句發雄快如飲天漿豁心疥坐思巢
 經鄭小尹安得西來奪苗蠹公命致書招鄭子尹提倉酌雅佐軍
 饒懷抱鏗訇向公盡從公且及飲至酒小技雕蟲愧無
 有斲山紀績護儲槍引筆猶堪聿仲將

寄湖口令姚慕庭

酷炎避無方快雨入夢寐湖鄉百里閒望君同此意君

家羅田來美績垂撫字石翁張其徽閩蜀載威惠君今
奉循譜試手若循例平生利物心康濟豈難致廢教多
莠民任法益重蔽張弛稱良弓操縱得和轡匡廬積遊
興石鍾取佳憇定有口上碑一笑慰顛顛

甲子九日登舟將之江甯阻風攜彝兒登城上高

臺

風色禁江櫂不開驕兒引興復登臺水鄉新壘還杭稻
山國驚烽自草萊老客最難今日意明年何處菊花杯
將雛又作新巢計極目天涯首重回

投賀曾沅圃爵帥四首

吉軍風利下三山吞賊如憑尊俎閒鍾阜本來虛王氣
石城猶自恃重關遲回未肯降幡出僭竊終銷烈焰殷
開皖聲威應天象那知才是管中斑明平回與萊外林
江南文物委蒿萊十二年淹劇可哀百道梯衝天上落
三軍鼓角地中來堅瑕不泥孫吳法精一能令金石開
便好莘莘秋貢士銘勲長記雨花臺蘇養良登州上高
乾清一夜捷書通自口冲聖歡顏壽壽兩宮半壁
東南還舊服頻年將帥盡膚功頭銜炯說雙青眼爵等
端殊一赤衷試問幾人無愧色湘鄉昆弟始難同齊
書生若箇把封圭三尺吳鈎掣紫霓拂袖徑循天道退

處功真與古人齊
龍荒萬里延回紇
鳥道千峰漫白氏
卽恐湖山閒不穩
朝廷早晚起征西

次湘鄉使相贈弟十三首元韵爲凱歌呈相公壽

東南半壁起長城
十載烽煙一槩橫
盡拔名都還職貢
侯封相印看書生

勝算都從開幕年
每更盤錯益精堅
古來艱大維人荷
似此成功豈是天

羣雄性氣異辛酸
倔彊離奇駕馭難
一自湘鄉鑪鞴過

膚功爭起謝泥蟠

舳板長龍得勁師
事前經畫幾人知
長江萬里歸吾手

始有名王係頸時

二百年來此戰塵殺機天發少遺民濟時獨倚旋乾手

信是中興廟算神

吉軍如火友于來一劍先驅鐵石開早晚紫光聯棣鄂

絕勝雙耿在雲臺

雲臺畫像無兄弟特耿舛耿純同族耳

人事天時若合機上元甲子喜周圍捷書未及

先皇見重使元臣哭

賜衣

公曾蒙皇遺衣之賜

先

儒術軍謀湧百泉何須孫武十三篇材官亦解耽經史

五夜書聲萬竈煙

但瘳戎疾講譽髦楚尾吳頭次第叨晡日洗兵朝貢士

訐謨須記樹人勞

安危郭令領中書懷抱關防總破除
埽盡邊塵還禮樂
休休不改受人虛

白首飄零歎此身賴公食息四年春
摩崖誓報東征頌
一代勲名有幾人

隨身萬卷皆公賜長物都無塞滿家
欲乞草堂鍾阜裏
丹黃供取老生涯

六代江山無恙在昇平再見復何疑
凱歌介得懸弧壽
許盡餘觴定此時

安慶幕府三直公初度不受賀不飲客謂友芝以有待蓋待此時也

李少荃

鴻章

宮保開府江蘇削平諸劇寇復省會

及所部郡縣若干城猶以餘力收浙之嘉湖遂補

行江南鄉試來爲監臨賦呈二首

益春批補

十年幕府更登壇江表群兇一劍刊全拓舊疆歸撫節
直清逋寇到鄰萑臨淮號令冰霜肅景武勲名日月看
重疊元功仍懋賞蟠根長與嗣躬桓
鏡吹橫江曷遠襟鎖闈秋貢肅監臨盡銷鋒鏑爲文陣
已別梟鸞總好音十二年來虛盛典三條燭下憶澂心
梓鄉知舉稱殊遇况復豐功照古今

舟發江甯出下關遇大風雨遂泊燕子磯

豐樂

石城鬱鬱不耐住發興朱方揚子閒風勢隔江搖早旭

雷聲催雨下三山盪胸苦憶滄波闊
輟權偏依別渚環
燕子畱人從小泊獨尋荒草問孱顏

金山

金山胡爲黯兀兀瓦礫漫空壓山骨
景純水壟陸且沈
妙高浮圖鞞猶革殘僧三兩避亂返
無力誅茅棲石窟
客來攢眉徧指點破礎何宮殿
何碣自從山下長新洲
走馬登山殺機發老僧護法本平等
三藏連檣走岩樾
文宗四庫隔典守一炬琳宮共灰燼
此山南巡屢駐蹕
天筆聖文昭日月莊嚴自供敕
斷醪募煙燧未空
無寶筏精藍欲復知
幾時黠鬼乘虛肆
侵越眼看臥榻

豢異類主賣自官吁可咄頭陀深慮無乃過肉食良謀
豈荒忽安心參透空色禪滿地荆榛總瑤闕

焦山

往年毛盜橫江東長林天屋摧薪同焦先一山獨見赦
支離偃蹇障海風隱君開山本靈怪野火不死雪沒胸
豈知羣木復百世尚與不壞傳芳蹤我來適逢三月半
僧壇揭起鬪鼓鍾唄聲時聞鶯語滑梵隊畱出花枝紅
鶴銘可語歎殘涸恨我已後米陸翁元章放翁有題名循崖附
葛繞絕頂懷賢極望徒憂忡長江萬里此關鑰百護千
迴洲渚重定知天意厭邊市百產荆揚何不充美言柔

遠侈無外漸乃幹腹成隱癰給園奪民坐會耳此輩流
毒將安窮西迴一徑得幽憇綠篠縈紆引別峰菴名垂崖
雜樹枕流水萬里牢江如可逢頻年浪蹟斷歸路徑想
此地巢雲松眼中傑閣憶文達稅牒嚴關壓短篷牙籤
散落粉黛溷趁潮趣棹愁恹恹嗚呼羣盜乃不爾長懷
鬱鬱吾安從

如臯舟中遇雨

鬱蒸催立夏風雨稱人心試問前谿水應添一尺深青
簾從半溼綠篠送濃陰舟子忙于客貪程不可禁

寄李雨亭

宗義

廉訪揚州二首雨亭奉命署兩

淮鹽運使欲辭去不得尋奉安徽按察使之命亦
欲求退故結句云爾

鹽筴糊塗在昔傳燹餘成法況蕭然誰能利病條無隱
不許公私美自專使者來攜春在手下河看取玉爲田
皖中陳臬尋常事欲乞淮網更歲年

眼中無奈宦場何光怪離奇費捉摩坦蕩獨逢開縣老
勤彊未覺古循過東南亂定非無事君相需才苦不
多信有平生輕去就亟看整頓激頽波

觀周節婦葉鐵琴遺像及畫卷

節婦名淑貞字儷
琴居莫釐峰下年

二十夫公易名利貞字鐵琴精
寫生磊落蒼勁不類婦人筆也

洞庭美人鐵作琴孤弦無儷不成音
小來放筆荷花幹
早是蒼蒼松柏心

通州陸行至任家港

東洲曙色島門煙
十日初辭拙港船
麥隴青黃迎海日
竹輿浩蕩拓江天
獨逃兵革風塵際
未覺誅求裏下偏
雞犬干邨民氣樂
桃源何處更神仙
思熱萬山安道許

狼山下有懷故山不狼

半夜奔補盡論百相存劍

我從警水頭來泛揚子尾
首尾有狼山阻絕一萬里
警山俯眾岫連波蕩俶詭
茲山壓濤瀾隱若重岡比
信宜對雄長循名良有以
何曾巴陵山不攬吳區美
軍興逾

十年流血徧南紀茲山爲北障毛盜遏狂視縱橫裏下
河生遂到螻蟻祇今除巨憝餘枿未全弭重鎮本不輕
成功慎驕弛鼈山西南維挫賊不知幾頗聞堅城堅百
擣勢益歸又聞耕鑿輩科急半死徙漸虛儲胥助有險
亦何恃長江亘天塹人力特其特愁思繞萬山安能挽
江水

一勾狼山水相隨萬里行直趨揚子口復訝此山橫煙
雨連鄉夢風波攪客情茫茫江路盡何事更東征

舟中望崑山

安舟憑午睡睡起見崑山婉孌如相識扳躋苦未閑故

家餘瓦礫高冢漫榛菅何以亭林空迥然天地間

吳淞江舟行五首

三江不似長江險百丈隨心上下行天際數峯平地起
船頭趺坐看雲生

茅葺穉穉覆橫洲篠簞層層不礙舟隨例蒹鱸渾忘却
黃花魚上早菘秋

江流曲曲深邨深狎漚丈人無世心東去歸來倘逃暑
借爾踈踈斑竹林

頑雲鬱蒸塞半空雨龍隱隱雲縫中前舟理篷後理杙
豈料快乘西北風

黃浦分流水驟渾
菰蒲竝岸有潮痕
舟人滿貯吳茶在
好恣蒙芽解眊昏

秣陵中秋攜繩兒登南城聚寶門樓李少荃宮保

微服以鮑花潭源深太常陳作梅鶴觀察倪豹岑

文蔚郎中李少石文杏偕至

秣陵今夕中秋月比似平時劇可憐
尚無笙歌膩鐙舫
得以清曠還山川
南樓迥出霄漢上
靜境欲登黃昊前
行坐空明擬達旦
十載塵痕應洗煎
禁寒獨立天欲風
凌虛激籟成笙鐘
幔亭潛柱定何似
此夜今時毋乃同
丁儀漫有清節約
焦先引逐江船東

謂禹生
都轉

小兒那遽解此樂孤興喜能偕老翁

何來微服客三四制軍乃以賓從至指揮歎歌倚俾隄
逸氣軒軒出天地元規仁祖去我遙武昌牛渚空蕭條
他年建康述勝事直替庾謝傳今宵

農
立冬出清河城度壩登舟泝運河經桃源有懷杏

北出清河城觸目與南異人情換輕揚物態蘊樸擊揚
徐共淮海今古判氣味徒河沙茫茫漕瀆光泌泌立冬
快晴朗黃袴泝輕利順風無峻溜曲岸有幽邃柳藤紆
半青蘆舍漫不次軼塵送鷹隼接柁狎鳥鷗支離風塵

呂亭遺言卷八
二
小五
間漫誕滄洲意桃源百里近雉堞出煙際故人邈商洛
暮色引遐思

自阜河至邳州郭外沙口沂急流百里甚速期明
日停舟訪下邳諸古蹟阻雨不果

輕篙迴曲港飽帆爭急流波光瑩疊岸林影遞危樓長
年酣白日百里見邳州冒進幾通達窮深費稽鈎縈心
卽有制稱意乃無求圯上逸子房素書甯豫謀下相勃
項羽霸氣剽難畱嚴憚法力伸翼起經術修鏗鏗彼二
子佺佺亦千秋遺蹟倘未湮流風定存不夜雨攪客思
古懷阻窮菟悠悠信行邁書以待歸舟

入嶧縣境自臺莊以西至韓莊八十餘里曰下八
閘皆淺峻難上而諸峰起伏不斷

臺莊凌曉風空翠來不斷連山遞迎送向客若近遠最
愛雲際峰迥然意無限我舟西北來塵色復平行緣延
下八閘石瀨彌激淺千艘疲轉漕孤艇驀飛挽嶧屬定
幾重清泗相媚婉客心正紆鬱鷓首勞繾綣秦碑野火
後千載付遐眄焉知斯臣文不共碧霞棣持此謝山光
勤當別蒼蘚

泊微山湖口望湖山

掇湖三百里橫絕徐兗交百匯西北津萬濟東南艘恬

風啟蓬壺軒波鄣函看羣揜恣已屢一水不得驕中原
無廣藪此浸亦足豪湖山拔森爽照眼如青瑤百產在
取攜茲山能孕包頻年避亂人千室自逍遙居然桃源
去一往不可招飄泊懷隱處南枝鮮安巢安得二頃資
山幽買林皋煙波足雄長理亂從昏朝

闕題

此詩原稿闕題似是贈
彭雪琴宮保玉麈之作

子房赤松藥鴟夷五湖權處功泯愆尤邈矣歎高蹈我
公平僭偽赤手拓江表聲光橫古今取忌良不少用其
機退智息肩固爲好顯憂漫西障隱患伏重島瞰我元
氣虛充養尚及早朝廷倚訐謨百度得精討宥任江河

下庶挽狂瀾倒軍書自芻午餘力天浩浩聲威鋪四極
去惡如去草益宏中興業薄海盡安飽午橋資優游良
蠡安足道

雪晴渡微山湖

同雲三宿守湖壖霽雪晴光醒客船鷓手打冰爭尺寸
鷗羣落水故翩翩亭亭午日千波動颯颯西風一帆懸
百里微山看已過赤山舖食見炊煙

邳州至日

識曲鍾期去不還授書黃石邈難攀飄蕭何事下邳國
黯淡愁逢葛嶧山客舍光陰驚繡線鄉園節物憶饒環

安能歲晚無馳逐茅屋菘蹊只閉關

送馬雨農

恩溥

學士還朝

蟻攀麟同車不取

翰林據清華超然紫霄籍聲光照寰寓濡染重竹帛異
等無定途兼材必精核深源從挹注肆應靡持擇覆載
所不周彌縫了無跡胡爲玉堂選別有金壺格濫如齊
門竽祕倚兔園冊翦羅鬪花鳥醜桂咀砂礫實事聽冥
茫虛聞且烜赫相循徒詬病漸漬匪旦夕軍興數公起
此蔽乃稍革頗牧復禁中英邁薄古昔識君提皖學百
廢見手闢名城弃雖還禮教莽猶隔滿持時雨化滌若
凍塗釋翮鴉好音換猗蘭總芳溢惜哉條理始替以苦

凶迫豈不來者師那究無窮澤時事猶艱虞邊防待訐
畫顧盼惜斧柯羈危慨疆場及今還使傳清問得前席
安危曷始終披陳罄肝鬲鄉關邈坤維兵氣漫井絡江
安絆姻舊出處等寄客看君經世手亟了濟時責何當
薄四海一日還安宅鑾坡恢壯猷太常耿名勲老眼老
不降雅頌猶能作茵大

游冷泉歸曹葛民

籀

明經示石屋著書圖漫題

絕句

三年契闊西湖夢百首詩成竟有靈

君避亂時有夢西湖詩一百首

石屋洞天無恙在幾回開口對巖扃

君言石屋是君屋我指冷泉爲我泉住屋飲泉且適意
著書辛苦向誰傳百首詩如竟百靈西陽雜記一百首云

虎邱和高伯足

海湧咄小山寺境拓市闐荒荒餘瓦礫落落乃蒼蔚野
花微徑引磐石疊茵大削壁俯深沈危標上煙靄連嶂
赴遠色佳禽泊虛籟誰言城郭近意與滄洲會漫游豈
屑諍禊事聊舉廢同心不金玉迺爾誼寂外和賣回當
五人墓對刺醫非殘碑低映雜花開果傍要離冢畔薶歲歲山塘寒食路
看花都是弔君來

讀漁洋評點定宋荔裳入蜀詩卷有懷

此卷面題

鈔本卷中評陟利病分明于三閭大夫廟北帝城

兩篇輒舉已作律詩謂足爲勅敵否以俟後之攬

者卷端識略云康熙壬子余與荔裳先後入蜀不

及相見明年荔裳入覲卒于京師甲寅乙卯家居

常得其入蜀詩一卷寫畱篋中久之失其本庚辰

秋余官刑部尚書荔裳之子思勃自萊陽至投一

卷正入蜀詩也亟錄存之先是辛亥歲荔裳在京

師屬余選定其集次爲二十卷攜以入蜀今此本

不可復覩矣惜哉庚辰十一月十九日按庚辰爲

康熙三十九年漁洋辛卯年卒年七十八則是年

六十七矣此卷

虞山瞿秉淵藏

瞿塘雙闕與雲齊巴字江迴更向西一卷清詩餘蜀道

五更歸夢引蟬啼游蹤前後誰勅敵古誼譏彈認舊題

使我飄蓬憶彊伴望山風雨草萋萋

湘鄉相公自兩江移節督直隸入覲奉送二首

龕亂起衡湘拯溺盡江海名城徧恢拓劇憇悉蒞監荆揚半九州胎字將十載鍵橐徵發稀屢豐飢敏改

冲聖開太平元老趣和鼎遽移鍾阜節北指金臺蒐嶽雲膚寸興爲霖聽眞宰崇朝四天下布澤靡偏在胡爲兩江人公去意難解公亦念兩江簡命不可怠江干塞扶攜懷悽望旌綵

公行尚展期趨送有道周頗復千里外至作累月畱秩秩走吏曹雅雅萃英流后山忘畏簡慈明欣御輶鉅人匪代出盛事古難疇賤子避鄉亂依公成八秋能容野

性懶不忍吏道緬老客忘漂泊厚意更莫酬願公坐論
道濟時完遠猷海表覲光烈黃屋弛勤憂湖山待初
服仍得從公游

界溝阻冰五日連得東南風搥鑿而行三日泝六

十里達仙女鎮

堅冰一尺深果作履霜應飄搖客子心宋莫滄洲興
時晴積佳想寸步若山河薪米且今日明朝將奈何
三日東南風舟人喜無極竟夕整篙榔厲兵催蓐食
沖沖進船遲十里愁日暮何曾驚馬行不到追風處
冰棱割船腹積痕已深寸喜見大小函回波開沌敦大函

子小產
子潭名

迴潭帶密篠清影漾澄鮮流冰大于屋急溜不敢前
流冰重湖通試問南北棹玉女來投壺天公應一笑

贈張廉卿

裕釗

中書四首時自白門聯舟出高寶

間累旬偕渡江及吳會廉卿復爲浙遊

潢池才載幻狂瀾投筆爭持速化丹但見青雲生驥尾
誰能白髮愛儒冠石城宋莫憐傳業

汪士鐸
梅岑

肥水哀歌

憶釣竿

徐子苓
懿甫

何似強年張季子早輕萬戶對邁槃

世路蒼茫踐發機眼前真是忽成非古來傳道無青史
天上浮雲且白衣江勢漸侵洲渚隘林陰不爲雪霜稀

金山走馬渾閑事愁憶頑鯨掣海飛

清文一口說桐鄉科律徒存古意忘諛墓定能韓吏部

愧辭因免蔡中郎滔滔避地家山隔齷齪依人歲月荒

萬卷羨君供下筆庾樓風物助軒昂

一月相依送客舟送君乘興復南游盛年逸氣徒神往

杪歲光陰重別愁亂後湖山終嫵媚故人風雨足句留

馮介安
都轉木期鄧尉梅花發歸路清樽過石樓

趙惠甫烈文郡丞以其尊公厚子廉訪仁基岱頂

翰雲圖卷屬題卽送其之官直隸

手掇岱雲膚寸許到處隨心作膏雨爾時湖漢得豐和

去後謳思溢江許潢池盜弄費殄刈亂定灾黎須善撫
乃翁平生未竟事看子承家張其武子今趨官向畿甸
嶽色殷勤送行旅作箋爲寄肩吾宮更割片雲相助與

平山堂

小秦淮水綠漪漪楊柳春風又此時山色有無渾夢寐
井花浮動轉然疑誰言天上瓊絲蕊竟作梢頭繭栗枝
十里珠簾餘薺麥何人雙鬢不成絲

旣跋庶孝禹碑復系一律

寰中落落西京石中殿輝連太子池那知濟北河平日
更有防門孝禹碑祕書天祿歸讎校謁者輶軒訪逸遺

不識爾時庶處士消搖庠里竟何爲

班書荀紀于河平三年惟載命劉向

校中祕書使陳農訪求遺書兩事于八月

題晉孫公和鐵琴拓本

池上篆文天籟孫登又公和方印池下篆文明項元

沐珍藏又墨林印又子京父印明時項氏得之天籟閣所由名也嘉慶七年鐵冶亭制府以贈吳崧

圃相國相國方爲漕帥今猶存錢塘吳氏王逢卿銘吉得其拓本屬題

營窟幽人鐵作琴高山流水寄遐心摩挲天籟縈迴意

想像蘇門鸞鳳音

大列燕門寶圖音

營窟幽人幾刊琴高山流水寄疑心翠峯夫鯨鱗

又九五音 幽人幾刊琴高山流水寄疑心翠峯夫鯨鱗

又九五音 幽人幾刊琴高山流水寄疑心翠峯夫鯨鱗

又九五音 幽人幾刊琴高山流水寄疑心翠峯夫鯨鱗

又九五音 幽人幾刊琴高山流水寄疑心翠峯夫鯨鱗

邵亭遺詩卷八終
江陰繆祐孫袖城校字
受業姨子黃平賀緒蕃